

D I S P U T A T I O

PHILOLOGICO-CRITICA

DE

Q. HORATII FLACCI

EPISTOLA AD PISONES,

QUAM,

QUOD DEUS BENE VERTAT,

PRAESIDE

DAVIDE JACOBO VAN LENNEP,

JUR. UTR. DOCT. ET. IN. ILLUSTR. AMSTEL. ATHENAEO,

HISTOR. ELOQ. POËS. ANTIQ. LITT. GRAEC. ET LAT.

PROFESSORE,

AD PUBLICAM DISCEPTATIONEM PROPONIT

JACOBUS HENRICUS VAN REENEN,

AMSTELODAMO-BATAVUS,

A. D. LUNAE, QUI ERIT XXIII JUNII,

Hora Meridiana, in Majore Athenaei Auditorio.

AMSTELODAMI,

APUD HENRICUM DIEDERIKS.

ANNO C1813CCVI.

100

RECEIVED

1. The first group of people who are interested in the study of the history of the United States are the people who are interested in the history of the United States.

P A T R I . O P T I M O .

S.

PAULINE B. L.

P R A E F A T I O.

Quod plerisque bonarum studiosis litterarum adolescentibus accidere solet, ut auctorum veterum maxime poëtas probent, idem accidisse et mihi fateor, ex quo primum familiaritatem aliquam cum iis contraxi. Et vero magna est eorum praestantia, magna vis ad juveniles animos capiendos. Quamvis enim haec in universum poëtarum dos habeatur, ut, *quid sit pulcrum, quid turpe, quid utile, quid non*, ad juvenum certe sensus *planius ac melius Chrysippo et Crantore dicant*, ea tamen dos in veteribus praecipue poëtis elucet: cujus rei causa, sive in simplicis imitatione naturae, quam pressius semper veteres secuti sunt, sive in majore linguarum, quibus utebantur, efficacia atque virtute, sive in antiquitatis ipsius praecipua quasi auctoritate quadam ac dignitate, sive alibi forte quaerenda sit, rem ipsam ita se habere, non facile, ut puto, quisquam negaverit.

Mihi vero, quam ex veteribus poëtis capiebam, voluptatem magis etiam auxerunt, atque in incredibilem eorum admirationem verterunt Lennepii Viri Cl. de Ovidio habitae scholae; quas cum et assiduo frequentarem, et crebro iteratione domestica repeterem tum et Ovidium subinde cum aliis Augusti saeculi poëtis, monitu Praeceptoris optimi, conferrem, quamquam et ceteros vehementer probabam, qui tamen unus prae ceteris animum adverteret, **HORATIUS** erat. Accidit autem, ut in hujus praestantissimi auctoris libellum *de Arte Poëtica* paullo ante incidissem, quam idem Vir Cl. scholas de Terentio haberet, in quibus frequens illius operis facta mentio meam in legendo illo diligentiam magis etiam acuit quodammodo atque intendit. Verum et illud accedebat, quod cum diversissimas eruditorum hominum de illo tam parvo libello opiniones ferri, ne tum quidem prorsus ignotum mihi esset, (neque enim per rei celebritatem esse poterat) eo majori illum per me cognoscendi cupiditate tenebar. Huic igitur operi summis animi viribus incumbens, subinde etiam inter legendum, ubi locum aliquem rectius cepisse, vel ex pluribus locis collatis de totius operis ratione atque consilio paullo certior factus esse mihi videbar, observationes meas qualescumque in chartam conjicere, simul vero etiam plurium librorum atque interpretum circumspicere subsidia coepi: cujus rei cum aliquando coram Viri Cl. Lennepio Praeceptore meo mentionem injecissem, statim ille, qua est in discipulos suos benevolentia, comiter et apparatu librorum me instruxit, et, si quid ultra requirem, promptum se semper ad me juvandum fore significavit. Itaque cum eo etiam communicavi annotationes meas, quarum ille nonnullas adeo probavit, ut continuo mihi, sicut eas diligentius elaborandi, ita reliquas etiam eadem ratione tractandi et omnino coeptum opus perficiendi auctor existeret: quod neque inutilis mihi ille futurus labor esset, neque etiam, si fructum ejus aliquando publici juris facerem, inglorius. Nam et nova quaedam invenisse me dicebat, et non omnia, quae praeclare jam Antiquiores monuissent, aequè nunc in vulgus esse cognita. quorum igitur intermortuam fere memoriam revocando, subinde etiam novis ea ratio-

nibus atque argumentis confirmando, aliquam apud peritos harum rerum iudices laudem conciliare mihi possem.

Suasit igitur Vir Cl. ut in interpretibus Horatii, praesertim antiquioribus, colligendis summam porro curam atque diligentiam adhiberem. Atque ea quidem res, ut ex voto mihi cederet, Praeceptorum inprimis atque Amicorum factum est benevolentia, quam pro merito laudare, ne dicam paribus umquam beneficiis aequare, uti non possum, ita, quod unice possum, grato semper animo recordabor.

† Editiones igitur et interpretes Horatii in usum mihi maxime sequentes cesserunt.

† *Horatius per Jacobum Locherum poetam laureatum et Professore in Gymnasio Friburgensi cum argumentis, scholiis, glossa interlineari et iconibus, ligno incisis. Argentorati 1498. fol. apud Joannem Reinhardum cognomento Gurningero. (vid. Fabricius, Bibl. Lat. I. p. 407. edit. Ernest. Mitscherlich. de Horatii edit. p. LXX.)*

† *Q. Horatii Flacci liber de Arte Poëtica Jacobi Grifoli Lucinianensis interpretatione explicatus. Lutetiae 1552.*

† *Q. Horatii Flacci Venusini poetae omnia poemata cum ratione carminum et argumentis ubique insertis, interpretibus Acrono, Porphyrio, Jano Parrasio, Antonio Mancinello, nec non Jodoco Badio Ascensio, viris eruditissimis, Scholiisque Angeli Politiani, Marci Antonii Sabellici, Ludovici Caelii Rodigini, Baptistae Pii, Petri Criniti, Aldi Manutii, Matthaei Bonfinis, et Jacobi Bononiensis, nuper adjectis. praeterea annotationes Doctissimorum Antonii Thylesii Consentini, Francisci Robortelli Utinensis atque Henrici Glareani apprime utiles additae sunt a Joanne Maria Bonello. Venet. 1559. in fol. (vid. Mitscherlich. p. CXII. coll. p. CI.) Haec editio scholia in Artem Poëticam exhibet Jodoci Badii Ascensii, Jani (Parrasii), Acronis, Porphyrio, Glareani, Bonfinis, Caelii, Jacobi Bononiensis, Aldi Manutii.*

† *Joannis Baptistae Pignae Poëtica Horatiana ad Franciscum Gonzagam Cardinalem. Venetiis apud Vincentium Valgrisum. 1561. in fol.*

† *Ars Poëtica Horatii et in eam Paraphrasis et παραβολή, sive commentariolum Joannis Samuhuci Tirnaviensis Pannonii. Antwerp. apud Plantinum 1564. in 8vo.*

† *Q. Horatii Flacci Venusini poetae lyrici elegantissimi opera, Grammaticorum XL, tam Antiquissimorum, quam Neotericorum, partim justis commentariis, partim succinctis annotationibus, singulari studio et amplissimis sumptibus in unum corpus collectis, illustrata, variisque ac vetustissimis exemplaribus collata, et munda in iisdem sublata. Basileae apud Henric. Petri. fol. 1580. In hac editione scholia in Artem Poëticam exhibentur Acronis, Porphyrio, Christophori Landini, Francisci Luifini Utinensis, Jacobi Grifoli Lucinianensis, Jasonis de Nores Cyprii, Jani Parrasii Cosentini, Viti Amerbachii, Aldi Manutii, Jacobi Bononiensis, Joannis Hartungii, Henrici Glareani, Theodori Pulmanni, Antonii Mureti, Georgii Fabricii, Joannis Thomae Freigii, Jodoci Badii Ascensii.*

† *In Horatii Flacci Artem Poëticam Paraphrasis Lamberti Ludolfi Pithopoei Daventriensis. Heidelbergae. Anno 1595. 8vo.*

† *In Q. Horatium Flaccum Dionysii Lambini Commentarius. Accedunt Henrici Stephani in Horatium diatribae. Aureliae Allobrogum. A. 1605. in 4to.*

† *Q. Horatius Flaccus cum erudito Laevini Torrentii commentario. item Petri Nannii Almariani commentarius in Artem Poëticam. Antverpiae ex officina Plantin. apud Joannem Moretum. A. 1608. in 4to.*

Q. Ho.

Q. Horatius Flaccus cum commentariis et enarrationibus Commentatoris Veteris et Jacobi Cruquii, ex officina Plantinian. Raphelengii. A. 1611. in 4to.

Q. Horatii Flacci opera omnia. accedunt D. Heinsii de Satyra Horatiana libri duo cum ejusdem in omnia poëtae opera animadversionibus, longe auctioribus. 2 vol. Lugduni Batav. ex officina Elzeviriana. A. 1629. in 12mo.

Q. Horatius Flaccus ex recensione et cum notis atque emendationibus R. Bentley. editio tertia. Amstelædami apud Wetstenios A. 1728. in 4to.

Q. Horatii Flacci poemata ex antiquis codicibus et certis observationibus emendavit, variasque scriptorum et impresorum lectiones adjecit A. Cuninghamius. accedunt ejusdem animadversiones in R. Bentley notis ad Q. Horatium Flaccum. Hagae Comitum. A. 1721. in 8vo.

Oeuvres d'Horace en Latin, traduites en François par Mr. Dacier et le Pere Sanadon avec les remarques de l'un et de l'autre. Amstel. Wetstein. 8 vol. 1739. in 8vo.

Les quatres Poëtiques d'Aristote, d'Horace, de Vida, de Despreaux, avec les traductions et des Remarques par Mr. l'Abbé Batteux. 2 vol. Paris. 1771. in 8vo.

Horazens Episteln an die Pisonen und an den Augustus mit kommentar und Anmerkungen nebst einigen kritischen abhandlungen von R. Hurd aus dem Englischen übersf. und mit eigenen Anmerkungen begleitet von J. J. Eschenburg, Leipzig. 1772. in 8vo.

Horazens Briefe aus dem Lateinischen übersf. und mit historischen Einleitungen und andern nöthigen Erläuterungen versehen von C. M. Wieland. Leipzig. 1790. in 8vo.

Horazens Epistel an die Pisonen mit einem durchgaengigen Kommentar und anmerkungen herausgegeben von M. Engel. Mainz. 1791. in 8vo.

Q. Horatii Flacci Eclogae cum Scholiis veteribus. Castigavit et notis illustravit Gulielmus Baxterus. Varias lectiones et observationes addidit J. M. Gesnerus, quibus et suas adspersit J. C. Zeunius. Lipsiae. A. 1802. in 8vo.

Des Q. Horatius Flaccus Briefe über die Dichter und die Dichtkunst der Römer an den Augustus, Florus und die Pisonen, erläutert von J. F. Habersfeldt. Leipzig, in der Junius'schen Buchhandlung 1802. in 8vo.

Horum autem alios jam statim ab operis institutione, alios postea demum nactus sum interpretes, unde mihi saepissime accidit, ut, quae ipse prius summo cum labore meo investigassem, postea jam ab aliquo veterum occupata deprehenderem. Itaque et dolebam, quod mihi novae observationis laudem alius praeripuisset, et simul tamen etiam aliquo modo gaudebam, quod ita meum quaecumque judicium veteris probatique interpretis judicio atque auctoritate confirmatum viderem.

Ceterum quia non tam editionem Artis Poëticae novam dare (quod potius elegans Mischerslichii Viri Cl. doctrina praestiterit) quam disputationem de ea scribere constituiissem, auctor mihi Lennepius fuit, ut instituti operis huncce inprimis mihi finem proponerem, consilium, quo libellum hunc Horatius scripserit, investigare. Verum ut in aliis etiam artibus atque disciplinis saepenumero ad res vel minimas conficiendas multis magnisque opus esse videmus instrumentis, ita mihi quoque ad unum illud Horatiani operis consilium explicandum maximo sane apparatu, neque levibus opus fuit instrumentorum ac subsidiorum copiis: multa denique praemittere debui, quibus quasi via ad propositum finem sterneretur.

Etenim ad consilium Horatii recte exponendum primo quidem et ante omnia requirebatur, ut cum singula poëtae verba, tum et nexum universonum, apteque cohaerentium inter se sententiarum ordinem probabiliter et ipse perciperem et vero percepta etiam aliis impertirem. Nisi enim de singulis locis eorumque inter se connexionem constaret, haud facile quemquam de universi operis summa, ratione, consilio, certum aut probabile ferre iudicium posse, id vero clamare mihi res ipsa videbatur.

Igitur disputationis nostrae *Capite Primo* carmen Horatii in solutam orationem convertimus, ejusque velut expositionem sive Paraphrasin exhibuimus: verba exquisitiora aut poëtica in nota magis et vulgaria commutavimus; sententias, quae aliquid impediti habere viderentur, explanavimus; locorum vero ac cogitationum poëtae inter se connexionem, qualem quidem eam nobis animo informabamus, quantumque fieri illud poterat, additis vel interjectis nonnullis, indicavimus. Ad singula autem quasi in consilium optimos semper adhibuimus interpretes, et illud quidem, quod una omnium consentienti voce constitutum esset, pro vero habendum esse duximus. Ubi vero inter se dissentirent, unius quidem prae ceteris sententiam amplecti debuimus; aliorum tamen, certe nobiliores illas, itidem in annotatione subjecta commemoravimus, appositis simul locis veterum, quae huic vel illi interpretationi favere viderentur. An ipsum Poëtae textum adderemus, aliquamdiu quidem haesitavimus incerti: postremo tamen in legentium commodum addere constituimus. tum et in margine summa rerum capita adscribere visum fuit.

Quia tamen in hoc opere loca occurrebant haud pauca, ad quae propter insignem eorum difficultatem, aut magnum ad totius carminis rationem intelligendam momentum, variaque de iis eruditorum opiniones, brevi annotatione defungi haud satis poteram, visum est uberiores eorum explicationem in *Caput* rejicere *secundum*. Sic igitur Horatii sententia pro meo quidem captu constituta, ad reliqua, quae in Horatii consilio explicando omitti non poterant, perrexi. Itaque *Capite tertio* inquirendum duxi de personis, quibus opus suum Horatius inscripsit, ex quo capite sane, qui celebratissimam de hoc opere Wielandi, Viri elegantissimi, opinionem recordatus fuerit, maximam partem hancce disputationem pendere non negaverit. De personis autem satis constare non poterat, nisi simul Inquireretur in tempus, quo hunc librum Auctor conscripserit. Igitur duo haecce, personas et tempus, junctim eo capite spectavimus.

In *quarto Capite* scriptionis formam consideravimus. Nobis esse Epistola videbatur. Hanc vero opinionem nostram ut etiam aliis probarem, quae de forma Epistolari passim a viris doctis tradita essent, apponere, deinde ad eam normam auctoris nostri scriptum examinare, necessarium duximus. Cum hac quaestione duae aliae connexae essent de scriptionis materia ac titulo. Quibus omnibus pertractatis *Quinto* demum *Capite* de scriptoris agere consilio potuimus. Hoc igitur Capite nobiliores veterum ac recentiorum eruditorum de illo sententias, breviter et commemoravimus et cum supra dictis collatas sub examen revocavimus. Deinde et nostram qualemcumque sententiam adjecimus: ita fore sperantes, ut hoc certe nomine nostram B. L. probaturus industriam esset, quod, quae apud varios Auctores sparsa habebantur, ea conjunctim hic spectanda exhibuissemus, quo facilius variarum opinionum commenta inter se conferens, iudicium ipse cum de singulis, tum de universa re ferret. Quidquid sit, indulgentiam ejus et juvenis et scribendi rudis imploro.

DISPUTATIO

DE

Q. HORATII FLACCI

EPISTOLA AD PISONES.

CAPUT PRIMUM.

HORATIANAE EPISTOLAE EXPOSITIO.

Poëta

ante

omnia

legem

unitatis

ac

simpli-

Humano capiti cervicem pictor equinam

Jungere si velit, et varias inducere plumas

Undique collatis membris, ut turpiter atrum

Desinat in piscem mulier formosa superne:

5. *Spectatum admisfi risum teneatis amici?*

Credite, Pisones, isti tabulae fore librum

Perfimilem, cujus, velut aegri somnia, vanae

Fingentur species, ut nec pes, nec caput uni

Reddatur formae. Pictoribus atque poëtis

10. *Quidlibet audendi semper fuit aequa potestas.*

Scimus, et hanc veniam petimusque, damusque vicissim:

Sed non ut placidis coëant immitia; non ut

Serpentes avibus gementur, tigribus agni.

EXPOSITIO.

Si pictor in unam imaginem diverforum animalium membra tam monstrose congerat, ut capiti formosae mulieris subjiciantur cervix equina, corpus variis variarum avium plumis inductum, squalida piscis atrī (1) cauda: num facile, amici forte pictoris (2) ad spectandum admisfi, risum ibi continebitis?

Atqui tabulae isti, o Pisones, simillimum fore librum credite, cujus species (idéa) nullam neque singulae cum singulis connexionem, neque junctim spectatae veritatem habebunt; cum ex male cohaerentibus, aliam semper formam aliā diversi generis excipiente, prorsus ut in somniis aegroti, nullum facile totum coalescat. Verum, dicat forte aliquis, aequae poëtis ac pictoribus data semper potestas [quidlibet audendi fuit. Scimus, et hanc veniam uti nobismet ipsi petimus, ita vicissim aliis largimur (3): sed non eo usque, ut naturā pugnantia conjungantur, immitia placidis, angues volucris, agni tigribus sociantur.

(1) Horatium hic *turpiter atrum* dixisse ut Ep. I. 3. 22. *turpiter hirtum*, atque ideo *turpiter* non cum verbo *desinat* jungendum esse, rectè docuit Habersfeld.

(2) Sic recte Landinus, Luissius, Grifolus, alii. Pictor ad spectandam rem tam lepidam non continuo quemvis admisurus est: illam amicis tantum ostendet; sed hi, quamvis amici, quamvis pictori bene cupientes, sibi tamen a risu temperare non poterunt. Perperam igitur, recentiores quosdam secutus, Habersfeldius interpunctione mutata, legit *spectatum admisfi risum teneatis? amici Credite Pisones*.

(3) Sic etiam Grifolus, rectè libonem carpens, interpretantem, *petimus poëtae a pictoribus, illisque vicissim largimur. cf. et Acron.*

-citatis

obser-

vare

debet;

- Inceptis gravibus plerumque et magna profectis*
 15. *Purpureus, late qui splendeat, unus et alter*
Adfuitur pannus: cum lucus et ara Dianae,
Et properantis aquae per amoenos ambitus agros,
Aut flumen Rhenum, aut pluvius describitur arcus.
Sed nunc non erat his locus: et fortasse cupressum
 20. *Scis simulare: quid hoc, si fractis enatat exspes*
Navibus, aere dato qui pingitur? amphora coepit
Institui; currente rota, cur urceus exit?
Denique fit, quod vis, simplex dumtaxat et unum.
Maxima pars vatum, pater et juvenes patre digni,
 25. *Decipimur specie recti. Brevis esse laboro,*
Obscurus fio: sectantem lenia nervi
Deficiunt animique: profectus grandia, turgēt:
Serpis humi tutus nimium timidusque procellae:

E X P O S I T I O.

Atqui (respondeat ille) poetae saepe istiusmodi quid faciunt variandi studio: varietate vel inprimis commendatur carmen: varietas in nullo non opere delectat. Scimus, quid velis: ideo (1) gravibus saepe et magnificis initiis unus et alter purpureus pannus, late qui splendeat, adfuitur, cum lucus et ara Dianae Tauricae, (2) et rivulus, per amoenos campos decurrens, aut fluvius Rhenus, aut Iris describitur. His certe descriptionibus variatur poema; sed, si loco intrudantur alienissimo, si operis unitatem perturbent, aequae sunt ridiculae, atque est cupressus, quamvis egregie pictus, in tabula naufragi votiva. (3) Figulus amphoram coepisti instituere, cur pro amphora mihi urceum exhibes? Poeta Tragoediam exorsus es. cur eam nimio variandi studio in poematis Epici habitum deformas? Debet unum et simplex esse, quod scribere instituis, non varium et multiplex. (4) An igitur plane carmen variare non licet? Omnino licet, habetque apta et concinna variatio magnam laudem, ut plane culpam admittere censendus sit, qui ea lectores detinere nesciat. Sed hic statim jam arte ad poësin opus esse cernitur. (5) Maxima enim pars vatum, o Pisones, falsa opinione recti decipimur. Itaque, dum brevis esse cupio, in obscuritatem incurro, dum lenitatem (6) sector, vim et spiritum amitto, dum grandia loqui volo, in tumorem abripior, dum tumorem vito, in abjectam humilitatem delabor. Fuga vitii, quoties arte caret ac ratione (7), in oppositum ducit vitium.

(1) Vid. Observationes cap. sq.

(2) Quae *Orestea* dicitur Ovidio *Metam.* XV. v. 489. est igitur eadem, quae et *Ariciae* colebatur, hujus aram atque lucum celebrat *Virg. AEn.* VII. 762. cf. *Cruquius*.

(3) Notant Scholiastae Graecum proverbium μή τι καὶ κυπαρίσσου ὄλεως originem ducere a pictore, qui, ut naufragium pingeret, conductus, velletne cupressum adpingi, miserum hominem rogavit.

(4) Vid. *Lambin.* ad h. l. et *Vossius Inst. Poët.* I. c. 4. §. 8. *Bentley.* legis *quidvis*. At vero sic parum interest, utrum pro amphora urceus, modo formā probabilis, exiret. atqui illud exire debet, quod primum auctor instituit, quod *vult* formare.

(5) Vid. *Obsf.* (6) Vid. *Bentley.* ad h. l. (7) Vid. *Obsf.*

et recte
componere
totum
(τὸ ὅλον).
Hoc ut
possit, adae-
quatam viri-
bus mate-
riem eligat.
ita nec
ordo ipfi
deerit,

- Qui variare cupit rem prodigialiter unam,*
30. *Delphinum silvis appingit, fluctibus aprum.*
In visum ducit culpae fuga, si caret arte.
Aemiliam circa ludum faber, unus, et unguis
Exprimet, et molles imitabitur aere capillos.
Infelix operis summa: quia ponere totum
35. *Nesciet: hunc ego me, si quid componere curem,*
Non magis esse velim, quam naso vivere pravo,
Spectandum nigris oculis, nigroque capillo.
Sumite materiam vestris, qui scribitis, aequam
Viribus, et versate diu, quid ferre recusent,
40. *Quid valeant humeri. Cui lecta potenter erit res,*
Nec facundia deferet hunc, nec lucidus ordo.
Ordinis haec virtus erit et venus, aut ego fallor;
Ut jam nunc dicat jam nunc debentia dici,
Pleraque differat, et praesens in tempus omittat:
45. *Hoc amet, hoc spernat, promissi carminis auctor.*

E X P O S I T I O.

Qui variandi studio rem unam ad prodigium usque (1) variat, is et delphinum silvis, et aprum fluctibus appingit: *At laudem tamen in iis descriptionibus mereatur. Atqui hoc non sufficit.* An tu statuarium probares, qui unguis quidem et capillos unice (2) exprimere atque imitari sciat, totam vero statuam fabricare prorsus nesciat? Ego certe non magis huic simili esse fabro poeta velim, quam nasum distortum, ceteras oris partes venustate aliqua spectabiles habere. (3) *Unde vero hoc fit, ut infelices operis summa tot poetas videamus? inde maxime, quoniam in eligenda materia non satis virium suarum rationem habuerunt.* (4) Quicumque igitur aliquid componitis, eligite materiam vestris viribus aptam et parem, diuque perpendite vobiscum, quid consummare possitis, quid non. Qui materiam, secundum quod potest (5), elegerit, eum neque facundia deferet, neque ordo perspicuus. Ordinis, nisi fallor, (6) haec virtus ac venustas erit, ut in carmine, de quo hominum expectatio mota sit, (7) jam nunc dicat auctor, quae jam nunc dici debent et plane omitti non possunt; (8) pleraque vero differat et in aliud tempus, quo praesentior illa vim habitura sint (9), remittat; porro ex magna rerum, quas argumentum suppeditat, copia, quaedam tractanda eligat, quaedam, ut suo proposito minus convenientia, relinquat.

(1) Lambinus *supra omnium hominum fidem*. cf. etiam Hurd. in bonam partem non accipiendum esse recte jam Lucretius vidit, qui, *poeta*, inquit, *deceptus specie recti, ergo non bona, sed prava cupit*.

(2) Vid. Observationes.

(3) Sic Bentlei; alii *quam pravo vivere naso*.

(4) Vid. Obsf.

(5) Acronem sequimur, et est *potenter* hic *κατὰ δύναμιν*, aequam viribus materiam, ut minime cum Hurdio emendandum sit *pudenter*.

(6) Cod. Helmstad. *haud ego fallor*, quam lectionem ut inurbanam et ineptam merito carpsit Haberfeld.

(7) Sic Lambinus. Acron *promissum carmen* intelligit *magnum*. cf. Auctores ab Haberfeldio citati.

(8) Vid. Obsf. (9) Lambinus explicat *in praesenti tempore*, id est hoc tempore; sed ita vix est, ut Horatium tautologiae crimine liberemus. *praesens* saepe notat *maxime efficacem, potentem, idoneum*. cf. Haberfeld. cui etiam, ut Regelsbergero, *differat*, est in varias operis partes distribuat.

nec
facundia,
quae
potissi-
mum
cernitur,
callide
vel
junctis
verbis,
vel
novatis.
Verba
enim
in
rebus
novis
nova
fingere.

- In verbis etiam tenuis cautusque ferendis,
Dixeris egregie, notum si callida verbum
Reddidit junctura novum: si forte necesse est
Indiciis monstrare recentibus abdita rerum;*
50. *Fingere cinctutis non exaudita Cothegis
Continget: dabiturque licentia sumta pudenter.
Et nova factaque nuper habebunt verba fidem, si
Graeco fonte cadent, parce detorta. Quid autem
Caecilio Plautoque dabis Romanus, ademptum*
55. *Virgilio Varioque? ego cur adquirere pauca,
Si possum, invidetur? cum lingua Catonis et Enni
Sermonem patrium ditaverit, et nova rerum
Nomina protulerit. Licuit, semperque licebit
Signatum praesente nota procudere nomen.*
60. *Ut silvae foliis pronos mutantur in annos;
Prima cadunt: ita verborum vetus interit aetas,
Et juvenum ritu florent modo nata vigentque.
Debemur morti nos, nostraque: sive receptus
Terra Neptunus clasces Aquilonibus arcet,*
65. *Regis opus; sterilisve palus prius aptaque remis
Vicinas urbes alit, et grave sentit aratrum.*

E X P O S I T I O.

Ad facundiam vero quod attinet, (1) poeta primo tenuem adhibere diligentiam debet: circa formationem et juncturam verborum (2). Etenim magna laus est, ubi solers junctura novam fecerit dictionem vulgarem. (3) Quod si forte necesse est abditas et ignotas adhuc res novis verbis declarare, et sic nomina fingere proavis inaudita: dabitur haec poetae licentia, pudenter scilicet ac modeste sumta. Verba autem nova et nuper facta auctoritatem obtinebunt, si erunt e Graeca lingua in usum Latini sermonis paululum deflexa. Quid? cum hoc Caecilio Plautoque ab antiquioribus concessum Romanis fuerit, non Virgilio Varioque etiam nostri homines concedant? Cur mihi invideant, si pauca possum adquirere nova verba, cum Cato et Ennius, ea usi licentia et scribendi ratione, sermonem patrium novis verbis ditaverint, et nova rerum nomina protulerint. Licuit ac licebit semper, uti nummum, ita nomen procudere, praesenti nota signatum (4). Quemadmodum vertente anno nova arbores folia producant, primis, quae ver. produxerat, cadentibus, (5) ita veterum dictionum auctoritas obsolescit: nuper autem productae, juvenum instar, florent vigentque. Homines et humana omnia morti sunt obnoxia, sive regio sumtu portus (6), tutum quamvis magnae classis receptaculum, effodiatur, sive palus, prius sterilis et remis apta, jam siccata aratro proscindatur ac vicinas urbes frumento alat.

(1) Vid. Obsf. (2) Vid. Obsf. (3) Vid. Obsf.

(4) In alijs MSS. est *procudere*, in alijs *producere*: (vid. Lambin. et Bentlei.) *nomen* in omnibus, pro quo tamen Lullinus, et Bentlejus *nummum* maluerunt. Sed cum Acron ad vocem *signatum* hoc dicat *tractum esse a nummis*, certe et is *nomen* legisse credendus est: et similiter Juvenalis Sat. VII. v. 5.

Communi seriat *carmen* triviale moneta.

(5) Vid. Obsf. (6) Vid. Obsf.

quidni
liceat?

Porro
facundia
cernitur
adhibitis
conveni-
entibus
materiae,
metro

- Seu cursum mutavit iniquum frugibus annis,
Doctus iter melius: mortalia facta peribunt;
Nedum sermonum flet honos, et gratia vivax.*
70. *Multa renascuntur, quae jam cecidere, cadentque,
Quae nunc sunt in honore vocabula; si voles usus,
Quem penes arbitrium est, et jus, et norma loquendi.
Res gestae regumque, ducumque, et tristia bella
Quo scribi possent numero, monstravit Homerus.*
75. *Verbis impariter junctis querimonia primum,
Post etiam inclusa est voti sententia compos.
Quis tamen exiguos elegos emiserit auctor,
Grammatici certant, et adhuc sub iudice lis est.
Archilochum proprio rabies armavit iambo.*
80. *Hunc socci cepere pedem grandesque cothurni,
Alternis aptum sermonibus, et populares
Vincentem strepitus, et natum rebus agendis.
Musa dedit fidibus Dives, puerosque Deorum,
Et pugilem victorem, et equum certamine primum,*
85. *Et juvenum curas, et libera vina referre.*

E X P O S I T I O.

Sive annis cursum, agros devastantem, mutare cogatur, in certiore alveum deductus, mortalium opera (1) peribunt: tantum abest, ut verborum decor et vis permaneant. Multa jam pridem obsoleta renascuntur; alia, quae nunc in honore sunt, vicissim obsolescent vocabula, si modo usus voluerit, quem penes arbitrium, et jus (2) et norma est loquendi.

Altera facundiae poeticae pars (3) cernitur in adhibendo convenienti materiae, quam tractandam poeta suscepit, metro, sive carminis genere. Regum ac principum virorum bella et res gestae, quo metro optime celebrentur, Homerus exemplo suo docuit. Elegiacis versibus primum ad querelas usi sunt, deinde etiam ad res laetas. Quis tamen primus Elegiarum auctor fuerit, magna etiam nunc inter Grammaticos controversia est. At iambis primum Archilochum adversus inimicos usum esse satis inter omnes constat. Hoc carminis genus postea etiam comoedia et tragoedia adamarunt, tamquam idoneum colloquiis, (2) et omnium optime populi strepitus vincens (3) et actioni inprimis accommodatum (4). Lyrico carminis genere celebrari Musa Deos et Heroas victoresque ludorum voluit: amores etiam juvenum et vini laudes et conviviorum cani licentiam.

(1) Sic enarrat Schol. Cruquii: itaque certe *facta* legit, non, ut Bentlejus dedit, *cuncta*. Deinde sequitur *nedum sermonum flet honos*: atqui si *cuncta* legas, hoc etiam *sermones* comprehendit. *facta*. Horatius dixit, ut Graeci ἐπη. Sic et Ovid. Ep. Her. X. 60.

Non hominum video; non ego facta bonum.

(2) Sic leg. non *vis*, auctoritate veterum codicum. vid Lamb. et, qui de diversa horum verborum significatione egit, Engell.

(3) Habersfeldium sequor. ceterum cf. ad h. l. Quid. Remed. Am. v. 379. sqq. et Vell. Pat. I. 5.

(4) Cf. Aristot. Poetic. 4. Cic. de Orat. III. 47. in Orat. 56. 57.

(5) Acron altius in scena sonantem, quam clamor populi est. Lambinus et alii explicant, quia spectatores strepere definunt iambicis versibus delectati: sed mihi prior explicatio Scholiae magis placet, ob citat. ab Habersf. Epist. ad Aug. II. 1. v. 200 sqq.

(6) ~~apparet~~ dixit Aristoteles l. c. c. 24.

et
colore
dictionis,
ut
semper
servetur id,
quod
Graeci
vocant
τὸ πρῶτον.
igitur
et cuique
personae
suus sermo

*Descriptas servare vices operumque colores,
Cur ego, si nequeo ignoroque, poeta salutor?
Cur nescire, pudens prave, quam discere malo?
Versibus exponi tragicis res comica non vult:*

90. *Indignatur item privatis ac prope socco
Dignis carminibus narrari coena Thyestae.
Singula quaeque locum teneant sortita decentem.
Interdum tamen et vocem comoedia tollit,
Iratusque Chremes tumido delistigat ore.*
95. *Et tragicus plerumque dolet sermone pedestri
Telephus et Peleus, cum pauper et exsul uterque
Projicit ampullas et sesquipedalia verba,
Si curas cor spectantis tetigisse querela.
Non satis est pulchra esse poemata; dulcia sunt,*
100. *Et, quocumque volent, animum auditoris agunto.*

E X P O S I T I O.

Igitur poeta, qui quidem eo nomine dignus sit, et metrum operi suo (1) *conveniens*, et omnino proprios ei colores, tributasque, velut a natura, partes observare debet, aut si nescit, potius addiscere, quam, quia fateri ignorantiam pudori habet, ideo discendi occasionem praetermittere. Quod dixi de coloribus operum observandis, hoc eo valet, ut in comoedia vitiosus habeatur sententiarum et stili color tragicus, vitiosus in tragoedia comicus (2). Thyestae coenam humili plebejaque et fere comica dictione enarrari (3) quis ferat? *Sed hic etiam arte opus est ac iudicio.* Etenim fieri interdum potest, ut et tragico similis color recte adhibeatur in comoediis, ut quando senex gravibus dictis filium castigat (4): et contra personae tragicæ (5) non tam elatus quam humilis sermo conveniat, ut plerumque in dolentibus obtinet. Telephus enim et Peleus, ut miserationem sui moveant, ambo pauperes et exules, recte omnem tragicum tumorem (6) abjiciunt, atque ipsa humilitate querelae, quae sit rerum suarum conditio, ostendunt. Scilicet non satis est poemata docte esse ad oeconomiam composita, verbis et versibus diserta atque magnifica; debent etiam ad affectum esse dulcia, (7) ut sic animum auditoris agant, quo velint.

(1) Vid. Obsf.

(2) Cf. Cic. de Opt. Gen. Orat. c. 1. pr.

(3) *Narrari ait, quia ea non exhibetur agendo, sed annunciando.* verba sunt Vossl. Instit. Poët. II. c. 13. §. 25. quo circa minus recte in nonnullis codicibus scriptum est *tractari*.

(4) Non tamen re vera tragicus sit; *Numquid enim Pomponius istis Audires leviora, pater si viveret.* Horat. Al. Sermon. IV. 40.

(5) Vid. Obsf.

(6) Victorio *projicit ampullas est grandia loquitur*, sed male, vid. Vossl. Inst. Poët. II. c. 14. §. 10. et Lambin.

(7) Vid. Obsf.

detur,
ratione
habita
affectuum,

fortu-
narum,
conditionis,
aetatis
atque
patriae
unius cujus-
que:

- Ut ridentibus adrident, ita flentibus adflent
Humani vultus. Si vis me flere, dolendum est
Primum ipsi tibi: tunc tua me infortunia laedent,
Telephe, vel Peleu; male si mandata loqueris,*
105. *Aut dormitabo, aut ridebo. Tristia moestum
Vultum verba decent; iratum, plena minarum;
Ludentem, lasciva; severum, seria dictu.
Format enim natura prius nos intus ad omnem
Fortunarum habitum; juvat, aut impellit ad iram,*
110. *Aut ad humum moerore gravi deducit, et angit:
Post effert animi motus interprete lingua.
Si dicentis erunt fortunis absona dicta,
Romani tollent equites peditesque cachinnum.
Intereris multum, Divusne loquatur, an heros,*
115. *Maturusne senex, an adhuc florente juventa
Fervidus; et matrona potens, an sedula nutrix;
Mercatorne vagus, cultorne virentis agelli;
Colchus, an Asyrius; Thebis nutritus, an Argis.*

EXPOSITIO.

Vultus hominum (1) uti ridentibus adridere, ita adflere (2) flentibus solent. si vis mihi lacrymas elicere, primum tibi ipsi dolendum est: tunc tua infortunia me laedent. (3) Quod si poeta Telepho aut Peleo orationem tribuerit, ab eorum persona et conditione profus abhorrentem, (4) equidem aut dormitabo aut ridebo. Tenendum igitur, vultum moestum etiam verba tristia decere, quemadmodum iratum minacia, ludentem lasciva, severum seria. Natura enim secundum varios fortunarum habitus primo animum nostrum intus conformat, ut illum vel gaudio perfundat, vel ira accendat, vel moerore deprimat: deinde vero illos motus interprete lingua in vulgus effert. (5) Itaque si a personae loquentis fortuna sermo abhorreat, merito erit, ut poetam risu omnes spectatores (6) excipiant. *At in fabula recte scripta* multum etiam intererit, utrum Deus an Heros (7) loquatur; utrum senex maturus ac prudens, an fervidus aetate juvenis; utrum potens matrona, an nutrix sedula; utrum vagus mercator, an agro veluti adfixus colonus; utrum Colchus an Asyrius, Thebanus, an Argivus verba faciat. (8).

(1) Vid. Obsf. (2) Sic Bentlei. legit pro vulgari *adflunt*. vid. ipsa viri acutissimi nota. cf. et Haberfeld, qui tamen *adflunt* retinuit.

(3) Vid. Lamb. et, quem citat, Cic. de Orat. II. 45.

(4) Vid. Obsf.

(5) Vid. Obsf.

(6) Vid. Obsf. (7) Schol. ad Hom. II. A. v. 4. *οὐ βέδ' ἑμῶν τῆς γυναικὸς ἀνερχόμενοι ἐνδόν τὸ τῶν Ἡρώων γένος*. De aliis lectionibus *Dayus an Heros*, *Dayus an Eros* cett. vid. Lamb. et Haberf.

(8) In *Colchus* et *Asyrius* regionum discrimen significatur, in *Thebis* et *Argis* urbium. in eadem Graecia diversissimi erant Thebanorum et Argivorum mores.

etiam mo-
rum. hi in no-
tis personis
receptae
traditioni,
in novis sibi
convenientes
serventur.
notae res ut
facilius
tractantur,

- Aut famam sequere, aut sibi convenientia finge,*
120. *Scriptor. Honoratum si forte reponis Achillem;*
Impiger, iracundus, inexorabilis, acer,
Jura neget sibi nata, nihil non arroget armis.
Sit Medea ferox invictaque, flebilis Ino,
Perfidus Ixion, Io vaga, tristis Orestes.
125. *Si quid inexpertum scenae committis, et audes*
Personam formare novam; servetur ad imum,
Qualis ab incepto processerit, et sibi consiet.
Difficile est proprie communia dicere: tuque
Rectius Iliacum carmen deducis in actus,
130. *Quam si proferres ignota indictaque primus.*

EXPOSITIO.

Hoc igitur primum poëta observet, ut pro variis personarum fortunis, conditione, aetate, patria, varios etiam iis animi sensus, adfectus, cogitationes, (variā διαβίαν) tribuat (1). Mores vero personarum (ἦθη), notarum quidem, quales fuisse fama tradiderit, tales etiam poëta illos repraesentet (2); novarum autem et a se primum inductarum, quarum fingendi sunt mores, per totam fabulam eosdem et sibi convenientes servet. Si forte Achillem retrahat, illum ab Jove, Thetidis in gratiam, honoratum (3), sit in fabula tua, sicut est apud Homerum, inquietus (4) iracundus, inexorabilis, in laudis ac vindictae studio prae ceteris hominibus acer, (5) qui et jura tamquam se minora contemnat, et nihil non armis arroget. Sit Medea (convenienter fabulis) ferox (ζαμύνος) et invicto in malis animo; Ino mitior et ad lacrymas prona; Ixion perfidus; Io vaga; Orestes tristis. Quod si quid ab aliis poëtis non tractatum in scenam proferre et personam sic formare novam audes, omnino debes, ut supra dixi, convenientia sibi (6) fingere, ut, qualis ab initio persona prodierit, talis ad extremam usque fabulam servetur, nec quidquam a tributis ipsi moribus alienum agat (7). Sane arduum, ac difficile est a nullo ante occupata sic tractare, ut proprie tua dici possint (8). Itaque melius est argumentum, ex Iliade petatum, in tragoediae actus redigere, quam ignota et indicta primum proferre.

(1) Vid. Obsf. (2) Vid. Obsf.

(3) Vid. Obsf. (4) ἀκαμάς: etiam ποδάς ὤκνους. vid. Habersf.

(5) Μᾶλ' ἐμμεμάως Il. Y. vers 468. et Il. A. tot.

(6) Servetur in moribus τὸ ὁμαλὸν. Vid. Arist. l. c. cap. 15. et, qui haec optime explicat, Vosf. Institt. Poët. l. c. 8. §. 9.

(7) Hoc est, quod Aristot. dicit l. c. καὶ γὰρ ἀνόμαλός τις ἦ, ὅμως ὁμαλῶς ἀνόμαλον δεῖ εἶναι. conf. Vosf. l. cit. Hurd. et Habersf. ad h. l.

(8) Vid. Obsf.

ita
novari
ipsa
tractatio-
ne posunt,
scilicet
et ad
Homeri
exemplum

- Publica materies privati juris erit, si
Non circa vilem patulumque moraberis orbem;
Nec verbum verbo curabis reddere fidus
Interpres; nec desilies imitator in arctum.*
135. *Unde pedem proferre pudor vetet aut operis lex:
Nec sic incipies, ut scriptor Cyclius olim;
FORTUNAM PRIAMI CANTABO, ET NOBILE BELLUM.
Quid dignum tanto feret hic promissor hiatus?
Parturiunt montes: nascetur ridiculus mus.*
140. *Quanto rectius hic, qui nil molitur inepte:
- DIC MIHI, MUSA, VIRUM, CAPTAE POST MOENIA TROJAE,
QUI MORES HOMINUM MULTORUM VIDIT ET URBES.*

E X P O S I T I O.

Verum, inquires, ita nulla me inventionis laus manet. Quidni maneat; et satis ampla quidem (1), cum materies, quamvis publicata jam et in vulgus nota, (2) facile possit eleganti tractatione tua fieri? eleganti, inquam, tractatione. Sed ita nec haerere debes circa patulum omnibus, ignotum nemini (3), tritum vilemque vulgaris tractationis ac dispositionis orbem; (4) neque, si quid ex Graeco in Latinum convertas, verbum pro verbo anxie reddere; neque, si imitari volueris, religiosa nimis imitatione in eas te angustias conjicere, unde postea, deprehenso vitio, te honeste expedire (5) propter pudorem, vel quam operis tibi inconsulto legem dixisti, non possis. *Legem operis sibi inconsulto etiam illi dicunt*, (6) qui inde a principio nihil non magnificum pollicentur, ut olim scriptor Cyclius (7): *Fortunam Priami cantabo et nobile bellum*. Ecquid tandem hic promissor tanto dignum hiatus proferet? montes parturiunt: (8) mus nascetur. Quanto rectius hic, qui inepte nihil molitur: *Dic mihi, Musa, virum captae post moenia* (9) *Trojae, Qui mores hominum multorum vidit et urbes.*

(1) Sic et Engel. nexum constituit.

(2) Vid. Obsf.

(3) Vid. Habersf.

(4) Vid. Vosf. in Ritt. Poët. L. II. C. 14. §. 9.

(5) Caningham et Sanadon legunt *referre*, primâ longa; quod ipsum insolentius. deinde recte Engel. docet *proferre* melius huic loco convenire, si quidem hoc tam ad pudorem, qui regredi, quam ad operis legem, quae progredi vetat, referri possit.

(6) Vid. Obsf.

(7) Alii *Cyclicus*: sed vid. Bentlei. et Habersf.

(8) Ita Bentlejus pro vulgato *parturiunt*. Ipsum proverbium Horatius a Graecis sumit. Athen XIV. 7. ὠδινεν ὅρος Ζεδς δ' ἐφοβεῖ. τὸ δ' ἐτεκέν μὲν. de quo proverbio vid. etiam Porphyrius.

(9) Sic recte Bentlejus edidit; etenim verba Homeri sunt *λεπὸν πτολίεθρον ἔκπερσς*. cf. Habersfeld. aliae editiones habent *tempora*.

instituta.

Ceterum,

five

nota, five

nova perso-
na inducatur,

- Non fumum ex fulgore, sed ex fumo dare lucem
Cogitat, ut spectosa dehinc miracula promat,*
145. *Antiphatem, Scyllamque, et cum Cyclope Charybdin.
Nec reditum Diomedis ab interitu Meleagri;
Nec gemino bellum Trojanum orditur ab ovo;
Semper ad eventum festinat; et in medias res,
Non secus ac notas, auditorem rapit, et quae*
150. *Desperat tractata nitescere posse, relinquit;
Atque ita mentitur, sic veris falsa remiscet,
Primo ne medium, medio ne discrepet inum.
Tu, quid ego et populus mecum desideres, audi;
Si fautoris eges aulaceo manentis, et usque*
155. *Sesfusi, donec cantor, Vos Plaudite, dicat;
Aetatis cujusque notandi sunt tibi mores,
Mobilibusque decor, maturis dandus et annis.*

E X P O S I T I O.

Non fumum e luce, sed ex fumo lucem dare cogitat, ut deinde lectu jucunda proferat miracula, Antiphatem, Scyllam, Cycloper, Charybdin. Mem etiam docuit, non nimis a longinquo peti exordia debere: neque enim Trojani belli historiam ab gemino orditur Ledaeyvo; neque, si Diomedis ab eodem bello reditum (1) celebrare voluisset, narrationem suam, ut alius poeta fecit, ab interitu daxisset Meleagri. Homerus semper ad propositum finem properat, ac proinde auditorem statim in medias (2) res, tanquam cognitae, rapit, nec minuta historici scriptoris diligentia omnes Trojani belli res persequitur, sed eas tantum, quae nitescere tractatae poterant: alias plane relinquit atque omittit. Interdum etiam ab historia recedit, eamque fabulis et figmentis exultat; sed semper ita fingit, ita falsa veris, intermiscet, ut ne principio medium, medio finis discrepet. Tu, si fabulam conscribere volueris, cui spectatores faveant (3) ad finem usque, caveam non ante relicturi, quam ab histione extremum illud pronunciari (4) plaudite audiverint; haec praecepta accipe, quibus observatis facile et nostrum et populi favorem tibi concilies. Primo, ut ad mores servandumque in iis decorum redeam, illud imprimis cura, ut sint aetatibus congrui. Itaque tibi notandi sunt aetatis cujusque mores, ut decorem (5) suum aequae pueris et adolescentibus, quorum mobilis et inconstans ratio est, ac provectoris et maturae (6) jam aetatis hominibus, apte tribuere scias.

(1) Vid. Obsf. (2) Vid. Obsf.

(3) Sic Bentlejus pro vulgato *plausoris*. Vid. tamen Obsf.

(4) Vid. Obsf. (5) Id est τὸ πρέπον, ut Lambinus, quod decet: non ut Dacier vult, la beauté propre de l'age.

(6) Ita Bentlejus, cui Baxter. et Habersfeld. assensuatur. Antiquam lectionem *naturis* probant Dacier. Gesner. Engel. Wieland. Lambinus *naturas mobiles* dici putabat, quae variatis aetatibus immutarentur.

- Reddere qui voces jam facti puer, et pede certo
Signat humum; gestis paribus colludere, et iram*
aetatis
160. *Colligit ac ponit temere, et mutatur in horas.*
cujusque
*Imberbus juvenis, tandem custode remoto,
Gaudet equis canibusque et aprici gramine campi;
Cereus in vitium flecti, monitoribus asper,
Utilium tardus provisor, prodigus aeris,*
mores
165. *Sublimis, cupidusque et amata relinquere pernix.*
fervandi
*Conversis studiis, aetas animusque virilis
Quaerit opes et amicitias; inservit honori,
Commisisse cavet, quod mox mutare labores.*
sunt.
Multa senem circumveniunt incommoda; vel quod
170. *Quaerit, et inventis miser abstinet, ac timet uti,
Vel quod res omnes timide gelideque ministrat,
Dilator, spe longus, iners, avidusque futuri;
Difficilis, querulus, laudator temporis acti
Se puero, castigator, censorque minorum.*
175. *Multa ferunt anni venientes commoda secum,
Multa recedentes adimunt: ne forte seniles
Mandentur juveni partes, pueroque viriles,
Semper in adjunctis aevoque morabimur aptis.*
Praeterea

E X P O S I T I O.

Primam infantiam egressus puer, ludere cum aequalibus amat; quamcumque levem ob causam statim irascitur, sed idem nullo negotio placatur; denique singulis fere horis mutatur. Imberbus (1) juvenis, dimisso tandem (2) paedago, equis maxime et canibus et campestribus delectatur exercitiis; idem flexibilis est ad vitium, reprehensionis impatiens, utque praesentium avidus, ita ad futura bona sibi prospicienda segnis, pecuniae prodigus, animo semper elatus, (3) in appetendo vehemens, sed, quas appetivit res, cito rursus abiciens (4). Virilis aetatis alia jam ratio, alia sunt studia. Comparandis haec divitiis, amicitias, honoribus intenta est, atque ideo cavet commisisse, cuius eam facti mox poeniteat (5). Multae senem molestiae circumveniunt, vel quia opes quaerit, et inventis uti non audet, vel quia omnes res timide et pigre administrat, procrastinandi vitio, et quamvis morti proximus, spem tamen in longinquum extendens. (6) Itaque praesens tempus mora inertiae corrumpit, futuri tamquam mellioris avidus. Porro morosus est, aevi puero se acti laudator, juniorum castigator atque censor. Scilicet multa anni venientes bona afferunt, multa recedentes secum auferunt. Itaque, ne forte in fabula juveni seniles partes mandentur, puero viriles, semper aetati cuique adjuncta, apta, propria, diligenti imitatione exprimemus.

(1) Alii *imberbis*, sed Acron, *imberbus*, inquit, et *imberbis*, sicut *inermus* et *inermis*, quod non notasset, nisi rariorem hanc formam *imberbus* scriptam invenisset.

(2) Parrhasius *ad juvenum*, inquit, *desiderium alludit*.

(3) Vid. Lamb. (4) Vid. Obs.

(5) Haberfeld. edidit *munire*, lectionem secutus codicis Helmstadiensis, etiam Regelsbergero probatam. ego antiquam retinui, quod contrapposita magis elucere facit. Juvenis est *mobilis*, *mutabilis* et *amata relinquere pernix*: at vir contra *commisisse* cavet, quod mox *mutare* laboret.

(6) Bentlejus legit: *Dilator, spe lentus, iners, pavidusque futuri*: sed, vid. Obs.

judicio
opus est ad
dignoscen-
dum, quae in
scenis agi,
quae narrari
debeant.

Quinque sint actus
fabulae. Nec temere
ad solvendum nodum
Deus adhibeatur. Tres
fere loquentes
sint personae. Sed
actoris partes.

- Aut agitur res in scenis, aut acta refertur:*
180. *Segnius irritant animos demissa per aurem,
Quam quae sunt oculis subjecta fidelibus, et quae
Ipse sibi tradit spectator. Non tamen intus
Digna geri promes in scenam: multaue tolles
Ex oculis, quae mox narret facundia praesens:*
185. *Ne pueros coram populo Medea trucidet;
Aut humana palam coquat exta nefarius Atreus;
Aut in avem Procne versatur, Cadmus in anguem.
Quodcumque ostendis mihi sic, incredulus odi.
Neve minor, neu sit quinto productior actu
Fabula, quae posci vult, et spectata reponi.
Nec Deus intersit, nisi dignus vindice nodus
Inciderit, nec quarta loqui persona laboret.
Actoris partes chorus, officiumque virile
Defendat; neu quid medios intercinat actus,*
195. *Quod non proposito conducat et haereat apte.*

E X P O S I T I O.

Porro. (1) cum in scenis aut agatur res, aut intus acta referatur; constans observatio de-
claravit, animos spectantium haud tam narratione rerum affici, quam praesenti ipsarum actu,
quando oculis subjectae facilius fidem inveniunt (2). Neque tamen hoc ita accipias velim,
ut promenda omnia in scenam iudices; imo potius multa ab aspectu removeto, quae
mox tamquam intus acta nuncius aliquis in scenam diferte ornatique proferat. Sic
v. g. liberos coram spectantibus (3) trucidare Medea (4) non debet, nec humana exta
palam Atreus coquere, neque aut Procne in avem, aut Cadmus in anguem transfor-
mari: quae cuncta oculis subjecta magis inde spectantibus absurda et incredibilia
videantur, ita ut odium iis ac fastidium moveant. Porro, fabula ut placeat, ut po-
scatur a populo, iterumque spectanda reponatur (5), omnino quinque actus habere debet, non
plures neque pauciores (6). Dei interventum, ad solvendum nodum, quem vocant, fabu-
lae, ita demum probo, si dignus tanto vindice nodus fuerit. (7). Loquentes personae non
plures tribus in scenam simul inducantur. quod si quando quarta intercedat persona, aut
omnino non loqui debet, aut pauca (8). Sed actoris (9) partes chorus sustineat; nihil
autem mediis actibus (10) intercinat, quod non proposito fabulae conducat, eique apte
cohaereat.

(1) Etiam Engel. nexum ita constituit, ut Horatius pergat in praecipiendo; quid faciendum ei, qui detinere fabulae spectatorem velit. vid. vers 153.

(2) Vid. Lambinus et imprimis Voss. instit. Poët. II. c. 4. §. 2. et c. 13. §. 24. sqq.

(3) Vid. Obsf.

(4) In versu 185. Bentlejus pro vulgari lectione *nec* restituit *ne*. quem vide.

(5) Vid. Obsf. (6) Vid. Obsf.

(7) Vid. Lambinus, Habersfeld. et Obsf. nostr. cap. seq.

(8) Vid. Lambinus.

(9) Antiquiores interpretes *Auctoris* legunt, quod recte improbat Lambinus, quem vid. et Obsf. nostras.

(10) Vid. Obsf.

chorus
impleat,
aequi
semper
et honesti
studiosus.
Tenendum
autem
ob chorum
esse modos,
non ob modos
chorum: ne
forte cre-
scens in dies
modo.

Ille bonis faveatque, et consilietur amice,
Et regat iratos, et amet pacare timentes;
Ille dapes laudet mensae brevis, ille salubrem
Justitiam, legesque, et apertis otia portis:
200. Ille tegat commissa, Deosque precetur et oret,
Ut redeat miseris, abeat fortuna superbis.
Tibia non, ut nunc, orichalco juncta, tubaeque
Aemula, sed tenuis simplexque foramine paucos
Aspirare et adesse choris erat utilis, atque
205. Nondum spissa nimis complere sedilia flatu:
Quo sane populus numerabilis, utpote parvus,
Et frugt castusque verecundusque coibat.
Postquam coepit agros extendere victor, et urbem
Latior amplecti murus, vinoque diurno
210. Placari Genus festis impune diebus;
Accesit numerisque modisque licentia major.

E X P O S I T I O.

Chorus ille et faveat bonis (1) et amice consilia (2) cum iis ineat; chorus iratos regat, et tumentium aestus sedare studeat (3). Idem et frugalitatem victus et salubrem justitiam et observantiam legum et concordiam atque pacem laudet. Idem commissa sibi arcana fideliter tegat. (4) Idem et numina precetur, ut sublevatis miseris superbos (ὕπερφάνους) deprimant. Olim choro aspirabat tantum, ejusque cantum et saltationem adjuvabat tibia (5); non illa, ut nunc (δύαυλος) orichalco (6) juncta (7) et tubae ut magnitudinem, ita sonum habens, sed tenuis et simplex (μικρὸς), paucis foraminibus, cujus tamen sonus facile per omnia spectatorum sedilia, nondum referta nimis, exaudiri poterat. Illuc enim populus, uti parvus, (8) ita modestus, verecundusque conveniebat. Sed postquam victor (Romanus) prolatis imperii finibus etiam pomoerium proferre coepit, (9) ac festo ludorum tempore adeo veteris frugalitatis oblitus est, ut vel de die potaret, (10) major quoque fabularum numeris et modis licentia accesit,

(1) Lambinus in duobus codicibus *que* post *faveat* omisum dicit: eos autem sequitur Haberfeld. Equidem non ausus sum rejicere, cum, quod saepe sic positum apud poetas reperitur, tum etiam, quod Horatius non tam facile metrum soleat negligere.

(2) Vid. Lambinus, coll. Engel. et Haberfeld. nonnulli, ut Dacier. *concilietur amicis*. sed vid. Sanadonum, qui et Cruquium citat. in omnibus suis scriptis *consiliari amice* legi testantem.

(3) *Quavis animi aegritudine laborantes*. Vid. Bentlejus. Ante eum legebatur *peccare timentes*. Haberf. cum nonnullis legit *pacare timentes*; verum illud etiam hoc continet.

(4) De hoc officio chori vid. omnino Dacier.

(5) Vidd. Sambucus et Nannius.

(6) De orichalco h. l. egit Sanadon.

(7) Sic Lambinus et Bentlejus ediderunt. alii *vincta*. Recte Dacier. *ut dijudicarem*, inquit, *sibiam illam ipsum vidisse, necesse foret*.

(8) Merito Dacierius Tan. Fabri conjecturam improbat, pro *parvus* legendis *parcus*.

(9) Pro *latior* v. 209. Bentlejus ex conjectura dedit *laxior*: sed vulgatam recte tuiti sunt Dacier. et Haberfeld. *latior murus* non est, ut Bentlejus exponit, *crasior*, sed *latus ductus*, et opponitur *angustis moenibus*.

Vid. Ovid. III. Fast. v. 181.

(10) De hac re vid. Nannius.

-rum licentia
luxuriare
etiam cho-
rum faciat.

Satyrorum
chorus,
tragoediae
quondam
subiunctus,
etiam nunc

*Indoctus quid enim sciret liberque laborum,
Rusticus urbana confusus, turpis honesto?
Sic praeae motumque et luxuriam addidit arti*

215. *Tibicen, traxitque vagus per pulpita vestem.
Sic etiam filibus voces crevere severis,
Et tulit eloquium insolitum facundia praeceps:
Utiliumque sagax rerum, et divina futuri,
Sortilegis non discrepant sententia Delphis.*

220. *Carminis qui tragico villem certante ab hircum,
Mox etiam agrestes Satyros nudavit, et asper
Incolumi gravitate jocum tentavit; eo, quod
Illecebris erat et grata novitate morandus
Spectator, functusque sacris, et potus, et exlex.*

225. *Verum ita riores, ita commendare dicaces
Conveniet Satyros, ita vertere seria ludo;*

E X P O S I T I O.

quam colluriei hominum, quae inde theatrum inundavit, gratam acceptamque fuisse, non est, quod magnopere miremur. (1) Quid enim sciret rudis et incondita illa luxuriantium otio rusticorum multitudo? (2) Sic factum est, ut, qui antea choris tantum aspirabat tibi-
cen, ipse jam in pulpitem prodiret, ubi longo pretiosoque symmate spectabilis, et mimica inter canendum incedens, tam istis oculos hiantis plebeculae, quam clario-
ri grandis tibiae sono aures oblectaret. Sic etiam lyrae in tragoedia sonus crevit, (3) cui se, quod factum nollem, postremum etiam poetae accommodantes carminis genus affectarunt, torrentis instar incitatum ac turgidum, planeque novum et insolitum, adeo ut chori, cui propositum esse debebat, vel in praefens utilia monere, vel probabiliter futura conjicere, tam obscura (4) jam sententia sit, quam oraculi Delphici. De Satyrorum autem choro et omnino de Satyrica fabula teneri haecce velim. (5) Tragicus poeta, primis jam temporibus, (6) statim post peractam tragoediam, in eandem scenam etiam nudos et agrestes Satyros induxit; ita mordacem adhibere jocum tentans, ut tamen etiam gravitatis rationem haberet. Scilicet jocosum illecebris et grata novitate detinendus erat spectator sacris perfunctus et diei ac potus festivitate in luxuriam solutus. Ad hunc igitur chori Satyrici originem nunc etiam attendens poeta jocari meminerit gravitate incolumi. (7) Nam ita riores et dicaces Satyros acceptos reddere spectatoribus conveniet, ita seriis ludum admiscere,

(1) Sic etiam Haberfeld. nexum constituit.

(2) Vid. Obsf. (3) Vid. Obsf.

(4) Vid. Lambinus.

(5) Sic Engel. nexum constituit.

(6) Cum adhuc praemium esset hircus, et tantum festis diebus in honorem Bacchi ageretur ludi.

(7) De hac omni re vid. Hurd. et Obsf. nostrae.

colorem,
non nimis
a tragico
recedentem,
servet.
Ceterum
in omnibus
Satyricae
fabulae
personis
ratio
habenda
est

- Ne quicumque Deus, quicumque adhibebitur Heros,
Regali conspectus in auro nuper et ostro;
Migret in obscuras humili sermone tabernas:*
230. *Aus, dum vitat humum, nubes et inania captet.
Effatire leves indigna tragoedia versus,
Ut fessis matrona moveri iussa diebus,
Intereis Satyris paulum pudibunda protervis.
Non ego inornata et dominantia nomina solum*
235. *Verbaque, Pisones, Satyrorum scriptor amabo:
Nec sic entis tragico differre colori,
Ut nihil intersit, Davusne loquatur, et audax
Pythias, emuncto lucrata Simone talentum,
An custos famulusque Dei Silenus alumni.*
240. *Ex noto fictum carmen sequar, ut sibi quisvis
Speret idem, sudet multum, frustraue laboret,
Ausus idem. Tantum series juncturaque pollet;
Tantum de medio sumtis accedit honoris.*

E X P O S I T I O.

ne quicumque Deus aut Heros adhibebitur, (1) regali modo in auro et purpura conspicietur, ita mox cum Satyris loquatur, ac si educatus in taberna foret. (2) Non debet etiam ex hujus fuga vitii tragicum tumorem affectare. Quamvis enim comicum sermonem, ut qui ipsam minime deceat, aversetur tragoedia, proprium tamen illud ac solennem sibi propter Satyrorum rusticitatem ac levitatem aliquantulum hilaritate temperabit, et omnino sic inter Satyros versabitur, ut matrona festo die publicis choris interest, ex ritu quidem ad laetitiam composita, sed semper tamen salvo pudore (3). Numquam ego, Satyrorum scriptor, ita omnem tragicum colorem vitabo, ut nullum dictionis ornatum, nullas poëticas figuras, sed ea tantum, quae in vulgari sermone dominantur usuque quam tritissima sunt (4), adhibeam: ut nihil plane intersit inter Davi sermonem in comoedia, vel (5) eum, quem audax Pythias emuncto sene talentum lucrata, et illum, quem in mea fabula Silenus, Dei Bacchi custos et famulus, edit. Ex noto (6) sermone carmen meum Satyricum effingam, ut quisque idem et se facere posse confidat, sed mox facere aggressus multum frustra sudet, ac labore. tantum valet callida verborum junctura; tantum ea decoris adjungit etiam de medio sumtis vocabulis.

(1) Vid. Obsf. (2) Unde Tabernariae dictae fabulae. vid. Lambin. et Habersf. (3) Vid. Obsf.

(4) Sic Lambinus. cf. Obsf. nostrae.

(5) Sic in edit Basil. In vulgatis legebatur *an audax*. At vero non Davus Pythias, sed Silenus et Davo et Pythio opponitur. Vid. Lambinus.

(6) Vid. Obsf.

decori
(τοῦ πρέπου-
τος.)
In versibus
etiam
dramaticis
• magna
adhibenda
est

- Silvis deducti caveant, me iudice, Fauni,*
245. *Ne, velut innati triviis, ac pehe forenses,*
Aut nimium teneris juvenentur versibus umquam,
Aut immunda crepent ignominiosaque dicta.
Offenduntur enim, quibus est equus, et pater, et res;
Nec, si quid fricti ciceris probat et nucis emtor,
250. *Aequis accipiunt animis, donantve corona.*
Syllaba longa brevi subjecta vocatur Iāmbus,
Pes citus: unde etiam Trimetris accrescere iussit
Nomen Iāmbēis, cum senos redderet ictus,
Primus ad extremum similis sibi: non ita pridem,
255. *Tardior ut paullo graviorque veniret ad aures,*
Spondeos stabiles in iura paterna recepit
Commodus et patiens; non ut de sede secunda
Cederet aut quarta socialiter. Hic et in Acct

E X P O S I T I O.

Ad ipsos Faunos sive Satyrōs quod attinet, cavendum, me iudice, ne deducti silvis ita loquantur, velut innati urbis essent triviis, aut assidue in foro versati. Numquam illi teneris versiculis cultioris urbanae juventutis sermonem exprimant. (1) At numquam etiam obscena et contumeliosa dicta proferant. His enim offenduntur equites et patricii alique viri nobiles ac divites; neque enim probant illi, aut laudant, quidquid frictum cicer et nuces ementi plebeculae placet. (2) *Artem igitur ad haec omnia requiri nemo non videt; sed praeterea versuum quoque in tragoediis et comoediis fabrica nonnihil artis ac diligentiae postulat.* (3) Syllaba longa praecedente brevi iāmbus appellatur, pes eximiae celeritatis; unde etiam factum est, ut versus iāmbicus (senarius), quamvis sex re vera ictus redderet, vulgo trimeter diceretur. (4) Atque olim quidem huiusmodi trimeter a principio ad finem totus ex iāmbis constabat. (5) Sed cum metus esset, ne continua iāmborum series taedium audientibus faceret, ac prae nimia celeritate non raro cum tragoediae gravitate ~~quae~~ pugnare videretur, idem ille trimeter, ut paullo tardior graviorque ad aures veniret, in primam, tertiam et quintam sedem lentius iāmbo procedentem pedem, spondeum admisit. Ceterum non eo usque facilis et patiens iāmbus fuit, ut secundam quoque aut quartam sedem libenter spondeo concederet.

(1) Vid. Lambinus.

(2) Quidam *fracti* legunt: Sed vidd. Lambinus et Engel.

(3) Cf. Habers. et v. 261. et 262. infra.

(4) Vid. Obsf.

(5) Vid. Obsf.

diligentia:
 licet de utro-
 que, numeris
 ac jocis,
 male vulgo
 judicent
 Romani,
 stulta proa-
 vorum admi-
 ratione ea-
 dem cum ipsis
 probantes,
 de excolenda
 promovenda-
 que arte parum
 solliciti.

Nobilibus trimetris apparet rarus, et Enni
 260. *In scenam misos magno cum pondere versus,*
Aut operae celeris nimium curaue carensis,
Aut ignoratae premis artis crimine turpi.
Non quisvis videt immodulata poemata iudex,
Et data Romanis venia est indigna poetis.
 265. *Idcirco vager, scribamne licenter? Ut omnes*
Visuros peccata putem me, tutus et intra
Spem veniae cautus? Vitavi denique culpam,
Non laudem merui. Vos exemplaria Graeca
Nocturna versate manu, versate diurna.
 270. *At vestri proavi Plautinos et numeros, et*
Laudavere sales; nimium patienter utrumque,
Ne dicam stulte, mirati: si modo ego et vos
Scimus inurbanum lepido seponere dicto.
Legitimumque sonum digitis callemus et aure,

E X P O S I T I O.

Scio equidem in celebratis (1) illis Accii trimetris raro iambum reperiri; scio eundem, etiam ab Ennio neglectum, versus ejus, cum magno pondere (*spondeorum*) in scenam misos, (2) aut operae festinatae nimium et cura carentis, aut artis ignoratae crimine, sane illo turpi, premere. Quid tum? An quia non omnis iudex illud numerorum vitium animadvertit, et jam ab Enni inde temporibus indigna concessa est Romanis poetis metrum jugulandi venia, ideo sciens prudensque ab artis praeceptis vager et scribam licenter; quamvis (3) omnes peccata mea visuros putem, nihilominus adversus reprehensionem tutus; quippe qui non plus admiserim, quam cujus aliorum exemplo veniam mihi sperare liceat? Minime vero! Nam, utcumque haec metri vitia condonari et ignosci soleant; certe eo pacto reprehensionem tantummodo effugi; non laudem merui. Vos vero, o *Pisones*, quibus et melior mens et animus est ad laudem erectior, exemplaria Graeca studiose legite atque imitamini. (4) Nec eo vos proavorum ducat reverentia, (5) ut, illorum exemplo, vobis etiam laudandos esse Plauti numeros et sales putetis. Illi videlicet utrumque (6) nimis patienter, ne dicam stulte, mirati sunt: si modo ego et vos inficetum dictum ab urbano distinguere scimus, legitimumque metri sonum digitis et aure callemus. (7)

(1) Pro *nobilibus* P. Victorius in Cicer. Epist. 2 Lib. V. mavult *nobilibus*: sed vid. Lambinus et Bentl.

(2) Vid. Obsf.

(3) Sic Bentl. exponit suum *ut*, ex duobus codicibus pro *an* receptum. de aliorum expositionibus huj. loci vid. idem vir eximius.

(4) Cic. de Orat. III. 34. *ut virtutis a nostris, sic doctrinae sunt ad illis exempla repetenda.*

(5) Dacier. hic Romanos vel Pisones Horatio respondere putat, ut illi recte dixerint: *at nostri proavi*. at vero non legendum esse *nostri*, sed *vestri*, satis docuit Bentlejus. cf. etiam Lambinus et Habersfield.

(6) Cunigh. legit *utrosque*: sed non necesse videtur.

(7) Vid. Lambinus, et de ipsa re Obsf. nostrae.

cum tamen
eam,
initio rudem,
et
Graeci olim
excolu-
erint,
et
veterum

275. *Ignotum tragicæ genus invenisse Cæmenæ
Dicitur, et plaustriis vexisse poemata Thespiis
Qui canerent agerentque peruncti faecibus ora.
Post hunc personæ pallæque repertor honestæ
Æschylus, et modicis instravit pulpita tignis,*
280. *Et docuit magnumque loqui, nitique cothurno.
Succesit veteri his comoedia, non sine multa
Laudē; sed in vitium libertas excidit, et vim
Dignam lege regi: lex est accepta; chorusque
Turpiter obticuit, sublato jure nocendi.*
285. *Nil intentatum nostri liquere poetæ:*

E X P O S I T I O.

Sed ferendus suo tempore Plautus fuerit: artem a rudibus initiis ad majorem in dies perfectionem adducere, eique novis inventis novum usque decus addere, quidni posteros deceat? Græcæ scenæ progressum notemus. (1) Ignotam antea tragoediam primus invenisse Thespiis dicitur, plaustro circumvehens (2) (actores), qui (3) peruncto faece vultu poemata ejus agerent, canerentque. Post hunc Æschylus larvam, sive personam, et convenientem gravitati tragoediæ vestitum, pallam atque cothurnos invenit. Idem pro plaustro pulpita induxit, (4) modicis tignis instrata: stilum quoque tragoediæ vehementer excoluit, numeris verbisque et sententiis magnificus. (5) Succesit his (6) comoedia vetus, non sine multa laude, sed cujus libertas in injuriosam prolapsa est licentiam, (7) legum auctoritate coercendam; itaque lege cautum est, ne quis alterum in scenam traduceret: inde chorus, adempta nocendi libertate, nullis amplius illecebris se commendans, turpiter (8) tandem obticuit, ac novæ comoediæ locum fecit. (9) Nostri adeo poetæ antiquitus et inventionis et excultæ prolataeque artis laudem etiam ipsi reportarunt: (10) nihil intentatum reliquerunt:

(1) Similiter fere Engel. nexum constituit.

(2) Vid. Nannius.

(3) Sic Bentlejus pro vulg. *quæ*. Cunigh. pro *vexisse poemata* legit *vectasse per Helladā*: sed vid. Engel.

(4) Vid. Nannius.

(5) Vid. Engel. et Habersfeld.

(6) Excoli prius tragoediam, deinde comoediam coeptam, non hanc prius, illam serius inventam Horat. docet; ut adeo Heinssiana horum versuum transpositione opus non sit. vid. Dac. Hurd. Engel.

(7) Vid. Habersfeld.

(8) Habersf. *turpiter*, inquit *obticuit*, quia tacendo, cum nocere prohibebatur, satis indicavit, illud solum se spectasse, ut noceret.

(9) Vid. Dacier. et Engel.

(10) Habersfeldium sequor.

etiam
Romanorum
nonnulli.

Nunc vero
omnem
artem atque
diligentiam
posthabentes,
unice quidam
ingenium
et, nescio
quem,
furorem
poëticum
laudant.

*Nec minimum meruere decus, vestigia Graeca
Ausi deferere, et celebrare domestica facta,
Vel qui praetextas, vel qui docuere togatas.
Nec virtute foret, clarisve potentius armis,
290. Quam lingua, Latium; si non offenderet unum
Quemque poetarum limae labor et mora. Vos 6
Pompius sanguis, carmen reprehendite, quod non
Multa dies, et multa litura coercuit, atque
Praefectum decies non castigavit ad unguem.
295. Ingenium miserâ quia fortunatius arte
Credidit, et excludit sanos Helicone poëtas
Democritus, bona pars non unguis ponere curat,
Non barbam; secreta petit loca, balnea vitat.
Nanciscetur enim pretium nomenque poëtae,
300. Si tribus Anticyris caput insanabile numquam
Tonfori Licino commiserit. 6 ego laevis,*

E X P O S I T I O.

neque parvum sane decus meruerunt, qui, vestigia deferere Graecorum ausi, Romana sibi tractanda argumenta sumserint, et pro palliatis vel togatas (tabernarias), vel praetextas (1) fabulas docuerint. Et profecto non litteraria minus quam bellica gloria praefigne Romanum nomen foret, nisi unicuique poëtae gravis et longa videretur omnis expoliendi limandique operis mora. (2) Vos vero, o Pisones, quos, originem a Numa Pompilio ducentes, *nihil non egregium decet* (3), carmen reprehendite, quod non multum diuque intensissima cura emendatum atque castigatum fuerit. (4) *Verum artis est opus emendatio.* Bona autem poetarum pars, artem ipsam rem longe miserrimam esse judicat: ingenio tantum ad poësin opus esse (5); ingenio poetam cenferi, etiam Democriti (6) iudicio, qui sine furore quemquam praeclarum esse poetam negabat. Igitur, ut hoc furore se quoque percitos demonstrent, multi unguis et barbam refecare negligunt; in secreta loca fecedunt; balnea *populo frequentata* studiose vitant. Quippe is demum poëtae nomen et decus consequetur, qui caput, nulla, quantumvis magna, (7) hellebori (8) copia sanabile, numquam Licino tondendum (9) commiserit. O ego stultus,

(1) In his nobiliores, in illis humiliores inducebantur personae. vid. Lambinus et Sanadon. Plures quidem togatarum species recenset Dacierius: verum allata distinctione satis expedita res videtur. Vid. Vellej. Paterc. II. 92. Vosf. Instit. Poët II. 7. 4. cf. Engel et Habersfeld.

(2) Sic Horat. Epist. II. 167.

Nam spirat tragicum fas, et feliciter aude;
Sed turpem putat infcite metuitque lituram.

Vid. Lambinus, Nannius, Bentlej. et Habersfeld.

(3) Sic etiam Habersfeld. (4) Vid. Obsf.

(5) De hac sententia vid. Lambinus, qui similia loca ex aliis scriptoribus collegit. cf. et Vosfius de Nat. et const. Poët. 4.

(6) Vid. Nannius.

(7) Sic Lambinus.

(8) Vid. Porphyrio, et conf. Horat. L. II. Sat. 3. 82. et A. Gellius XVII. 15.

(9) Hunc Caesar propter ejus in Pompejum odium Senatorem fecerat. vid. Acron. et infra Cap. III.

Atqui arte et
sapientia
vel in primis
ad poësin
opus est.

Ut enim
decorum
(τὸ πρέπον.)
observemus,
hoc ipsum,
quid et
quale sit,
intellexisse
debemus.

- Qui purgor bilem sub verni temporis horam!*
Non alius faceret meliora poemata: verum
Nil tanti est. ergo fungar vice cotis, acutum
305. *Reddere quae ferrum valet, exfors ipsa secandi.*
Munus et officium, nil scribens ipse, docebo;
Unde parentur opes; quid alat formetque poetam;
Quid deceas, quid non; quo virtus, quo ferat error.
Scribendi recte sapere est et principium et fons:
310. *Rem tibi Socraticae poterunt ostendere chartae:*
Verbaque provisam rem non invita sequentur.
Qui didicit patriae quid debeat et quid amicis;
Quo sit amore parens, quo frater amandus et hospes;
Quod sit conscripti, quod iudicis officium; quae
315. *Partes in bellum misit ducis; ille profecto*
Reddere personae scit convenientia cuique.

E X P O S I T I O.

qui (*fontem furoris*) bilem, ineunte vere, purgandō ejicio: (1) quem si retinerem, insaniens optima facerem poemata. Nempe mihi non est tanti. (2) Itaque fungar vice cotis, quae, cum vim secandi ipsa non habeat, ferrum tamen acquirere potest. (3) Docebo alios munus et officium *scribendi*, nihil ipse scribens. Docebo, inquam, unde ad carmina scribenda opes parentur: (4) quid deceat, quid non: quo virtus, quo *diversus a virtute* error (5) deducat. *Ad scribendum cum isti ducem, nescio quam, insaniam sequantur*, (6) ego duces tibi Philosophos (7) commendo, imprimis Socraticos. (8) Hi te sapere docebunt. Sapere autem et principium et perpetuus veluti fons est recte scribendi. Cui plene perspecta animo res fuerit, ultro etiam verba occurrent, quibus eam exprimat. (9) Qui didicit, quid amicis debeat, quo amore et pater et frater et hospes amandi sint, quod sit senatoris, quod iudicis, quod belli ducis officium, is profecto etiam in carminibus suis cuique personae convenientia sciet tribuere (10).

(1) Lambinus legit *purgo bilem*: neutrum ego improbare auctim; *purgo* retinui, quoniam Graecismos amat Horatius.

(2) Hujus dicendi formulae multa exempla exhibet Lambinus.

(3) Similiter Isocrates interrogatus *διὰ τί οὐκ ἂν αὐτὸς ἱκανὸς, ἄλλους ποιῶν* respondisse fertur *ὅτι καὶ ἀκούοντες αὐτοῦ μὲν τιμῶν οὐ δύνανται, τὸν δὲ σίδηρον τμητικὸν ποιοῦσιν*. Vid. Plutarch. Vit. X. Rhet. 4.

(4) Haec et sqq. ab Horatio in reliqua parte Epistolae exponuntur, ut recte monet Habersfeld. nimirum *unde — poemam* a v. 309—332. *quid deceat, quid non* a. v. 333—390. *quo virtus* a. v. 391—408. *quo ferat error* a. v. 409. ad. fin. (5) Vid. Lambinus. (6) Sic etiam Dacier.

(7) Cf. Cic. in Orat. 21. Orat. part. 40. de Orat. I. 11. 12. 14. vid. et Engel.

(8) Hurd. Engel. Habersfeld. Socraticas chartas commendari observant, quoniam Socratis discipuli quasi dramatice philosophabantur.

(9) Cf. Cic. de Orat. III. 31.

(10) τὰ ἀμόττητα tribuere, τὸ καλῶν et πρέπον observare. vid. etiam Dacier ad h. l.

Ad hoc vero
opus est,
doctrina, vir-
tute, pruden-
ti communis
vitae ob-
servatione,

honestā
et liberali
a teneris
instituti-
one: ut,

- Respicere exemplar vitae morumque jubebo
Doctum imitatore, et vivas hinc ducere voces.
Interdum speciosa locis morataque recte*
320. *Fabula, nullius veneris, sine pondere et arte,
Valdius oblectat populum meliusque moratur,
Quam versus inopes rerum nugaeque canorae.
Graecis ingenium, Graecis dedit ore rotundo
Musa loqui, praeter laudem nullius avaris.*
325. *Romani pueri longis rationibus assem
Discunt in partes centum diducere. Dicat
Filius Albini. Si de quincunce remota est
Uncia, quid superat? poterat dixisse, Triens: Eu!
Rem poteris servare tuam. redit uncia; quid fit?*
330. *Semis. An, haec animos aerugo et cura peculī
Cum semel imbueris, speramus carmina fingi
Posse linenda cedro, et levi servanda cupresso.*

E X P O S I T I O.

Ad doctrinam vero etiam hoc accedat, ut, qui vitam moresque humanos imitando expri-
mere studet, eo semper tamquam in exemplar respiciat, unde vivas voces ducat (1). Inter-
dum speciosa sententiis (2) et mores scite exprimens fabula, quamvis nulla neque gratia aut
majestate verborum, neque arte numerorum se commendat, (3) populum magis oblectat
meliusque detinet, quam politi maxime et canori versus, rerum et sententiarum inopes. (4)
Graeci tam in inveniendis solertes, quam in eloquendo suaves et ornati fuerunt; tam re-
rum copiam, quam verborum elegantiam habuerunt: (5) sed nullius etiam rei avari fuerunt,
nisi laudis. (6) Romani, non tam laudis avari, quam pecuniae, pueros longis rationibus as-
sem in partes minimas diducere docent. Quaedam nobis interrogantibus respondeat (7) Al-
bini filius. Quid restat, si de quincunce detrahatur uncia? Dixit triens. Euge (inquit
magister) servare rem tuam poteris. Sed si jam additur quincunci uncia. quid tum fit? Se-
mis. (8) An (9), immodica ista pecuniae cura cum semel animos, tamquam aerugine
quadam, infecerit, carmina speramus conditum iri, digna illa, quae cedro illinantur, aut
in arca cupressina ad feram posteritatem ferventur (10). Immo, ut hujusmodi carmina

(1) Vid. Obsf.

(2) Vid. Obsf.

(3) Sic Lambinus.

(4) Vid. Obsf.

(5) Dacier. pluribus hoc exemplis explicat, docens ore rotundo esse Gracum *εργαζόμενος*.

(6) Sanad. legit *propter laudem*, vulgatam lectionem nonnihil habere ambiguitatis putans: sed *avaris* haud dubie
dixit Horat. ut *avari agricolae* Virgil. et efficaciter hoc verbo vehementissimum apud Graecos laudis, apud Ro-
manos lucri studium designavit. vid. Habers. cf. Horat. II. Ep. 1. 103. et 120 sqq.

(7) Bentl. legit *dicat* et *superet*; alii *superest* et *poteris*. mihi vulgata lectio recte explicari posse videtur.

(8) Nimirum *quincunx* quinque, *triens* quatuor, *semis* sex uncias, constituunt.

(9) Sic Bentlej. in vetustissimis codicibus legi testatur, alii *et*, vel *ad*. cf. etiam Habers.

(10) Vid. Lambinus.

sive prodesse,
sive
delectare
poëtae
voluerimus,
sive,
quod praestat,
utrumque
simul,
nihil non
decenter,
nihil non
egregie
tractemus.

- Aut prodesse volunt, aut delectare poëtae;
Aut simul et jucunda, et idonea dicere vitae.*
335. *Quidquid praecepies, esto brevis: ut cito dicta
Percipiant animi dociles, teneantque fideles:
Omne supervacuum pleno de pectore manat.
Ficta voluptatis causa sint proxima veris;
Ne, quodcumque volet, pescat sibi fabula credi;*
340. *Neu pransae Lamiae vivum puerum extrahat alvo.
Centuriae seniorum agitant expertia frugis;
Celsi praetereunt austera poemata Rhodanes.
Omne tulit punctum, qui miscuit utile dulci,
Lectorem delectando, pariterque monendo.*
345. *Hic meret aera liber Sosis, hic et mare transit,
Et longum nato scriptori prerogat aevum.*

E X P O S I T I O.

aliquis condas, opus est doctrina, virtute, prudenti communis vitae observatione, honesta liberalique a teneris institutione; quae omnes res POËTAM ALUNT atque FORMANT: tum et sequentia meminisse oportebit. (1) Poëtae aut prodesse, aut delectare volunt, aut utrumque simul. Utilia ad vitam hominibus praecepta inculcantem brevis DECET: ut paucis verbis comprehensa facile animi dociles percipiant, facile quoque memoria retineant. Supervacuum omne plenis statim effluit pectoribus. (2) Ad delectandum ficta veris esse similia (3) debent. Nequaquam (4) enim ea fabulae mandare et spectatorum oculis auribusve subijcere (5) DECET, quae nemini non absurda et incredibilia videantur: (6) neu fingat poëta ex alvo Lamiae, quae puerum devoravit, eundem puerum vivum extrahi. (7) Ceterum unice ad delectandum comparata, nihilque utilitatis continentia, merito senioribus displicent: contra voluptatis plane expertia poemata juvenes cum fastu despicientes (8) praetereunt. Sed qui dulcibus utilia admiscens, simul et delectare lectorem et prodesse ei novit, is profecto omnium suffragiis (9) auctor praestantissimus habetur: ejus liber Sosis (10) (bibliopolas) locupletat, inque extremas mittitur provincias, et auctoris nomen immortalitati commendat.

(1) Horatium hic minus facili cogitationum progressu ad id, quod deceat, monendum transire, censet Habers. nostram tamen expositionem firmare, nexumque inter superiora (v. 330 sqq.) et hunc locum arguere videntur possit infra versus 345 et 346.

(2) Hunc versum, juxta consuetudinem auctoris, antecedentis praecepti veritatem exemplo declarare, ducto hic a vase, ex quo supervacuum omne statim effluit, recte censere videntur Acron, Lambin. Habers. quamvis eum Horatii esse Bentl. et Sanad. negent.

(3) Cf. Vossius de Nat. et Const. Artis Poët. II. 8. et Instit. Poët. I. 2. 5.

(4) Bentl. pro nec in optimis codd. et principibus Edd. legi ne testatur; plane ut supra vs. 135. Est etiam ne in Editione Locheri.

(5) Sic Lambinus. cf. etiam Dacier. At male Nannius credi exponit fidem haberi.

(6) Sane si tale quid ob certam rationem aut utilitatem aliquam committeretur, excusari posset. nunc vero magnopere est improbandum, ut pote ἀδύνατον καὶ ἀπίθανον καὶ ἀλόγον. vid. Aristoteles cap. 25.

(7) Vid. Obsf.

(8) Celsi varie explicant, vel de superbo, vel de sublimi animo, vel ex Graeco κέλως, vel denique ex oppositione curvae senectutis. Unus optime intellexisse Lucretium videtur de illa, qui se non inclinant, ut rem bene perspiciant, sed eam despicientes praetereunt.

(9) Vid. hic inprimis Nannius.

(10) Vid. Lambinus.

Quamvis enim
neque
poëtica
alicujus
operis,
praesertim
longioris,
aequam
ubique
per-
fectionem,

*Sunt delicta tamen, quibus ignovisse velimus:
Nam neque chorda sonum reddit, quem vult manus et mens,
Poscentique gravem per saepe remittit acutum:*
350. *Nec semper feriet, quodcumque minabitur, arcus.
Verum, ubi plura nitent in carmine, non ego paucis
Offendar maculis, quas aut incuria fudit,
Aut humana parum cavit natura. Quid ergo est?
Ut scriptor si peccat idem librarius usque,*
355. *Quamvis esse monitus, venia caret; ut citharoedus
Ridetur, chorda qui semper oberrat eadem:
Sic mihi, qui multum cessat, sit Choerilus ille,
Quem bis terve bonum cum risu miror; et idem
Indignor, quandoque bonus dormitat Homerus.*
360. *Verum operi longo fas est obrepere somnum.*

E X P O S I T I O.

Neque tamen haec eo valeant, ut exactissimam ubique a poëta perfectionem postulandam, nullum ei condonandum vitium putemus. (1) Sunt omnino vitia, quibus facile ignoscamus: nam neque chorda semper sonum edit, quem vult mens et manus, sed gravem poscenti saepe acutum reddit, (2) neque quod minabitur arcus (ferire) semper etiam feriet. Igitur in carmine, splendido ceteroquin ac venusto, paucis ego non offendar maculis, quae aut imprudenti exciderunt, aut a quibus homo natus satis sibi cavere non potuit. Quid ergo mihi volo? (3) paucorum et levium erratorum facile veniam poëtis tribui, multorum atque magnorum non item. Ut scriptor librarius, (4) si idem semper peccatum, quamvis admonitus, committit, excusationem non amplius invenit; ut (5) ridendus citharoedus videtur, qui semper ad eandem chordam offendit: ita poëta qui saepe peccat ac friget, qui saepe idem delinquit, eodem mihi loco est ac Choerilus ille, quem bis terve (6) bonum haud sine risu (*διὰ τὸ ἀπροσδόκητον*) miror. At idem ego quodcumque dormitantem Homerum video, illum tam egregium ac fere divinum poëtam etiam humanae imbecillitatis vitio lapsum indignor. (7) At ferendum, si cui in longo opere (8) somnus obrepit.

(1) Sic Nannius et Haberfeld.

(2) Vld. Obsf.

(3) Bentlej. ut hiatum tolleretur, e codd. et Locherian. Editione *esse* in textum recepit, Latinis scriptoribus tali sensu frequentatum. vid. et Haberfeld.

(4) Vid. Lambinus.

(5) Hanc lectionem restituit Bentl. laudatam etiam a Lambino.

(6) Vid. Obsf.

(7) Vid. Lambinus, Dacier. Haberfeld.

(8) Hoc profa oratio postulabat: *operi longo* poëticum est, recteque eo nomine (non temere, ut perperam asserit Dacier.) Auctoris textui restitutum a Bentlejo, praecedentibus etiam optimis quibusque Codicibus et Editionibus vetustis, Locheriana, alioque.

neque in omni-
bus operibus
eandem
merito ho-
mines
requirant;
hoc quidem
extra contro-
versiam est,
mediocribus
esse
poëtis
non
licere.

*Ut pictura, positi; erit, quae, si propius stes,
Te capiat magis; et quaedam; si longius abstes;
Haec amat obscurum; volet haec sub luce videri,
Judicii argutum quae non formidat acumen:*
365. *Haec placuit semel, haec decies repetita placebit.
O major juvenum, quamvis et voce paterna
Fingeris ad rectum, et per te sapis; hoc tibi dictum
Tolle memor: certis modum et tolerabile rebus
Recte concedi; consultus juris, et actor*
370. *Causarum mediocris, abest virtute disertis
Mesallae, nec scis quantum Cascellius Aulus;
Sed tamen in pretio est: mediocribus esse poëtis
Non homines, non Di, non concessere columnae.
Ut gratas inter mensas symphonia discors,*
375. *Es crasum unguentum, et Sardo cum melle papaver,
Offendunt; poterat duci quia coena sine ipsis:
Sic unguis natum inventumque poema juvenis,
Si paullum summo decessit, vergit ad imum.*

E X P O S I T I O.

Porro neque in omnibus operibus eadem perfectio requiritur (1), sed plane, quod in tabulis pictis, idem et in carminibus obtinet; erit alia, (2) quam, quo propius accesseris, eo magis probes, alia, quae non nisi e longinquo visa placeat. Haec obscuriori et remotiori loco ponenda est, *ut latentibus partium vitiis summa tantum operis oculos feriat*: haec plenam ad lucem spectari vult, cujus diligenter elaboratae partes vel accuratissimum examen haudquaquam metuant. Haec facta est, ut semel placeat: haec decies spectata novis semper illecebris te capiet (3).

Ast o major natu juvenum Pisonum, quamvis et patris institutione ad rectum formaris, et ipse per te sapis, hoc tibi dictum fidei memoria retine. Quibusdam in rebus ferri mediocritas potest. Iurisconsultus et causarum actor, quamvis neque peritia juris A. Cascellium (4) neque dicendi arte Mesallam aequet, tamen haberi in pretio potest; sed poëtam mediocre nec Di, nec homines; ne ipsae quidem librariorum columnae (5) ferunt. Cur? Quoniam in iis rebus omnibus, quae non sunt ad vitam necessariae, sed quibus unice voluptas, et oblectamentum quaeritur, nulla est mediocritatis excusatio. Offendunt nimirum inter gratas epulas discors symphonia, crasum unguentum, amaro (6) melle papaver mixtum, quia vel sine istis coena nec incommode transigi poterat. Sic poema ad recreationem comparatum animi, si paullum a summo (7) abest, statim haud multo supra infimum censetur.

(1) Habersfeldium sequor.

(2) Sic Lambinus, quem omnes recentiores secuti sunt. cf. Obsf.

(3) Cf. ad totum hunc locum Wieland. et Habersfeld. qui illud etiam exemplis illustrent.

(4) Vid. infra Cap. III.

(5) In quibus affigebantur libri vel tituli eorum. vid. Lambinus. Dacler, Baxter et Gesner. de porticibus accipiunt, in quibus poëtae recitabant: verum altera explicatio magis huic loco convenit. vid. Habersfeld.

(6) Amaræ enim herbae in Sardinia nascuntur. vid. Virg. Ecl. VII. 41.

(7) Sic Acron citavit, Bentlejus edidit, pro vulgari a summo discessit.

Et poësin

tamen

quivis

exercet!

poësin,

maximi

rem

momenti

summaeque

- Ludere qui nescit, campestribus abstinet armis;*
 380. *Indectusque pila, disciva, trochive quiescit;*
Ne spūsae risum tollant impune coronae:
Qui nescit versus, tamen audet fingere! Quidni?
Liber et ingenuus, praesertim census equestrem
Summam nummorum, vitioque remotus ab omni.
 385. *Tu nihil invita dices faciesve Minerva;*
Id tibi iudicium est, ea mens. Si quid tamen olim
Scripseris, in Maecel descendat iudicis aures,
Et patris, et nostras; nonumque prematur in annum,
Membris intus positis. Delere licebit,
 390. *Quod non edideris: nescit vox missa reverti.*
Silvestres homines sacer interpretque Deorum
Caedibus et victu foedo deterruit Orpheus,
Dictus ob hoc lenire tigres rabidosque leones.
Dictus et Amphion, Thebaeae conditor arcis,
 395. *Saxa movere sono testudinis, et prece blanda*
Ducere, quo vellet. Fuit haec sapientia quondam,
Publica privatis secernere, sacra profanis;
Concubitu prohibere vago; dare jura maritis;
Oppida moliri; leges incidere ligno.

E X P O S I T I O

Qui exercitiorum in campo Martio imperitus est, iis abstinentum sibi ducit. Qui ludere pila, disco, trocho nescit, nihil horum in manus sumit, ne scaevitatem ejus frequens spectatorum corona impune cachinnis prosequatur. Versus facere qui nescit, tamen audet! Quidni? Quidni? Quidni? Liber est, ingenuus, ex censu equitibus ascriptus, et ab omni vacans vitae macula. *Focis missis*, tu quidem, o Pise, nihil umquam dices aut facies, invita Minerva. (1) Novi enim iudicium tuum, novi mentem et prudentiam tuam. Verumtamen, si quid olim scripseris, cave iudicio tuo tantopere confidas, ut non etiam Maecii, (2) et patris tui, et meam de illo opere sententiam exquiras. (3) Quin potius novem annos domi in scrinlis presum contineatur, quam ut cito nimis in vulgus prodeat. (4) Delere, quod nondum edideris, licebit; at semel emissae vox reverti nequit. *Quod si forte poësin levis esse rem momenti putes, neque dignam, cui tantum laboris impendatur;* (5) hujus olim ope feros ac silvestres homines sacer Deorum interpret Orpheus a caedibus et foedo victu deterruit, ideo tigres ac rabidos (6) leones mulcere dictus. Hujus etiam ope cives suos ad condenda Thebarum moenia (7) Amphion perduxit; ideo saxa dictus sono citharae movere, blandisque carminum precibus, quo vellet, ducere. Fuit haec quondam *poëtarum* sapientia, privatis publica, profanis sacra secernere, vago homines concubitu prohibere, modum connubiis ac jura ponere, oppida condere, leges tabulis inscribere.

(1) Vid. Obs.

(2) De hoc Sp. Maecio Tarpa vid. infra Cap. III.

(3) Sic Lambinus hunc locum exponit.

(4) Sic Benth. et Habersfeld.

(5) Vid. Habersfeld. et cf. infra vs. 406. sqq.

(6) In Vulgatis edit. legitur *rapidos*: at *rabidos* habent optimi codices. cf. Lambinus.

(7) Quidam libri MSS. veteres habent *urbis*. Certe arcem condidit Cadmus: urbem tamen amplificavit et *mutavit* Amphion. cf. Lambinus.

ad vitam
hominum
utili-
tatis; di-
gnam idcir-
co, quam,
favente
Minerva,
diligenter
accura-
teque
tractemus!

400. Sic honor et nomen divinis vatibus atque
Carminibus venit. Post hos insignis Homerus,
Tyrtaeusque mares animos in Martia bella
Versibus exauis. Dictae per carmina fortes,
Et vitae monstrata via est, et gratia Regum
405. Pleris tentata modis, ludusque repertus,
Et longorum operum finis: ne forte pudor
Ut tibi Musa lyrae solers, et cantor Apollo.
Natura feret laudabile carmen, an arte,
Quaesitum est. Ego nec studium sine divite vena,
410. Nec rude quid possit video ingentium; alterius sic
Altera poscit opem res, et conjurat amice.
Qui studet optatam cursu contingere metam,
Multa tulit fecitque puer; sudavit et alsit;
Abstulit venere et vino. Qui Pythia cantat
415. Tibicen, didicit prius, extimulique magistrum.
Num satis est dixisse; ego mira poemata pango;
Occupet extremum scabies: mihi turpe relinqui est,
Et, quod non didici, sane nescire fateri?

E X P O S I T I O.

Sic divinis vatibus et carminibus honor primum et nomen venit. Deinde, cunctos gloriae superans, Homerus, et post eum Tyrtaeus (1) fortium virorum animos ad laudis bellicae studia versibus accenderunt. Reddita quoque versibus oracula, vivendique data sunt praecepta; versibus denique Regum gratiam poetae meruerunt. Idem inventores ludorum fuerunt ad recreandos animos post longum laborem. Cum tot igitur sint ac tanta poetarum beneficia, cum ad has laudes optimum quemque poetam VIRTUS FERAT, non est, ut tibi, o Piso, Musica res pudori sit (2), aut studium ei diligentius impendere graveris. (3) Nam quod in studio parum, in ingenio omnia quidam reponunt, aliis contra plurimum arti, parum ingenio tribuentibus, eundem non video, quid sine felici ingenio studium, quid sine eruditione ingenium valeat: (4) adeo res hae mutuo se juvare debent, amiceque conspirare. (5) Ceterum in omnibus disciplinis studio opus est. Qui nunc in stadio cursus praemium sectatur, multos inde a pueritia labores pertulit, aestum ac frigus toleravit, vino et venere abstinuit. Qui nunc Pythia tibicen cantat, artem prius sub magistro didicit. Num (6) igitur satis est dixisse; ego ingeniosus homo mira pango poemata; ultimum scabies occupet; (7) mihi relinqui (ultimum relinqui, imolens acrius) turpe est, et confiteri sane facere nescire, quod non didici? (8)

(1) Landinus legit *Dircaeum*, ut Pindarus significetur; quod recte improbat Parrhasius. Videantur, quae de Tyrtaeo annotat Porphyrio.

(2) Solers est, inquit Acron, qui peritiam habet rerum difficultium.

(3) Sic Acron et Nannius.

(4) Alii *profit*: sed Bentlei, secundum nonnullos codices. dedit *possi*, cum illud sit minus, humilliusque, quam quod poscit sententia.

(5) Cf. Obsf.

(6) Sic Regelsbergerus et Habersf. ex Cod. Helmstad. vulgo *nunc*: Bentl. *nec*.

(7) Porphyrio: Hoc ex lusu puerorum sustulit. qui ludentes solent dicere: quisquis ad me novissimus venerit, habeat scabiem. Vid. et Acron.

(8) Cf. Obsf.

EPISTOLA AD PISONES.

Sed pleros-
que, maxi-
me vero
divites,
poëtas
assentatores
decipiunt,
insane
omnia
laudantes:
cum
contra
periti
judices

- Ut praece, ad merces turbam qui cogit emendas;*
420. *Assentatores jubet ad lucrum ire poëta,*
Dives agris, dives positis in foenore nummis.
Si vero es, unctum qui recte ponere possit,
Es spondere levi pro paupere, et eripere atris
Litibus implicitum; mirabor, si sciet inter-
425. *Noocere mendacem, verumque beatus amicum.*
Tu, seu donaris, seu quid donare voles cui;
Nolito ad versus tibi factos ducere plenum
Lactitiae: clamabit enim, pulcre, bene, recte;
Pallescat; super his etiam stillabit amicis
430. *Ex oculis rorem: satiet: tundet pede terram.*
Ut qui conducti plorant in funere, dicunt
Et faciunt prope plura dolentibus ex animo: sic
Derisor vero plus laudatore movetur.
Reges dicuntur multis urgere cubillis,
435. *Et torquere vero, quem perspexisse laborant,*
An sit amicitia dignus. Si carmina condes,
Namquam te fallant animi sub vulpe latentes.
Quintillo si quid recitares, corrige fodes
Hoc, ajebat, et hoc. Melius te posse negares:

E X P O S I T I O.

Verum ut sic aliquando sibi ipse poëta imponit, ita saepe ab aliis decipitur. (1) Quemadmodum enim ad praeconis vocem turba omnis, ab eo lucrum facere emendis mercibus iussa, sic assentatores, ut audiendis carminibus lucrum consequantur, ad vocem convolant divitis poëtae. Si vero is est, qui lautum praebere convivium possit, (2) et pro levis fidei (3) paupere spondere, et atris (4) litibus implicitum expedire: mirabor, si iste dives (5) poëta dignoscere verum amicum a mendaci sciet. Tu, *o Pise!* seu donaris, seu donare quid voles alicui, nolito recentis lactitiae plenum audiendis carminibus tuis admove. Nam procul dubio *ad quemvis versum* pulcre et bene et recte clamabit. (6) Prae affectu quasi et admiratione pallescet, lacrimabitur, exiliet, humum pede feriet. Ut, qui in funere, nihil ad se pertinente, conducti mercede plorant, multo et capillos scindunt et clamant magis, quam qui vere et ex animo defunctum lugent, sic *ad carmina audita* vehementiorem multo derisoris, quam sinceri laudatoris motum et quasi affectum videas. Reges (7) quidem multis majoribus poculis urgere, et vino quasi torquere dicuntur, quem, an dignus sit amicitia, perspexisse student. (8) Tu, si versus facies, cave, ne ut ollum corvo vulpes, ita subdolis tibi laudator imponat. *Talis potius carminum arbiter atque auditor adhibendus, qualis noster* (9) erat Quintilius Varus, (10) cui, si quid recitares, hoc, ajebat, et hoc, fodes, corrige:

(1) Sic Haberfeld. (2) Cf. Lambinus.

(3) *Levem* Lambinus et Dacier. intelligunt *inconstantem*: at male: cum adjectum *spondere* cum denotet, cui fides non habeatur.

(4) Bentlej. legit *artis*, i. e. *arctis*. At recte monet Haberfeld. *implicitum* hoc significare. Est etiam *atris* magis poëticum.

(5) Sic etiam Lambinus; non, *beatus*, quod recte dignoverit. (6) Vid. Horat. I. Sat. IV. vs. 71.

(7) Vid. Obsf. (8) Ante Bentlejum legebatur *laborent*.

(9) Sic fere Haberfeld. (10) De hoc infra. Cap. III.

et veri
amici
non raro
aliquid
culpent
atque
improbent,
idque, ut
poëtae ipsi
consultant, ne
forte deceptum semel
error in

440. *Bis terque expertum frustra, delere jubebat,
Et male formatos incudi reddere versus.
Si defendere delictum, quam vertere, mallet;
Nullum ultra verbum, aut operam infumebat inanem,
Quin sine rivali tequo et tua solus amares.*
445. *Vir bonus et prudens versus reprehendet inertes,
Culpabit duros, inconstis allinet atrum.
Transverso calamo signum; ambitiosa recidet
Ornamenta; parum clavis lucem dare coget;
Arguet ambigue dictum; mutanda notabit;*
450. *Fies Aristarchus: non dicet; cur ego amicum
Offendam in nugis? hae nugae seria ducent
In mala derisum semel, exceptumque sinistro.
Ut mala quem scabies aut morbus regius urget
Aut fanaticus error, et iracunda Diana;*
455. *Vesantum tetigisse timent fugiuntque poetam,
Qui sapiunt: agitant pueri incautique sequuntur.*

E X P O S I T I O.

Bis terque correctionem aggressum frustra, si jam melius posse te negares, omnino delere versus, et male fabricatos (1) incudi reddere jubebat. Si defendere, quam mutare delictum mallet, nullum (2) amplius verbum, aut inanem operam infumebat, quin solus te et tua amares sine rivali. Carminum iudex bonus ac peritus sic *artem et limam commendabit*, ut languidos versus plane improbet, duros culpet, inconcinnos obelo notet: idem carminis luxuriam recidet: obscura clarius efferre praecipiet: ambigue dicta redarguet: quid mutari velit, ostendet: *denique alter Aristarchus fiet*. Non dicet: cur ego amicum in nugis offendam? scilicet hae nugae (*hic ERROR*) semel ab assentatore derisum (3) et maligna laudatione exceptum poetam maxime seria in mala ducent; quippe quem, iis tam sinistris laudationibus in vesaniam actum, omnes, qui sapiunt, haud minus quam mala scabie, morbove regio correptum, aut fanaticum aliquem, aut lunaticum, obvium reformidant atque fugiunt. Soli pueri, per aetatis imprudentiam (4), irridendi gratia, sectantur.

(1) Vulgo *tornatos*. Bentl. *ter natos*. vidi. Obsc.

(2) Cunigh. et Sanad. legunt *nil ultra verbi aut operae infumebat inanis*.

(3) Sic Lamb. Habersf. et Zeunius. At Nannius, si publice derisus et male exceptus fuerit. Neque aliter cepit Wieland. Utramque explicationem Dacier. exhibet: priorem tamen solam veram esse ait, quia hic Horat. docet, in quaenam mala assentatio illa ducat. Accedit, quod Horat. v. 433. assentatorem *derisorem* vocavit. cf. Habersfeld.

(4) Eodem fere modo Grifolus exponit.

extremam
infaniam
deducat,
cui ille,
ut poëticae,
indulgens
aeque
omnibus

*Hic, dum sublimis versus ructatur, et errat,
Si veluti merulis intentus decidit auceps
In puteum, foveamve; licet, succurrite, longum
460. Clamet, id cives: non sit, qui tollere curet.
Si curet quis opem ferre, et demittere funem;
Qui scis, an prudens huc se dejecerit, atque
Servari nolit? dicam; Siculique poëtae
Narrabo interitum. Deus immortalis haberi
465. Dum cupit Empedocles, ardentem frigidus Aetnam
Influit. Sit jus, liceatque perire poëtis.
Invitum qui servat, idem facit occidenti.
Nec semel hoc fecit; nec si retractus erit jam,
Fiet homo, et ponet famosae mortis amorem.*

E X P O S I T I O.

Hic, dum cogitationum aestus supra nubes (1) abreptus, more suo versus *quasi* ructatur et per devia fatuus oberrat, si, velut auceps merulis intentus, in puteum foveamve decedit, quamvis multum diuque, id cives, clamet, succurrite, neminem clamando moveat: non sit, qui tollere eum velit! Quod si quis ei subvenire ac tollendi gratia funem demittere velit; (2) qui scis, dicam *ei tam male sedulo*, an huc se de industria dejecerit, atque ita nolit servari? *non credis?* Igitur poëtae Sicili tibi interitum narrabo. Empedocles (3), dum Deus immortalis haberi cupit; frigidus (4) in ardentem Aetnam influit. Quid poëtas prohibes interitu? Sit jus ipsis pereundi liberum. Invitum *istum* servando occidis se videberis. (5) Non semel in foveam se projecit, nec, si jam retractus erit, ad sanam ideo mentem redibit, aut famosae mortis amorem ponet. (6).

(1) Dacier. legit *sublimes*, et versus intelligit, quos poëta sublimes putat. Sed *sublimis* multo melius sententiae convenit, sive cum Nannio aliisque exponas *coelum intuens*, sive, ut nos, cum Lambino.

(2) Bentlejus, *si curat quis*: alii *si quis curat*. cf. Habersfeld.

(3) Empedoclem hoc etiam nomine petit Lucianus, in dialog. Mortuor. XX. fabulam tamen putant alii. vid. Diogenes Laërt. in vita. et Strabo VI. 274. Ejus *Φυσικὴ* egregium poëma dicit Cicero I. de Orat. 50. At Aristot. I. 5. 21. *Φυσικῶν μᾶλλον ἢ ποιητῶν* eum existimat.

(4) Hoc est *ineptus*. vid. Nannius.

(5) Poëtae ipsi scilicet. cf. Epist. II. 2. v. 26. in primis autem 138 lqq.

Pol, me occidistis amici

Nos servastis, ais: cui sic extorta voluptas

Et demtus per vim mentis gratis error

(6) Sic Lambinus.

invisus
ac
ridiculus
fiat.

470. *Nec satis apparet, cur versus facit; utrum
Minxerit in patrios cineres, an triste bidental
Moverit incestus: certe furit, ac velut ursus
Objectos caveae valuit si frangere clathros,
Indoctum doctumque fugat recitator acerbus.*
475. *Quem vero arripuit, tenet, occiditque legendo,
Non misera cutem, nisi plena cruoris, hirudo.*

EXPOSITIO.

Nec possumus ejus insaniae mederi, quia non satis apparet, in cujus poenas facinoris versus facit; (1) utrum in patris minxerit sepulchrum, an bidental violaverit. (2) Hoc certum est, eum furere, ac velut ursum, qui clathros effringere caveae valuit, omnes late in fugam conjicere. Adeo docti indoctique ejus recitandi intemperiem metuunt. Quem enim arripuit, antea non dimittit, quam aut illum legendo occiderit, aut ipse versus suorum laudibus satiatus fuerit, hirudinis instar, quae, nisi plena sanguinis, cutem non mittet.

(1) Sic Lambinus. Cuningham. legit *dictitet*. At magis huc loco convenire alterum videtur.

(2) Eum, qui contra religionem egit, *incestum* vocat Horat. licet flagitium in affines, vel Vestalem non commiserit. Sic Cic. II. de legg. 10. *Incestum*, inquit, *vel aspersione aquae vel dierum numero tollitur*. Cf. tot. loc. et ad eum Davinius. Cf. et Non. Marcell. VI. 74. *Incestus* etiam legebat Acron. elegans tamen conjectura Vidi Doctissimi optimeque de me meriti H. Hanae pro *incestus* legendis *incautus*.

CAPUT SECUNDUM,

PLENIOREM INSIGNIUM QUORUNDAM AC DIFFICILIORUM IN EPISTOLA
HORATII LOCORUM EXPLICATIONEM HABENS.

V. 14. *Inceptis gravibus, cet.* Haec contra unitatem et simplicitatem vitia similiter Aristoteles imperitiae poetarum, vel nimio spectatoribus placendi studio tribuit. Namque Περὶ Ποιητικῆς Cap. X. §. 3. edit. Hermannii, quae prodiit Lipsiae A. 1802. in 8vo. τῶν, inquit, ἀπλῶν μύθων καὶ πράξεων αἱ ἐπεισοδιώδεις εἰσὶ χεῖρις. λέγω δ' ἐπεισοδιώδη μῦθον, ἐν ᾧ τὰ ἐπεισόδια μετ' ἄλληλα οὗτ' εἰκὸς οὗτ' ἀνάγκη εἶναι. Ταῦτα δὲ ποιῶνται ὑπὸ μὲν τῶν φαύλων ποιητῶν δι' αὐτοῦς, ὑπὸ δὲ τῶν ἀγαθῶν διὰ τοῦς κριτὰς· ἀγωνίσματα γὰρ ποιῶντες, καὶ παρὰ δύναμιν παρετρίοντες, πολλάκις διαστρέφειν ἀναγκάζονται τῇ ἐφεξῆς. Vid. omnino Hermannus in nott. ad h. l. et Aristot. l. cit. Cap. XVII. §. 8. sqq. Ceterum in hoc et sqq. versibus forte Julium Montanum tangit Horatius, Ovidii ac Tiberii familiarem, qui libenter ortus et occasus inferebat: teste Senec. Epist. 122. Vel etiam Furium quemdam Bibaculum, quem ex ingeniosa conjectura, Serm. I. 10. 37. *Alpinum* dici putat Bentlejus, ubi Horatius.

*Turgidus Alpinus jugulat dum Memnona, dumque
Defingit Rheni luteum caput; haec ego ludo.*

Porro de unitate ac simplicitate fabulae vid. Aristot. l. cit. Cap. VII. et VIII. ubi in fine καὶ οὖν, inquit, καθάπερ ἐν ταῖς ἄλλαις μιμητικαῖς ἢ μία μίμησις ἐνός ἐστίν, οὕτω καὶ τὸν μῦθον, ἐπεὶ πράξεως μίμησις ἐστὶ, μιᾶς τε εἶναι, καὶ ταύτης ὅλης, καὶ τὰ μέρη συνεστάναι τῶν πραγμάτων οὕτως, ὥστε μετατιθεμένου τινὸς μέρους, ἢ ἀφαιρουμένου, διαφέρειν καὶ κινεῖσθαι τὸ ὅλον. ὃ γὰρ προσδὲν ἢ μὴ προσδὲν μηδὲν ποιεῖ ἐπίδηλον, οὐδὲ μόνον τοῦ ὅλου ἐστίν. cf. Vosf. Inst. Poët. I. C. 4. §. 3.

V. 24. *Maxima pars vatum, cet.* Recte Lambinus: *haec non eo pertinent, ut aliquid proprie de brevitate praecipiat, ut quidam existimant, neque περὶ λέξεως aut de verborum delectu, ut alii volunt: et Dacier. ad v. 29. ce vers prouve, que tout ce qu'il a déjà dit n'est que la suite du même précepte.* Bene etiam Haberfeld. vers 31. ad praecedentia, non ad sequentia pertinere monet, quamvis Engel. et Wieland. ita ceperint. sed idem Haberf. in eo versu *culpaefugam* minus recte cum Engelio exponit, observationem regularum Artis sine judicio innato, sine pulcritudinis sensu. Nam judicium illud innatum fere ad ingenium pertinet; cum sit ingenium ex vi vocis illud ipsum, quod innatum sive ingenitum. Non igitur artem, quae ingenio opponitur, tali sensu dixisse censendus est Horatius; praesertim, cum apud nullum Latinum scriptorem, quoad investigare potui, significationis hujus exemplum exstet. Praeterea totus hic locus unice in ingenii, disciplina et arte non subacti, sed temere ac sine lege lascivientis, improbandis foetibus versatur. Ut brevis sim, summa Horatianae sententiae huc redit. Quemadmodum is, qui prolixitatis culpam fugit, nimio brevitatis studio obscurus fit,

quia certum modum, certos fines artis non novit; sic qui tenuis nimium et inamoenae simplicitatis reprehensionem vitat, ac propterea variare opus studet; nisi antea, quae sint verosimilitudinis lineae, quae circa variationem illam artis monita ac praeepta; didicerit; nisi ad illorum normam summo labore ac studio scripta coërceat, ex ipsa praedictae culpa fuga, ex laudabili illo poema suum variandi studio, mera prodigia procreabit. Nimirum

Dum vitant stulti vitia, in contraria currunt.

Culpam pro reprehensione noster etiam infra dixit vers 267.

v. 32. *Aemilium circa ludum Faber. cet.* Omnes ante Bentlejum Editiones *faber imus* exhibent, quod etiam postea retinuerunt Baxter. et Wieland, qui Lambinum securi fabrum intelligunt, cujus taberna omnium est infima et postrema. Cuningham. conjicit, Horatium scripsisse *fabrum unus*, cui assentitur Engel. Ego Bentleji secutus sum lectionem, uti nec destitutam auctoritate codd, ita sententiae hujus loci inprimis convenientem. Docet Horatius, nihil ad rem facere, si quis *vel optime* (id autem valet *unus*: v. Bentlej.) singulas operis partes exprimere atque elaborare sciat, cum tamen inde totum aliquod conficere non possit. Ex qua sententia si illud *vel optime* omittas, multum ejus ponderi decedere nemo non sentit. Quin id omnino requiri etiam sqq. docent:

Spectandum nigris oculis nigroque capillo.

v. 38. *Sumite materiam. cet.* Aristot. VI. 19. οἱ ἐγχειροῦντες ποιεῖν πρότερον δύνανται τῇ λέξει καὶ τοῖς ἡθεσιν ἀμφοῖν, ἢ τὰ πράγματα συνίστασθαι. οἷον καὶ οἱ πρῶτοι ποιηταὶ σχεδὸν ἅπαντες. Unusquisque igitur poeta suas ponderare vires debet, an satis peritia valeat ad hanc-vel illam materiam recte tractandam, an totum inde aliquod apte possit componere. Hoc enim inprimis requiritur ἐν τῇ τῶν πραγμάτων συστάσει, quam ipsam τὴν ψυχὴν, τὸ πρῶτον καὶ μέγιστον τῆς τραγῳδίας Aristoteles dixit. loc. cit. atque illud *totum* ὅλον maxime consistit ex partibus ordine convenienti (τάξει) dispositis. Vid. Aristot. Cap. VII. Hinc, cum prius exposita necessitate totum aliquod ponendi, statim huic monito alterum illud de sumenda conveniente viribus materia subjungat Horatius, hic cogitationum nexus videtur: felices operis summa sunt, qui aptam viribus materiam sumserunt, quia sic ordine eam tractare possunt, et εὖ συνίστασθαι τὰ πράγματα.

v. 44. *Ut jam nunc dicat cet.* Bentlejus., Baxter. Wieland. ita locum interpungendo distinguunt, ut Horatii mens sit, poetam jam nunc (ex Bentlei. interpretatione *interdum*) debentia dici dicturum, jam nunc (*interdum*) pleraque in praesens dilaturum. Sed Batteux. Engel. Habersfeld. hoc modo interpungentes

*Ut jam nunc dicat jam nunc debentia dici,
Pleraque differat et praesens in tempus omittat.*

et *jam nunc* sensu proprio accipientes, ita locum exponunt, ut nos etiam in paraphrasi red didimus, et jam olim exposuerat Lambinus. Quod ad rem parum interest; dummodo in prioris expositione *debentia dici* intelligantur ea, quae narrari ab historico deberent, in posteriori,

quae jam nunc dicere poeta debet. Fatendum tamen, si *jam nunc* exponas *interdum*, minus planum esse Horatii praeceptum. Nam quare interdum omnia poeta dicturus est, interdum non omnia? Praeceptum video; rationem non video: quam tamen alias, nisi diserte addere, certe subindicare Horatius solet. Addit Bentlejus: *interdum pleraque, quae debebant dici et ad locum pertinebant, differat in aliud tempus, ne mole scilicet τῶν περιστάσεων obruatur lector et narrationis filum amittat.* Igitur, ubi illa moles *περιστάσεων* non aderit, omnia dicet. At de his omnibus ne verbum quidem apud Horatium. Vereor, ut satis attenderit Bentlejus, ad vim vocis *debentia*. cf. Haberf. et Engel. Poëtis, ut non nisi necessaria (*debentia dici*) carmine complectantur, etiam Aristoteles praecipit Cap. VIII. §. 3. Ὁ μῦθος, ὥσπερ καὶ τὰ ἄλλα διαφέρει, καὶ τοῦτ' εἰσὶ καλῶς ἰδεῖν, ἥτοι διὰ τέχνην, ἢ διὰ φύσιν. Ὀδυσσεύαν γὰρ ποιῶν, οὐκ ἐποίησεν ἅπαντα ὅσα αὐτῷ συνέβη· οἷον πληγῆναι μὲν ἐν τῷ Παρνασσῷ, μανῆναι δὲ προσποιήσασθαι ἐν τῷ ἀγερμῷ· ὧν οὐδὲν βατέρου γενομένου ἀναγκαῖον ἦν ἢ εἰκὸς βάτερον γενέσθαι· ἀλλὰ περὶ μίαν πρᾶξιν, οἷαν λέγομεν, τὴν Ὀδυσσεύαν συνέστησεν.

E nostra quidem igitur sententia verba illa *pleraque differat. cet.* separatim sunt sumenda. Regelsbergerus, ne bis idem dixisse poeta videatur, *differat: omittat*; prius verbum explicat *disponat ac dividat* in sequentes partes, quo sensu verbum *differre* Noster etiam adhibuit Epod. V. 99. Forte ingeniosius quam verius. Neque, si *in praesens tempus* nobiscum exponas *in suum tempus et idoneum* (quemadmodum jam olim exposuisset Laurentium Vallam Lib. IV. Elegantiarum Glareanus docet ad h. l.) eo recurrere necesse est.

v. 45. *Hoc amet, hoc spernat. cet.* Arist. VIII. §. 3. loco supra citato, Homerum laudat, quod non omnia dicat, quae Ulyssi acciderunt. Hic igitur nonnulla amavit, nonnulla sprexit; neque omnia sigillatim exsecutus est, quae quovis modo in argumentum et narrationem incidebant. Verum, inquit Bentlejus, *quid hoc aliud est, quam delectus rerum? quid aliud, quam quod versu demum 150 habetur:*

et quae

Desperat tractata nitescere posse, relinquit?

At neque bis idem diceret Noster, neque tam mutus aut verborum pauper erat, ut praecepto hoc de incidentibus tam breviter, leviterque defungeretur. Hisce motus punctum posuit post *omittat*: dein ordine versuum mutato sic scripsit:

In verbis etiam tenuis cautusque ferendis

Hoc amet, hoc spernat promissi carminis auctor.

Ut delectus adhibendus esse verborum significetur, non rerum. Bentlejum sequuntur Sanadon. Gesner. Wieland. Nos vero, quominus eum sequeremur, praeter veterum Grammaticorum, librorumque MSS. in vulgata lectione tuenda consensum, inprimis etiam hae moverunt causae. Primo, nobis quidem etiam, sicut Lambino Dacierioque et Haberfeldio, poeta cum h. v. 45. tum et infra v. 150. de prudenti rerum agere delectu videbatur: neque, tamen ideo, quod Bentlejus statuit, idem bis dicere videbatur. Nimirum in versu 150 laudatur Homerus eo nomine, quod *quae tractata nitescere posse* desperabat, reliquerit. Atqui saepenumero non haec tantum relinquere poeta debet, sed illa etiam, quae, quamvis forte nitescere tractata posset, attamen auctoris proposito minus convenirent, et ut verbo dicam, *ordinem operis* turbarent. De iis igitur agere Nostrum putem in v. 45. Hoc autem praecepto leviter bre-

viterque defungi poetam ideo minus mirabamur, quoniam ei, qui, potenter, juxta monitum ipsius lecta, materia, prius etiam totum aliquod operis secum veluti praeformasset ac mente constituisset, ambiguum esse non poterat, quaenam res ex argumento prae ceteris amandae, quaenam contra spernendae forent: nam, ut ipse dixit

*cui lecta potenter erit res,
Nec facundia deferet hunc, nec lucidus ordo.*

Sed eadem defensione Bentlejus eumque secuti interpretes uti non possunt ad brevitatem praecepti de delectu verborum excusandam, cum in sequentibus tantum de novorum formatione verborum fermo sit. Jam enim merito quis Auctorem roget; Quaenam igitur verba spernere, quaenam amare debeo? Cf. Dacier. Deinde, si ad nexum attenderis, verba *dicat* et *differat*, nisi cum *promissi carminis Auctor* construantur, vix habent, unde commode pendeant. Bene etiam Habersfeld. observat, ipsum illud *promissi carminis auctor* longe rectius ad graviolem et praestantiolem rem, ordinem ac dispositionem operis, quam ad verborum delectum referri; tum et concinniolem orationem esse, si legamus:

*In verbis etiam tenuis cautusque serendis,
Dixeris egregie. cet.*

Quam si

*In verbis etiam tenuis cautusque serendis
Hoc amet, hoc spernat promissi carminis Auctor.
Dixeris egregie.*

v. 46. *In verbis. cet.* Post praeceptum de materia conveniente viribus eligenda, quod scilicet inde cum facundia, tum ordo lucidus penderet, paucis prius de ordine disputatis, fusius jam de facundia sibi disserendum Auctor statuens, illam duobus absolvi significat: eleganti verborum cura, fidelique propriorum operi cuique numerorum et colorum observatione. De priori parte agit v. 45—72. de posteriori v. 73. et seqq. Prior disputatio de verbis eo omnis spectat, ut demonstret, posse quidem nova verba recte fingi produci que, si necessitas postulet; sine necessitate recurrendum eo non esse: maxime, quod usitatis verbis uti interdum, ut lectissimis, possimus,

*notum si callida verbum
Reddiderit junctura novum.*

de quorum tamen significatione verborum nonnihil inter viros doctos ambigitur. Pignas exponit, *si callida constructio reddiderit verbum notum, quod est novum*, hoc est, auctoritatem ei sive fidem conciliaverit. Lambinus, Dacier. Valckenaer. (in Obsf. ad Origin. Graecas p. 37. ubi *producere* v. 59. exponit *prolongare*) Horatium de verbis agere putant nove compositis, sive e duarum vocum conjunctione factis, qualia apud Ciceronem de Oratore Lib. III. c. 38. laudantur *expectoratus* et *versutiloquus*: *διπλὰ ἑνὴ μῶρα* vocat Dacierius. Verum Wieland. Hurd. Eschenburg. Zeunius, Habersfeld. et jam olim Acron et Porphyrio rectius, ut puto,

callidam juncturam interpretantur scitam verborum translationem, vel, ut Cicero dixit de Orat. Lib. III. c. 37. *alieno in loco collocationem*, ut scilicet ponantur juxta ea, quibuscum plane jungi non posse videbantur. Exemplo sint Horatiana *splendide mendax*, et *insipientis sapientiae*. Recte quoque docet Porphyryon, posse adeo sordidum verbum hujusmodi compositione splendere. *Curculio* inquit *sordida vox est; ornatu accedenti omnis ejus vulgaritas absconditur*:

*populasque ingentem farris acervum
Curculio.*

confirmant hanc interpretationem Persii locus, Sat. V. v. 14.

Verba togae sequeris junctura callidus acri.

et ipse Horatius infra v. 242.

tantum series juncturaque pollet.

Serendis in v. 46. tam de formatione, quam junctura verborum accipi potest. Est enim *ferere* saepe idem ac *facere*, *gignere*, *propagare*; et sic etiam hoc loco interpretati sunt Acron, Porphyryon, Schol. Cruquii, Lambinus, Dacierius, alii: *cautus sis in novis verbis faciendis*. Sed ponitur etiam pro *conferere*, *connectere*; unde *sertum* pro corona textili, *sermo* pro oratione connexa, *series* et *cet*: quam posteriorem significationem hic quidem unice veram esse putat Batteux. ob proxime subjunctum versum 47. Sed videtur Horatius de industria tale verbum adhibuisse, quod et *connectere*, et *propagare* significaret, cum de utroque in sqq. dicturus esset. Neque enim illud *in verbis tenuis cautusque serendis* ad unum modo proxime subjunctum v. 47, sed ad omnem etiam sequentem disputationem pertinere videtur. Cf. Haberfeld.

v. 60. *Ut sylvae foliis. cet.* Magis hoc poeticum esse, quam quod Bentlejus conjiciebat, *ut sylvis folia privos mutantur in annos*, merito observat Haberfeld. Itaque vulgatam lectionem retinuit, quod fecerunt etiam Engel. et Wieland. Neque aliter nos faciendum existimavimus. Sed in expositione quidem hujus loci, quod sine invidia dictum sit, non tam aliorum auctoritatem, quam nostrum ipsi iudicium secuti sumus. Vulgo statuunt, tempus, quo sylvae foliis mutantur, ab Horatio significari vernum: maxime ob comparisonem Homericam, quam h. l. expressisse videatur noster, Iliad Z. 146.

Φύλλα τὰ μὲν τ' ἄνεμος χαμάδις χέει, ἄλλα δὲ ὕλη
Τηλεβόωσα φύει· ἔαρος δ' ἐπιγίγνεται ὥρη.

Nobis autem, quominus h. l. de vere cogitaremus, primum ob stare videbatur illud *pronos*; quod, ut recte etiam Haberfeld. observat, proprie non tam *celeres* quam *occiduos*, *ad lapsum inclinatos* significat: (sic *pronus rivus* I Ep. X. 21. *pronus Orion* III. od XXVII. 18. *prona dies* apud Statium II. Theb. 41.) deinde in v. 61. *prima cadunt*, quod haud dubie rectius de ejusdem anni primis foliis, quam de superioris anni veteribus usurpaverit poeta. Quid multa? Sub finem aestatis (igitur *primo anno*) quercus, fagos, alias arbores novis foliis veluti juvenescere quotannis videmus. Brevi post, *autumni frigore primo*, ut Virg. dixit Aen. VI. 309. vel etiam citius, ea, quae ver produxerat, aestus arefecit, cadere sylvis folia incipiunt. Tum igitur *prima cadunt*; aliis modo natis florentibus adhuc et vigentibus. Tum

revera *foliorum* in silvis fit *mutatio*: lente autem et gradatim fit, prorsus ut in verborum mutatione.

v. 63. *Sive receptus terra Neptunus. cet.* Portum Julium significari, de quo Virgilius etiam Georg. II. 164. cecinit, vulgaris est interpretum sententia, cui standum putamus: quamvis Heynius quidem, Vir. Cl. ad d. l. Virg. quod ad hunc sensum multa parum apte dicta essent a poeta, inprimis illud, quod *Aquilones* pro quovis vento accipiendi essent; potius ab Horatio portum Alexandrinum indicari censeat: Gesnerus autem ad h. l. ob *Regis* nomen tantopere detestatum Augusto, quod igitur de ipsius operibus poetam adhibere minus probabile sit; potius Xerxis conatus in monte Atho significari iudicet. Etenim Heynium (pace dicam tanti viri) Aquilo pro quovis vento vehementiore positus immerito offendit, si quidem Horat. III. od. XXX. 3. eodem sensu hac voce utatur. Cf. et Serv. ad Virg. Aen. VI. 310. Quae praeterea Virum Cl. rationes moverint, ut portum Alexandrinum potius, quam Julium indicari crederet, haud equidem scio. Mihi tamen *receptus terra Neptunus* rectius de perfosso aggere inter mare Tyrrhenum et lacum Lucrinum, quam de Regis Alexandri operibus ad Pharum usurpari videtur, cum hic potius veterem ibi portum communiverit, quam novum effoderit. *Regis opus* vero nihil aliud significat, quam *Regium opus*. *Qualia*, inquit Acron, *Reges facere solent*: quod, sicut elegantiam, atque urbanitatem hujus loci praeclare explicuit Wieland. Denique de Xerxis etiam conatu ad montem Athon non recte diceretur *mare terra receptum*; non enim portum ibi Xerxes fecit, sed, ne majore uti circuitu deberet, montem a continenti separavit, et sic classem suam transmisit. Vid. Pomponius Mela II. 2. 136. ibique Gronov.

Majores etiam turbas movit, quod in hoc versu *palus*, jam inde a Servii temporibus, ultima correpta legeretur;

Sterilisque diu palus aptaque remis.

Corrigere tentarunt recentiores; Marcellius,

Sterilisque palus, aptataque remis.

Bentlejus *palus prius*. Cuningham. *Palus dudum aptaque vel palus, agitataque remis*. Gesner. *palus diu aptaque remis*. Habersfeld. antiquam lectionem retinet, quia antiqui codd, et veteres Grammatici ita exhibent, et quia omisa vox *diu* multum sententiae detrahit: denique, quia correpta illa syllaba non adeo aures offendit. Ad primam rationem quod attinet, mirum sane, Servium scribere: *posterior syllaba in palus NONNUNQUAM brevis invenitur*, QUIA GENITIVUS EXIT *in dis*. Quod quam vim habeat equidem non video: Servio tamen eam lectionem apud Horatium minime suspectam fuisse, cum illam etiam defendere tentaverit, haud dubie probat. *Diu* melius ad sententiam hujus loci facere, quam *prius*, recte quidem scripsit Habersfeld. quod autem addit *correptam posteriorem in palus non adeo aures offendere*, id, veremur, ut omnium auribus probet: nos certe nonnihil offendebat. Utrum vero Gesneri transpositionem *palus diu*, an potius emendationem Bentleji *palus prius*, in textu sequeremur, aliquamdiu fluctuavimus incerti: Vicit tandem auctoritas Bentleji, cui illa ipsa transpositio quin in mentem venerit, eximia viri sagacitas dubitare nos non finit. Is tamen emendare, quam transponere maluit, hiatum illum *diu aptaque* minus, ut videtur, ferens: quem hiatum etiam nostris auribus ingratum visum, non est, quod inficias eamus.

v. 86. *Descriptas servare vices. cet.* Recte Lambinus; qui suas cujusque poematis partes et munera ab ipsa natura attributa servare nescit, et, qui ad operum formas, quae sunt variae et multiplices, versus accommodare pro cujusque natura ac dignitate non potest, indignus est nomine poetae. Quam interpretationem cum probaret Haberfeld. rejectâ, certe non laudata, altera Lambini expositione posse scribentis et illud vices intelligi de cujusque personae officio et munere et decoro, (de quibus omnibus infra demum agitur v. 93.) vereor, ut satis cogitate scripserit, h. l. significari a poeta, quam Aristoteles διάνοιαν dixit. Ipsum de ea Philosophum audiamus. Cap. VI. §. 7. Ἐπεὶ δὲ (τραγωδία) πράξεώς ἐστιν ἡ μίμησις, πράττεται δὲ ὑπὸ τινῶν πραττόντων, οὓς ἀνάγκη ποιοῦς τινὰς εἶναι κατὰ τε τὸ ἦθος καὶ τὴν διάνοιαν, (διὰ γὰρ τούτων καὶ τὰς πράξεις εἶναι φάμεν ποιῆς τινὰς) πέφυκεν αἴτια δύο τῶν πράξεων εἶναι, διάνοια καὶ ἦθος. καὶ κατὰ ταῦτας καὶ τυγχάνουσι καὶ ἀποτυγχάνουσι πάντες. Paulo post (λέγω γὰρ) τὰ ἦθη, καὶ ἃ ποιοῦς τινὰς εἶναι φάμεν τοὺς πράττοντας. διάνοιαν δὲ, ἐν ὅσοις λέγοντες ἀποδεικνύουσί τι, ἢ καὶ ἀποφαίνονται γνώμην. §. 22. Τοῦτο δὲ ἐστὶ τὸ λέγειν δύνασθαι τὰ ἔνοντα καὶ τὰ ἀρμόττοντα et §. 25. Διάνοια δὲ, ἐν ᾗ ἀποδεικνύουσί τι, ὥς ἐστιν, ἢ ὥς οὐκ ἐστιν, ἢ καθόλου τι ἀποφαίνονται. Clare ex his διάνοιαν ad ipsas pertinere personas liquet, in quarum oratione servantur τὰ ἔνοντα καὶ ἀρμόττοντα: non autem ad operum i. e. poematum colores, sive stilum in tragoedia tragicum, in comoedia comicum servandum. Pergit hic Horatius in exponenda facundiae (λέξεως) altera parte, quam v. 73. tractare instituerat. Sunt autem Aristoteli λέξεις et διάνοια res diversae, cum διάνοια explicetur ope λέξεως. Est enim haec ἡ διὰ τῆς ὀνομασίας ἐρμηνεία. Arist. Cap. VI. §. 26. Quemadmodum vero morata oratio, licet mores apte exprimat, cum ipsis tamen moribus confundi non debet, sic oratio, cui inest διάνοια, quaeque eam praeclare exponit, non est διάνοια ipsa.

v. 95. *Tragicus plerumque dolet Telephus. cet.* Bentlejum, deleta interpunctionis nota post pedestri voces *Tragicus* et *Telephus* jungentem, in textu secuti sumus. Et sic sane *tragicus Orestes*, *tragicus Thyestes*, *comicus Davus*, *comici servi*, dicti reperiuntur. Vid. loca a Bentlejo citata. Neque tamen nullius momenti observatio est Hurdii, in veteri lectione pulcriorem esse oppositionem, quam in Bentlejana. Ut, quemadmodum supra de comoedia prius generale praeceptum, dein subjunctum huic exemplum vidimus, etiam hic versu 95. praeceptum, sequente vero exemplum habeamus. Eam autem lectionem si retineas, in fine versus 96. cum Lambino subaudiendum est. *Tragicus* autem absolute magis scriptorem, quam quod Dacierius voluit, *actorem* significat. cf. et Obsf. ad v. 101. infra.

v. 99. *Non satis est pulchra. cet.* Rationem, cur colores operum aliquando paululum immutentur, quam supra verbis *iratus*, *pauper*, *exsul*, jam subindicaverat Horatius; hic nunc diligentius exponit. Sita enim haec in διάνοια. vid. Dacier. et Engel. ad h. l. Scilicet ille praeclarus est poeta,

*meum, qui pectus inaniter angit,
Irritat, mulcet, falsis terroribus implet.*

Horat. II. Epist. I. 211. Ἐστὶ δὲ κατὰ τὴν διάνοιαν ταῦτα, ὅσα ὑπὸ τοῦ λόγου δεῖ παρασκευασθῆναι. μέρη δὲ τούτων τό τε ἀποδεικνύειν, καὶ τὸ λύειν, καὶ τὸ πᾶν παρασκευάζειν. οἶον, ἔλεον, ἢ φόβον, ἢ ὀργὴν, καὶ ὅσα τοιαῦτα. καὶ ἔτι μέγεθος, καὶ σμικρότητα. Verba sunt Arist. Cap. XIX. Cum

igitur unusquisque poëta delectare et movere auditores studeat, eorumque animum, quocumque volet, agere; colores operum aptare debet animi affectibus loquentis, id est hujus διάνους recte exprimere. Est igitur, ut versu 99 *dulcia poemata* intelligamus cum Lambino et recentioribus interpretibus *ad affectum dulcia, moventia*; quam significationem manifesto versus sequens huic voci tribuit, qui, ut Sanad. recte animadvertit, eam egregie explicat. Aristoteles etiam cap. XIX. τί γὰρ ἐν εἰς τοῦ λέγοντος ἔργον, εἰ φανότρο (πάθη) ἰδέα, καὶ μὴ διὰ τὸν λόγον. cf. Dacier. ad h. l. Sic et Horat. II. Od. XIII. 38. *dulcem sonum* dixit. *Pulcra* autem recte explicuit Acron, *quae per oeconomiam composita sunt et probata verba habent*. Arist. VII. 58. τὸ καλὸν ἐν μεγέθει καὶ τάξει ἐστίν. cf. Dacier, et Habersfeld. qui non immerito verosimile ducit, Bentlejum, ut *pura* legeret, motum fuisse perversis illis, quas ipse recensuit, explanationibus vocum *pulcra* et *dulcia*.

v. 101. *Humani vultus*. Nannius et Habersfeld exponunt φιλανθρώπους; qui *non duri et rigidi, sed mobiles adsunt et flexibili motu*; non hominum adeo, sed ipsius poëtae. Verum Horatium hic spectatorum omnium communem naturam i. e. humanam considerare clare docent sqq.

*Si vis me flere; dolendum est
Primum ipsi tibi.*

Sumus autem ita natura homines constituti, *ut arrideamus ridentibus et contristet nos turba moerentium*. Vid. Seneca de ira II. 2. Debet igitur personarum, quas poëta induxit, διάνουα pro variis quidem earum temporibus varia, semper autem verosimilis exhiberi: quod inprimis διάνουας ἔργον sit τὸ πάθη παρασκευάζειν. Sed Habersfeldium et alios in errorem induxit locus Aristotelis cap. XVIII. 3, χειμαῖναι ὁ χειμαζόμενος, καὶ χαλεπαίνει ὁ ὀργιζόμενος ἀληθείας. Nimirum Philosophus, ut recte observavit Dacier, ibi plus tradit, quam h. l. Noster: docet scilicet, poëtam ipsum eorum, quos inducit, quasi induere personas debere, ut eos recte loquentes exhibeat. Unde factum, ut, qui simile praeceptum hic legebant, etiam Horatium de poëta agere existimarent: quamvis loci contextus hanc explanationem non admitteret. de ipsa re cf. Aristot. XIII. 5.

v. 104. *Telephe vel Peleu male si mandata loqueris*. Lambinus hunc locum de oratione, actione et vultu Telephi in scenam prodeuntis interpretatur: cum tamen actio et vultus sint artis histrionum, quam et Cicero de Orat. I. 5. recte *levem* dixit, et a poëtae partibus plane alienam judicavit Arist. XIX. 8. σχήματα τῆς λέξεως ἐστὶν αἰδέσθαι τῆς ὑποκριτικῆς, καὶ τοῦ τὴν τοιαύτην ἔχοντος ἀρχιτεκτονικῶν. et paulo post: παρὰ γὰρ τὴν τούτων γνώσιν, ἢ ὀργισμὸν οὐδὲν εἰς τὴν ποιητικὴν ἐπιτίμημα φέρεται, ὃ τι καὶ ἄξιον σπουδῆς. Neque etiam magna poëtae laus esset, si aliena ope ad movendos affectus indigeret. Vid. Arist. d. I. Praeterea cum dicat Horatius, *vultum moestum tristitia verba decere*, histrioni certe praeceptum non dedit. Nam sic potius *vultum* esse debere convenientem *verbis* dixisset. Et quo tandem hoc praeceptum, cum apud Romanos, Horatii quidem temporibus, persona obducti erant histrionum vultus? Rectius igitur locum de sola accipias oratione: de mandatis, quae poëta dat personis, quas inducit. vid. Wieland. eamque ob causam *male et mandata* conjungimus cum Sanadono et Habersfeldio; non vero *male et loqueris*.

v. 108. *Format enim natura. cet.* Quemadmodum Nannius et Habersfeld. versum 101; sic hunc versum Vosius II. Institt. Poët. XVIII. 7. de poëta accepit. At vero, ni

v. 119. *Aut famam sequere. cet.* Arist. Poëtic. Cap. XV. §. 1. 199. Περὶ δὲ τὰ ἴσα σέβασμα εἶναι, οὐ δεῖ ζητῆσθαι. ἐν μὲν καὶ πρῶτον, ὅπως χρῆσθαι ἢ. ἔξει δὲ ἦθος μὲν, εἶναι, ὥστερ ἐλέγχει, ποῦ Φαυρὸν ὁ λόγος ἢ ἡ πράξις προαίρεσιν τινα· Φαῦλον μὲν εἶναι Φαῦλον· χρῆσθαι δὲ, εἶναι χρῆσθαι. ἔστι δὲ ἐν ἐκάστῳ γίνεαι. καὶ γὰρ γυνή ἐστι χρῆσθαι, καὶ δούλος. καίτοι γε ἴσως τοῖσιν τὸ μὲν χεῖρον, τὸ δὲ ἄλλως Φαῦλον ἐστὶ. δεύτερον δὲ τὰ ἀρμόττοντα. ἔστι γὰρ ἀνδρείον μὲν τι ἦθος, ἀλλ' οὐχ' ἀρμόττον γυναικὶ τὸ ἀνδρείον ἢ δέησιν εἶναι. τρίτον δὲ τὸ ὅμοιον· τοῦτο γὰρ ἕτερον τοῦ χρῆσθαι τὸ ἦθος καὶ ἀρμόττον ποιῆσαι, ὥστερ εἰρηται. σέβασμα δὲ τὸ ὁμαλόν. καὶ γὰρ ἀνάμαλός τις ἢ ὁ τὴν μίμνησιν παρέχων καὶ ποιῶντος τὸ ἦθος ὑποτελεῖς, ὅπως ὁμαλῶς ἀνάμαλον δεῖ εἶναι. Ex hisce duo certe posteriora expressisse Nostrum in vs. 119. vulgaris est DD. VV. sententia. Vid. G. Fabricius Lib. VI. de Re Poëtica, Vosius Institut. Poët. Lib. II. c. v. §. 8. et 9. Pignas in Poët. Horat. p. 46. Luifinus et Sambucius in comment. ad h. l. e quorum quidem sententia τὸ ὅμοιον ἦθος Aristoteles dixit *famae sive receptae traditioni convenientes mores*: τὸ ὁμαλὸν *morum aequabilitatem*. Verum τὸ ὅμοιον ita non recte explicari putat Herman. ad l. cit. Arist. quod explicatio illa *non solum justo angustior, sed ne ubique quidem vera sit. Et quod in iis fabulis, in quibus fictae tantum personae introducuntur, ne requiri quidem pos.*

fit ὁμοιον ἦθος. Immo, inquit, ὁμοιον vocat Aristoteles, quod dicere poterat etiam ὅτι ἐν γένει. Itaque exponit probabiles: tales, quales in vita animadvertimus: verisimiles. Quemadmodum jam olim Harles. in edit. Arist. Poëtic. Lipsiae 1780. praesenti saeculo perquam similes: forsitan, quia tali sensu vocem adhibuerat Aristot. Cap. II. §. 1. sqq. βελτίους ἢ καὶ ἡμᾶς, ἢ χείρους, ἢ καὶ τοιοῦτους ἀνάγκη μιμῆσθαι. ὥσπερ οἱ γραφεῖς, Πολύγνωτος μὲν κρείττους, Πάυσων δὲ χείρους, Διονύσιος δὲ ὁμοίους εἰκάζε. Sane dolendum est, Aristotelem in d. Cap. XV. cum τὸ πονηρὸν, καὶ τὸ μὴ ἀρμόττον, καὶ τὸ ἀνώμαλον ἐν ἡθεσιν exemplis declaraverit, nullum etiam τοῦ ἀνομοίου addidisse. Verumtamen in re dubia veterem potius, quam novam hanc interpretationem sequar. Quod enim dicit Hermannus, illud, *ut cum historia congruant, in fictis personis requiri non posse*, non video, quomodo vulgarem expositionem confutet. Etenim περὶ τοῦ χρηστοῦ, qua voce morum honestatem indicari ipse recte putat cum Harlesio in Appendixe diet. Edit. II. eodem jure disputares, illud, *ut boni sint mores, in malis personis requiri non posse*: cum tamen malorum mores exprimi nonnumquam in Tragoedia debeant. vid. Vosf. l. cit. §. 4, 5. et 7. Quod vero ad Hermannii interpretationem attinet, ei merito objicias, Aristotelem Cap. II. in fine scribere *κωμωδίαν μὲν χείρους, τραγωδίαν δὲ βελτίους μιμῆσθαι βούλεσθαι τῶν νῦν*: comoediae quidem propositum esse, ut pejores, tragoediae vero ut meliores iis, quos nunc videmus, homines repraesentet. Nonne igitur repugnantia sibi ipse traderet dicendo, poetam tragicum tales facere mores debere, quales illos *in vita animadvertimus*? Immo contrarium praecipit hoc ipso capite §. 11. ἐπεὶ δὲ μίμησις ἐστὶν ἡ τραγωδία βελτιῶν, ἡμᾶς δεῖ μιμῆσθαι τοὺς ἀγαθοὺς εἰκονογράφους· καὶ γὰρ ἐκεῖνοι ἀποδιδόντες τὴν οἰκείαν μορφήν, ὁμοίους ποιῶντες, καλλιῶς γράφουσιν. οὕτω καὶ τὸν ποιητὴν μιμούμενον καὶ ὀργίλους καὶ ῥαθύμους, καὶ τᾶλλα τὰ τοιαῦτα ἔχοντας ἐπὶ τῶν ἡθῶν, ἐπιεικείας ποιεῖν παράδειγμα ἢ σκληρότητος δεῖ· ὅτι τὸν Ἀχιλλέα Ἀγάθων καὶ Ὀμήρος. Pro vulgari interpretatione facit etiam locus Procli in Quaest. Poëticis, quo jam usus est Vosf. l. c. §. 8. 9. Scribit ille, bifariam aliquid ἀνόμοιον esse. primo quidem, si pictor Achillem exprimat velut Thersitem, deinde si fingat aliquando eum οὐ φυλάττοντα ζῶν ἀνδρικήν. Ceterum Aristotelis quidem τοῦ ὁμοίου definitionem: τοῦτο γὰρ ἕτερον τοῦ χρηστοῦ τὸ ἦθος καὶ ἀρμόττον ποιῆσαι, ὥσπερ εἴρηται planam ac facilem intellectu nemo dixerit. Nec juvat additum ὥσπερ εἴρηται, ex vulgari versione *sicut antea dictum fuit*, cum nihil in antecedentibus huc faciat. Unde corrigendum etiam Herman. existimavit ὥσπερ εἴρηται, ut significetur ἦθος χρηστοῦ καὶ ἀρμόττον, de quibus in principio capitis. Sed vel sic jejuna est definitio. Potius illud ὥσπερ εἴρηται servans, aliter vertam, non *ut antea dictum est*, sed *ut traditum est*, a poetis scilicet et mythographis et historicis; totum autem locum sic constituam: τοῦτο γὰρ ἕτερον τοῦ χρηστοῦ τὸ ἦθος καὶ ἀρμόττον ποιῆσαι, οὕτως, ὥσπερ εἴρηται, ποιεῖν. Ut haec verba ipsum illud, quod Horat. nostro loco postulat, innuant; scilicet, mores non tantum honestos et convenientes esse debere, sed etiam tales, quales ab aliis descripti sunt.

Honoratum Achillem Horatius in versu 120 memorat, quia hoc primarium est Iliadis argumentum. Recte Nannius: *tota Homeri Ilias Achillis laudibus servit*. Et hoc etiam Scholiastes voluit dicendo; *Si ergo Achillem, de quo Homerus scripsit, velis scribere, talem debes scribere, qualem Homerus ostendit*. Nec inde sequitur, eum in textu *Homereum* legisse. Jupiter Thetidis precibus inductus Achillem ἔτισεν honoravit. cf. Lambinus et e recentioribus Villoison. ad Apollonii Lexicon Homer. p. 770. et Haberfeld.

v. 131. *Difficile est proprie communia dicere. cet.* *Communia* dicere *proprie* et *privati* juris *publica* facere ex disciplina Jurisconsultorum, uti nos, explicandum censuerunt Acron, Scholiastes Cruquii, Landinus, Luifinus, Grifolus, de Nores, Parrhasius, Cosentinus, Glareanus, Badius, Lambinus, Dacier, Sanadon, Engel, Haberfeld: ut *communis* dixerit Horatius a nemine occupata, cui recte opponantur *propria*: *publicam* vero *materiem* eam, quae jam pridem inter poëtas tractatione facta sit vulgaris. At vero Amerbachius, Pulmannus, Freigius, Pithopoeus, Sambucus Horatium in versu 131. tradere putant, quomodo illud, quod versu 128. difficile esse dixerat, tamen effici possit. Hos vero ipse contextus confutat; si quidem Horatius in versu 128, *communis* dicit, quae versu 125. *inexpertis*, versu 126. *personam novam*, versu 130. *ignota indictaque* vocat, et opponit carmini Iliaco: *publicam*, autem *materiam* satis ipse explicat sequentibus versibus, in quibus agere eum de materia, quam jam alii ante nos tractaverint, facile quivis animadvertat. cf. Engel. et Haberfeld. Neque minus haec Batteuxii Gesnerique explicationem premunt: difficile esse personam apte fingere, quae habeat naturam *communem* hominum cum *propriis* ipsi attributis. Accedit, quod certe laboriosius quaesita haec interpretatio eam verbis vim tribuat, quam vulgo obtinere non solent; cum contra vetus illa Acronis in vulgari verborum significatione acquiescat. Quomodo enim *publicum* et *commune* inter se differant, utque *communi proprium*, sic *publico* opponi *privatum* e prolatis a Lambino exemplis et accuratiori juris disciplina satis est perspicuum. Vid. Janus: a Costa ad Tit. Instit. de Rerum Divisione, qui inter alios et Ovidium citat VI. Metam. 349..

Quid prohibetis aquis? usus communis aquarum:

Nec solem proprium Natura, nec aëra fecit:

Fatendum tamen, ipsos quoque veteres non semper ad propriam horum verborum vim attenderit. Ovid. l. cit. sic pergit.

Nec tenues undas: ad publica munera veni.

Similiter §. 2. Instit. de Rer. Div. *commune* dicitur, quod idem eodem §. *publicum*, et hinc forsitan factum, ut littora *communis* quibusdam dicta sint, quamvis re vera *publica* essent, (vid. L. 3. D. Ne quid in loco publico) et a Jurisconsultis Ciceronis aequalibus haberentur. Vid. Cic. in Top. 8..

v. 136. *Nec sic incipies. cet.* Praeceptum hoc nullò nexu cum antecedentibus conjunctum esse vulgo quidem interpretes statuunt: ego tamen, re diutius perpenſa, postremo co delatus sum, ut nexum quidem aliquem cum superioribus deprehendiſſe mihi viderer; sed ejusmodi illum, qualem ab epistolam scribente poëta postulari aequum sit. Dixerat Horatius, difficile esse communia proprie tractare, et propterea potius tractanda esse publica; cum et haec sui juris facere poëta possit: ubi primo non eadem prorsus et eodem modo, ac priores, narret: secundo ex Graecis Latina faciens non fideliter nimis verbum verbo reddat: tertio non serviliter imitetur: quarto jam requirit, ut prudente carminis oeconomia, quamvis vulgare argumentum denuo poëta commendare sciat, iis quam maxime vitatis, quae lectori vel auditori taedium crearent. Bellum Trojanum jam ante Homerum erat publica materia: sed vide, ut materiam illam Homerus egregie, scriptor post Homerum Cyclus inepte tractaverit. Non hunc igitur, sed Homerum imiteris. Non sic incipies, ut scriptor Cyclus

olim, sed ut Homerus incepit. Ita non fumum ex fulgore, sed ex fulgore lucem dabis, et omnino libere pedem proferes. Hunc nexum esse versus 136. cum antecedentibus, jam olim, ut videtur, Acron senserat, cujus ad vers. 135. verba sunt: *Pudor vetat nos a majoribus incipere, et in exiguum definere.* Ceterum Homeri mentione facta temperare sibi poeta non potuit, quin eum in omnibus ut exemplum commendaret. Huc pertinent illa in versu 148. et seqq.

*Semper ad eventum festinat et in medias res
Non secus ac notas auditorem rapit, cet.*

Scholia Homeri ad Iliad. A. pr. αὕτη γὰρ ἀρετὴ ποιήσεως, τὸ ἀπὸ τῶν μέσων ἀρξασθαι, πρὸντα δὲ καὶ τὴν ἀρχὴν διηγείσθαι κατὰ μέρος. et versf. 151. sqq.

*Atque ita mentitur, sic veris falsa remiscet,
Primo ne medium, medio ne discrepet ium.*

quo nomine illum etiam Aristoteles laudavit Lib. cit. XXIV. 7. δεδίδαχε δὲ μέλιστα Ὅμηρος καὶ τοὺς ἄλλους ψευδῇ λέγειν, ὡς δεῖ.

v. 146. *Nec reditum Diomedis. cet.* Diomedis a Trojano bello reditum significari Nannius, Lambinus alique censent: et jam olim Scholiastes Cruquianus, ita scribens ad h. l. *ex obliquo taxatur Antimachus Cyclicus, qui reditum Diomedis principis Graecorum a Troja in Graeciam narrans, eum incipit ab interitu Meleagri patruī.* Sed alius, item antiquus Scholiastes, Porphyrio, quamvis in Antimacho memorando consentiens (quem poetam et in vsf. 136 et 137. ab Horatio tangi putat Acron.) in ceteris a priori diversus abit: *Antimachus, inquit, fuit Cyclicus poeta. Hic aggressus est materiam, quam sic extendit, ut XXIV volumina impleverit, antequam septem duces ad Thebas perduceret.* Porphyrio certe ex parte ducem secutus Haberfeldius, reditum h. l. Diomedis ab Epigonorum ad Thebas bello significari, verosimile judicat. De Antimacho quidem, an umquam, praeter Thebaidem, etiam poema Epigonos conscripserit, atque eum omnino vel illud ejus opus taxare Noster h. l. voluerit, dubia res videri queat ex erudita disputatione Schellenbergii de vita et scriptis Antimachi p. 20 sqq. iisque, quae ad h. ipsum locum Haberf. disputat. Quod enim tanquam Epigonorum Antimachi principium laudat Scholiast. Aristophanis ad Pacem v. 1270. idem ut Homericī operis initium citat Auctor Homeri et Hesiodi certaminis p. 14. Ed. H. Stephani. Et sane jam Herodoti temporibus ferebantur Ἐπίγονοι, carmen Epicum (vid. Herod. IV. 32.) haud sane contemnendum opus, ut vel e Pausania constat. IX. 9. Sed fuerit praeter hoc etiam Antimachi carmen ejus nominis (quod ne Porphyrio quidem satis expedite prodit) certe et hujus et alterius carminis argumentum potius Epigonorum ad Thebas bellum, quam Epigonorum in patriam ab illo bello reditus fuit: cujus quidem peculiariter a poetis celebrati nulla, quod sciam, apud veteres mentio exstat. Neque Epigonorum in suam cujusque domum aut patriam redeuntis fata singula poetarum digna carminibus fuerunt. Clari quidem postea casus Alcmaeonis: sed eximie *reditum Alcmaeonis* celebrari nusquam vidimus. An igitur Diomedis reditum? Possit hic aliquis locum urgere Strabonis X. p. 709. scribere Ephorum tradentis: Ἀλκμαίωνα συστρεψάντα μετὰ Διομήδους καὶ τῶν ἄλλων Ἐπιγόνων καὶ

κατορίσσαντα τὸν πρὸς Θηβαίους πόλεμον, συνέλθειν Διομήδει καὶ τιμωρῆσθαι μετ' αὐτοῦ τοὺς Ὀϊεὺς ἐχθρούς. παρέδοντα δ' ἐκείνῳ τὴν Αἰτάλιαν, αὐτὸν εἰς Ἀκαρνανίαν παρέλθειν, κ. τ. λ. Possit inde probabiliter elicere, reditum Diomedis in Aetoliam, unde pater ejus Tydeus exulaverat, illum igitur reditum omnino peculiaris alicujus carminis materiam fuisse, cujus auctor inepte narrationem suam ab interitu orfus esset Meleagri. Sed longe clarior tamen alter ille Diomedis ὤψας, quo redux a Troja, cognitis uxoris Aegialeae et adulteri Cometae infidiis, iterum navem conscendit et post multos errores in Daunorum finibus confedit, quem ὤψας sive reditum Diomedis quin celebrandum sibi verus aliquis poëta sumserit (forte et plures poëtae) dubitare nos non faciunt plurima veterum auctorum, imprimis Latinorum poëtarum, loca ex illo velut communi fonte derivata. Vid. Heyn. Vir. Cl. in Exc. ad Aen. II. pr. et Aen. VII. v. 640 sqq. Illum igitur reditum etiam Horatium h. l. spectasse mihi quoque verosimilius videtur, cum ob supra dicta, tum etiam, quod ab hoc certe reditu magis remotus Meleagri interitus, quam a Diomedis in Aetoliam reditu, poëtae illius, sive is Antimachus, sive alius fuerit, sive Graecus, sive unus ex aequalibus Horatii, ineptum et imprudens consilium clarius apparere facit.

v. 148. *In medias res. cet.* Lambinus et Batteux. exponunt, ut nos in Paraphrasi fecimus: verum Dacier. *medias res intelligit indifferentes, μέσα*; recte autem Sanadon observat hoc repugnare contextui. Non enim dicit Horatius: celeriter lectorem ducit *per medias* res ad ipsam actionem, sed *in res medias, in ipsam actionem*, ut neglecto ordine historico non a primis sed a mediis rebus narrationem incipiat; primas autem postea, commodam magis occasionem nactus, exponat. quod eximium Homeri in Odyssea artificium quomodo aemulatus sit Virgilius in Aeneide, nemini non prorsus in litteris hospiti ignotum est. Versus igitur 148, ut recte observat Sanadon, prioribus inservit explicandis.

v. 154. *Si fautoris eges. cet.* Sic pro vulgari *plausoris* dedit Bentlejus, qui rusticam inconcinnitatem sententiae, *plausoris, qui sedeat usque ad plaudite*, Horatio non imputandam esse docet, ideoque *fautoris* legit. Sed sic antiquissima erit menda. Acron *Plausoris*, inquit, *et plausoris, nam et plodere veteres et plaudere dicebant, ut claudere et cludere.* Haberfeld. in Comment. ad h. l. versum 155. ejiciendum censuerat, quasi is Horatii non esset: ipse tamen postea recte suam improbavit opinionem, in additamentis p. 531. et sqq. Hoc eodem versu *Cantorem* Bentlejus, ad Terentii Andriae versum ultimum, Tibicinem exposuit: *Alius est actor*, inquit, *alius cantor. Actores in hac Andria primarum et secundarum partium Ambivius et Atilius erant: tertiarum partium actor, ut pote ignobilis, nusquam memoratur. Cantor autem Flaccus Claudii filius, qui tibiis paribus canebat dextris et sinistris. Ergo cum Actores omnes ex scena exirent, cantoris erat, depositis ex ore tibiis, plaudite insonare.* Sed hoc quamvis ingeniosum commentum, vereor, ut Horatii loco satis firmetur. Certe *cantorem pro actore* etiam Cicero dixit, oratione pro Sextio, cap. 55. nec non, citatus etiam a Pulmanno ad h. l. Prudentius contra Symmachum Lib. II. 10.

*Ut Tragicus cantor ligno tegit ora cavato,
Grande aliquod cujus per hiatum crimen anhelet.*

neque immerito, cum re vera versus caneret ad modos musicos.

v. 156. *Aetatis cujusque notandi sunt mores. cet.* Aetatum mores etiam Aristote-

les persequitur, Reth. II. cap. 12. 13. 14. Hunc autem in multis Horatius secutus est; quaedam tamen et adiecit; nonnulla omisit. Secutus in his videtur. Aristoteles cap. 12. οἱ νέοι ἀδυνατοῦν πάντα εἶναι, καὶ διίσχυρίζονται. juvenis Horatio *monitoribus asper* dicitur. Aristot. ibidem μᾶλλον αἰροῦνται πράττειν τὰ καλὰ τῶν συμφερόντων. Horatius de juvene *utilium tardus provisor*. Aristot. φιλοχρήματοι ἥμισυ εἰσι διὰ τὸ μήπω ἐνδείας πεποιῆσθαι, Horatio *prodigus aeris* juvenis. Aristot. καὶ φιλέτιμοι μὲν εἰσι, μᾶλλον δὲ φιλόδοκοι· ὑπεροχῆς γὰρ ἐπιθυμίῃ ἢ νότῃς· — καὶ μεγαλόψυχοι εἰσιν οἱ νέοι· οὔτε γὰρ ὑπὸ τοῦ βίου οὕτω τεταπεινῶνται· ἀλλὰ τῶν ἀναγκαίων ἄπειροί εἰσι· καὶ τὸ ἄξιον αὐτὸν μεγάλων, μεγαλοψυχία. Horatius hoc sensu juvenem *sublimem* dixit. Aristoteles ibid. οἱ μὲν αὖν νέοι τὰ ἥθη εἰσὶν ἐπιθυμητικοί, καὶ οἱοι ποιεῖν, ὃν ἐν ἐπιθυμήσει. εὐμετάβολοι δὲ καὶ ἀψίκοροι πρὸς τὰς ἐπιθυμίας· καὶ σφοδρὰ μὲν ἐπιθυμοῦσι, ταχὺ δὲ παύονται. Horatio juvenis breviter et eleganter dicitur *cupidus et amata relinquere pernix*.

De senibus Aristoteles c. 13. μικρόψυχοι εἰσιν οἱ γέροντες διὰ τὸ τεταπεινωῖσθαι ὑπὸ τοῦ βίου. οὐδενὸς γὰρ μεγάλου, οὐδὲ περιττοῦ, ἀλλὰ τῶν πρὸς τὸν βίον ἐπιθυμοῦσι· καὶ ἀνελεύθεροι· ἐν γὰρ τι τῶν ἀναγκαίων ἢ οὐσία· ἅμα δὲ καὶ διὰ τὴν ἐμπειρίαν ἴσασιν, ὡς χαλεπὸν τὸ κτήσασθαι καὶ ῥᾶδιον τὸ ἀποβαλεῖν· καὶ δειλοί· καὶ πάντα προφοβητικοί· ἐναντίως γὰρ δικάσονται τοῖς νέοις· καταφυγμένοι γὰρ εἰσιν· οἱ δὲ θερμοί· ὥς τε προωδοπεποίηκε τὸ γῆρας τῇ δειλίᾳ· καὶ γὰρ ὁ φόβος κατὰψυξίς τις ἐστίν. Horatius v. 169.

*Multa senem circumveniunt incommoda, vel quod
Quaerit, et inventis miser abstinet, ac timet uti,
Vel quod res omnes timide gelideque miniftrat.*

Aristoteles: κακοήθεις δὲ καὶ οἱ γέροντες εἰσίν. ἔστι δὲ κακοήθεια, τὸ ἐπὶ τὸ χεῖρον ὑπολαμβάνειν ἅπαντα· ἔτι δὲ καχύποπτοί εἰσι διὰ τὴν ἀπιστίαν. Senem *difficilem* dixit poeta. Aristoteles ibid. πάντα οἴονται ἐγγὺς εἶναι αὐτοῖς παθεῖν· ὅθεν ὀδυρτικοί εἰσι, καὶ οὐκ εὐτράπελοι, οὐδὲ φιλογέλοι. ἐναντίον γὰρ τὸ ὀδυρτικὸν τῇ φιλογέλῳ. Senem *querulum* vocat Horatius. Aristoteles ibid. διατελοῦσι δὲ τὰ γενόμενα λέγοντες, ἀναμνησκόμενοι γὰρ ἦδονται. Est Horatio senex *laudator temporis acti*.

De virorum moribus Aristoteles in cap. 14. ὅσα μὲν, inquit, διήρηται ἡ νότῃς καὶ τὸ γῆρας τῶν ὠφελίμων, ταῦτα ἅμῃς ἔχουσιν· ὅσα δ' ὑπερβάλλουσιν, ἢ ἐλλείπουσι, τούτων τὸ μέτριον καὶ τὸ ἁρμόττον. Magis autem definite Noster.

*Conversis studiis aetas animusque virilis
Quaerit opes, et amicitias, infervit honori:
Commisisse cavet, quod mox mutare laboret.*

De puerorum moribus ne verbum quidem apud Aristotelem. eos Horatius tractavit vsf. 158. 159. 160.

Contra multa etiam a philosopho notata recte poeta omisit, ut vera sit observatio Habersfeldii ad versum 172. non anxiam hic imitationem Aristotelis esse quaerendam, nec, quia dixerit Philosophus ζῶσιν (οἱ γέροντες) τῇ μνημῇ μᾶλλον, ἢ τῇ ἐλπίδι· τὸ γὰρ βίου, τὸ μὲν λοιπὸν, ὀλίγον· τὸ δὲ παρεληλυθὸς πολὺ. ἔστι δὲ ἡ μὲν ἐλπίς τοῦ μέλλοντος· ἡ δὲ μνήμη τῶν παροχομένων: aut omnino illos dixerit *δυσελπίδας*: inde sequi, veterem lectionem Horatiani versus 172., qua senex dicitur

Spe longus — avidusque futuri.

probat non esse. quod tamen affirmat Bentlejus atque ita corrigit :

Dilator, spe lentus, iners, pavidusque futuri.

probantibus Sanadono et aliis. Accedit, ut bene etiam Habersf. observat, illud, quod *spe lentus* et *pavidus futuri* indicent, jam supra verbis *gelide* et *timide* in versu praecedenti significatum esse. Deinde *spe longus* — *avidusque futuri*, nihil vetari, quominus expressa censeantur ex alio loco Aristotelis, ubi dicit καὶ εἰσὶν οἱ γερῶντες φιλόζωνοι καὶ μάλιστα ἐπὶ τῇ τελευταίᾳ ἡμέρᾳ, διὰ τὸ τοῦ ἀπόντος εἶναι τὴν ἐπιθυμίαν καὶ οὐ δὲ ἐνδοσίς, τοῦτον μάλιστα ἐπιθυμοῦσι. Certe ex hoc sequitur, senes et longas, sive longinquas, spes inchoare, (id enim *spe longum* esse multis exemplis probat Bentlejus ad h. l. cf. et Lambinus) et avidos futuri esse. hoc, quia, quae non habent, ea maxime cupiunt; praesentia autem negligunt: illud, quoniam ea, quae ab sunt, nec sperare debent, se assecuturos; tamen sperant quodammodo. Solent enim, quae valde cupiunt homines, semper etiam quodammodo sperare. Cupiunt autem senes, quae non adsunt, et quae forte numquam ipsis contingent; sperant quodammodo ea, quae vel ipsi se sperare non debere sciunt. et hinc etiam senex est *dilator*, quia melius cras fore semper ait. Illum igitur diem crastinum semper venturum sibi promittens recte dicitur *spe longus*; ejusdem ut melioris semper appetens, recte dicitur *avidus futuri*, τοῦ μέλλοντος.

v. 185. *Ne pueros coram populo. cet.* Habersfeld. Eschenburgium secutus *populum* hic interpretatur *chorum*. Wieland. vertit *chorum* et *spectatores*: reliqui omnes *coram spectatioribus* exposuerunt. Sane cum in praecedentibus versibus locutus sit Horatius de iis, quae sibi tradere *spectator* debebat, de iis, quae tollenda ex oculis, scilicet *spectatorum*: etiam versu 185. in quo hoc ipsum exemplo declarat, *spectatores* dixisse *populum* videtur, ut eosdem et supra vocaverat versu 153. Sequitur: *quodcumque ostendis mihi sic*: Tragicus igitur ostendit Horatio, qui se spectatorem quidem fingere poterat, sed non *chorum*. Utrum denique *chorus* credat, an respuat incredulus, quid hic ad rem facit? In his autem versibus Horatius docet, quamvis maxima earum rerum, quas ipsi spectamus, vis sit ad animos movendos: tamen saepe utendum esse narratione, cum ob verosimile, tum ob naturam et finem tragoediae. Arist. Poët. XIV. §. 4. οἱ δὲ μὴ τὸ φοβερὸν διὰ τῆς ὕψους, ἀλλὰ τὸ τερατῶδες μόνον παρασκευάζοντες, οὐδὲν τραγῳδίας κοινωνοῦσιν. οὐ γὰρ πᾶσαν δεῖ ζητεῖν ἡδονὴν ἀπὸ τραγῳδίας, ἀλλὰ τὴν οἰκίαν. Ἐπεὶ δὲ τὴν ἀπὸ ἐλέους καὶ φόβου διὰ μιμήσεως δεῖ ἡδονὴν παρασκευάζειν τὸν ποιητὴν. Φανερόν, ὡς τοῦτο ἐν τοῖς πράγμασιν ἐμποιεῖται. Ceterum de nuncio vid. Scholia ad Sophoclis Electram, vers. 1404. et cf. inprimis Lambinus ad h. l.

v. 189. *Neve minor neu sit. cet.* Quemadmodum in Paraphrasi indicavimus, etiam hic docere pergit Horatius, qualem ipse et *populus* fabulam desideret. Ut autem fabula poscatur et spectata reponatur, quinque eam actus habere oportet; non plures neque pauciores. Minime autem *reponi* cum Engelio et Habersfeldio intelligimus eam, quae *facile mente reponi possit*. εὐμνημονεύτην vocat Aristoteles l. c. VII. 10. Nescio enim, an hoc sensu verbum *reponere*, absolute sic scriptum, nusquam inveniatur. Neque etiam idem significant *posci* et *spectata reponi*. Horum enim solemniium in hac re verborum alterum tempore prius, alterum est posterius. Schol. quae vult *reponi spectanda, ut denuo agatur; vult in auctoritatem venire*. Sic etiam Wie-

land. vertit. Significatur igitur fabula, quae antea acta sic placuit, ut populus eam denuo posceret, et quae poscenti populo data, reponitur, redit iterum atque iterum spectanda theatri. Eam igitur fabulam, quae ita placeat, quinque actus habere vult Horatius. Neque obstat, quod Cicero ad Quintum Fratrem I. Ep. I. tertium annum, extremam partem et conclusionem muneris, tertio fabularum actui comparet. Vossius II. Instit. Poët. §. 5. forte inquit, id solum voluit Tullius: velut poetae actus ultimi imprimis habent rationem, sic et anni tertii; ut tibi annus tertius sit, quasi ultimus actus. Sanadon. ad h. l. tertium actum omnino difficillimum putat, cum is vel maxime elucescere debeat, ne spectatoris animus refrigescat; eamque ob rem Ciceronem tertium annum imperii fratris cum hoc potissimum comparasse censet. Quinque actus rei naturam postulare Engel. et Habersfeld. pluribus docuerunt. Idem etiam recte scribunt, Ciceronem cogitasse divisionem Graecorum in Prologum, Epifodiam et Exodum, de qua videndus Aristoteles cap. XII. et ad eum locum Hermannus.

v. 191. *Nec Deus interfit. cet.* Huc pertinent Aristotelis illa XVIII. 8. πολλοὶ δὲ πλέξαντες εἶ, λύουσι κακῶς. et §. 12. φανερόν οὖν ὅτι καὶ τὰς λύσεις τῶν μύθων ἐξ αὐτοῦ δεῖ τοῦ μύθου συμβαίνειν, καὶ μὴ, ὥσπερ ἐν τῇ Μεδείᾳ ἀπὸ μηχανῆς, καὶ ἐν τῇ Ἰλιάδι περὶ τὸν ἀπόπλων. ἀλλὰ μηχανῇ χρησέν ἐπὶ τὰ ἔξω τοῦ δράματος, ἢ ὅσα ὕστερον, ἢ δεῖται προαγορεύσεως καὶ ὡγγελαίας. ἅπαντα γὰρ ἀποδίδομεν τοῖς θεοῖς ὄρεν. Cicero de Nat. Deor. I. 20. *Quod, quia, quemadmodum natura efficere sine aliqua mente possit, non videtis, ut tragici poetae, cum explicare argumenti exitum non possunt, confugitis ad Deum.*

v. 193. *Actoris partes chorus. cet.* Nos in Paraphrasi maxime Lambinum secuti sumus, qui huc etiam citat Horat. I. Sat. 10. 14.

*Et sermone opus est modo tristi, saepe iocoso,
Defendente vicem modo Rhetoris atque poetae.*

Et sic jam ante eum locum hunc explicuerant Grifolus et Badius, licet alii veteres interpretes auctoris legerent, non actoris; et variis modis explicarent. Profecto Lambini interpretationem etiam probare videntur verba Aristotelis cap. XVIII. 21. Καὶ τὸν χορὸν ἓνα δεῖ ὑπολαβεῖν τῶν ὑποκριτῶν καὶ μέρειον εἶναι τοῦ ὅλου, καὶ συναγωνίζεσθαι, μὴ ὥσπερ παρ' Εὐριπίδῃ, ἀλλ' ὥσπερ παρὰ Σοφοκλεῖ· τοῖς δὲ λοιποῖς τὰ διδόμενα οὐ μᾶλλον τοῦ μύθου, ἢ ἄλλης τραγῳδίας ἐστὶ· δι' ὃ ἐμβόλημα ᾄδουσι, πρώτων ᾄξαντος Ἀγάθωνος τοῦ τοιοῦτου· καίτοι τί διαφέρει, ἢ ἐμβόλημα ᾄδειν, ἢ ἔησιν ἐξ ἄλλου εἰς ἄλλο ἀρμύσειν, ἢ ἐπεισέδιδον ὅλον. De chori officiis vid. Voss. II. 6. 5. et Herman. ad Arist. Poët. in comment. de Tragica et Epica Poësi cap. XXX. pag. 279.

Ceterum modo citato Aristotelis loco Nannii et Lambini explicatio: *canere igitur choro inter actum et actum licebit, inter medios actus seu in mediis actibus non licebit*: expresse refutatur. Neque enim magis inter actum et actum canere, quae proposito non conducant et apte haereant, quam in mediis actibus licebit: quo tamen duceret illa interpretatio. Itaque nos Gesnerum, Wielandium, Habersfeldium secuti sumus. Nam licet *medius actus* etiam dici possit *media pars actus*: aequae tamen et *intervallum* inter duos actus *medium* recte sic dicitur: ut etiam ipse Lambinus II. Sat. 3. 10. *medium Ianum* explicat locum inter duos Ianos medium.

V. 212. *Indoctus quid enim saperet. cet.* Hunc et sequentem versum Engel. hinc expellit: ut, qui manifesto cum antecedentibus pugnent. Engel. videlicet, Hurdium secutus, versu 202. et sqq. historiam excultorum sensim apud Romanos scenicarum modorum et musices tradi putabat, quacum opinione certe versus 212. et 213. in concordiam redigi non facile poterant. Sed hoc ipsum opinionem illam suspectam ei facere debuerat, cum contrariam Lambini aliorumque sententiam, non excultae sed depravatae Musices historiam hic tradi, pulcre firment hi versus. Horatius scilicet, expositis prius chori officiis ac munere, choros sui temporis iis non per omnia satisfacere, imo saepe penitus ab iis deflectere significat. Ejus autem rei causam ponit in nimio, nec prudenti choro accinentis musices, non sobriae jam et castae, sed magis magisque in dies lascivientis, studio. Tibia olim tenuis, simplex, et tantum, ut choro adspiraret, sive ob chorum erat. Horatii contra temporibus, ut tibicinem vel citharistam populus audiret, chorus inducebatur, etiam cum nulla alia inducendi causa esset. Ibi tum nihil ad argumentum fabulae pertinens (cf. vs. 194.) sed ad lascivientis tibiae citharaeve modos accommodatum, atque ita saepe turgidum et obscurum insonabat canticum. Hoc igitur culpatur Horatius; simul autem in v. 204. apparatus scenicum, de quo similem censuram egit etiam Epist. ad August. Lib. II. 1. vers 182. sqq. Haec autem omnia scenae vitia recte ipsis Spectatoribus posita imputat. Cum enim spectator indoctus sola quidem ipsius dramatis pulcritudine detineri non posset, eum, cum apparatu scenico, Deorumque ex machinis interventu (vid. Cicero Lib. I. Fam. 7. Phaedr. V. Fab. VII. 7. 23. 24.) tum etiam grandioris tubae sono, vocumque, et modorum flectionibus detinere ii, qui ludos dabant, conati sunt. Quomodo autem moribus mutatis etiam musices modi mutantur, optime docuit Cicero, Lib. II. de legg. 15. ubi, *Civitatum*, inquit, *hoc multarum in Graecia interfuit, antiquum vocum servare modum, quarum mores lapsi ad mollitiem pariter sunt immutati cum cantibus: aut hac dulcedine, corruptelaque depravati, ut quidam putant; aut cum severitas eorum ob alia vitia cecidisset, tum fuit in auribus animisque mutatis etiam huic mutationi locus.* et paulo post de Latinis. *Illa quidem, quae solebant quondam compleri severitate jucunda Livianis et Naevianis modis, nunc, ut eadem exsultent, cervices oculosque pariter cum modorum flectionibus torquent.* Graviter olim ista vindicabat vetus illa Graecia, longe providens, quam sensim perniciēs illapsa civium animos, malis studiis, malisque doctrinis repente totas civitates everteret: si quidem illa severa Lacedaemon nervos jussit, quod plures, quam septem haberet, in Timothei fidibus demi. Sed apud Romanos quidem civium moribus a severitate ad luxuriam corruptis etiam modi facti sunt lasciviores, et quasi caput rei scenicae haberi coepta sunt chori cantica et choragium. Quod, ut nemo sapiens probare poterat, ita nec Horatius probavit. Huc faciunt

*Indoctus quid enim saperet, liberque laborum
Rusticus urbano confusus, turpis honesto.*

huc etiam.

*Et tulit eloquium insolitum facundia praeceps,
Utiliumque sagax rerum et divina futuri
Sortilegis non discrepuit sententia Delphis.*

Quibus significat Auctor etiam poëtas omnino peccasse, qui illam musicae mutationem ipsi secuti essent, eique sua carmina accommodassent: unde factum fuerit, ut et *Μῆτις* facundia, sententiaeque chori nimium fierent sublimes, elatae, turgidae, nec jam muneri suo chorus satisfaceret.

v. 220. *Carmine qui tragico. cet.* Non hic, ut Heinsius voluit, historiam secutus Noster primam fabulae Satyricae originem ad Thespin auctorem refert. vid. Dacier. neque adeo de inventore Tragoediae aut Satyrorum hic agit; sed postquam universe de Choro et accinente ei Musica, paullatim ad favorem populi captandum immutatis, disputaverat; ad eundem illum finem, quod

*Illecebris erat et grata novitate morandus:
Spectator:*

etiam chorum Satyricum ab antiquiore quodam Tragico poëta, sive Thespiis ille sive alius fuerit, inventum Horatius dicit. Traditur autem haec Satyrica fabula peractae Tragoediae a poëtis fuisse subjecta. cf. Vosf. II. institt. Poët. 19. 2. qua propter *mox induxit* in versu 221. videtur significare *statim post peractam Tragoediam in eandem scenam induxit Satyros*, ita ut hi cum nonnullis ex ipsa anteacta Tragoedia remanentibus personis colloquerentur. Hanc certe expositionem confirmant versus 227. sqq.

*Ne quicumque Deus, quicumque adhibebitur Heros,
Regali conspectus in auro nuper et ostro
Migret in obscuras humili sermone tabernas.*

Docet autem hic Horatius, quomodo Satyri commendari debeant. Hi enim, cum inventi essent ad populi favorem captandum, ut huic jam fini satisfacerent, certe illud agere debebant, ut populo variis jocorum illecebris placerent, eique se commendarent; quod, quomodo recte fiat, hic docet Horatius. Acron etiam verbum *commendare* sic explicat, ubi, *omnia*, inquit, *quae dicimus, desideramus placere, ac per hoc commendare videmur auribus auditorum*. Cruquii quoque Scholiastes *insinuare* reddit. Atque haec quidem vocis significatio cum huic loco tam apte conveniat, nescio, cur recentiores interpretes vel simpliciter *introducere* verterint, (vid. Dacier. et Haberfeld.) vel de ejus significatione sollicitè disputaverint. vid. Batteux. Nam et Cicero docens, qua re potissimum *acceptus* orator fiat auditoribus, cupideque ab iis audiatur, *Nulla*, inquit, *re una magis commendatur Orator, quam verborum splendore et copia*. in Bruto cap 59.

v. 231. *Ut festis matrona. cet.* Varie etiam hunc locum explicuerunt interpretes. Acron, *ut matrona*, inquit, *festis diebus iussa saltare cum quadam verecundia moveri jubetur, ita Satyra paululum erubescere debes usurpata auctoritate*. Hic igitur ita videtur intellexisse, quasi poëta ipsam fabulam Satyricam comparet cum matrona; quae saltare iussa diebus festis, verecundiam tamen et auctoritatem servat; adeoque verecundiam etiam Satyros servare poëta jubeat, admixta jocis ipsorum gravitate sive auctoritate Tragoediae. *Intererit*. Acron explicat *miscbitur*. certe *mox*, *ipsa*, inquit, *tragoedia* (notetur hic *tragoedia*: supra *Satyram*, dixerat) *paululum pudibunda debet esse; quae misceatur Satyris*. Addit tamen, ut:

subdubitans: *vel intererit paulum, non paululum pudibunda.* Llandinus, cuius expositio totidem verbis exhibetur in edit. Locheri, ita locum interpretatur. *Cum Tragoedia sit indigna effutire leves versus propter suam gravitatem, et tamen sit aspergenda joco, ut otiosos delectet; imitabitur pudicam matronam, cui, cum saltare necesse in diebus festis sit, saltat illa quidem, sed servato pudore. Sic Tragoedia admittat protervitatem id est lasciviam, sed servato pudore.* Eodem fere modo Luifinus: *ut matrona gravitatem in choreis, sic tragoedia in Satyris tueatur.* Grifolus etiam, Parrhasius et plerique Basileënsis editionis interpretes, Acronem fere secuti, verba *intererit Satyris* reddunt: *erit inter Satyros, miscebitur Satyris.* At vero Lambinus *intererit paulum* jungens, quod item fieri posse Acron notaverat, *id est, inquit, differet aliquantulum a Satyris.* Et cum quidem multi e recentioribus sequuntur. Sed vereor, ut verbum *interesse* tali significatione invenias junctum dativo. Sicepim fere semper est *versari in aliqua re, vel cum aliquo misceri*: quare Forcellinus etiam unum hunc locum affert, quo probet, vocem hanc cum dativo significatione differendi in usu fuisse. Ceterum, cum diversitatem Tragoediae et Satyrorum satis adjecta declarent *pudibunda et protervis*; haud multum ad sententiam faciet, utrum *intererit* interpreteris *differet*, an vero *miscebitur*. Sed quid est in versu 230. *Tragoedia*? Fluctuat Acron. Primo enim Satyram exponit, deinde ipsam Tragoediam. Proprie Lambinus accipit. Casaubonus vero pro *Satyrica fabula* dici putat, de Satyrica Poësi Lib. I. 3. pag. 119. At, num recte haec dicatur *indigna leves versus effutire*, dubito. cf. Haberfeld. Dacier Atellanas fabulas intelligit, quippe graviores. Sed Atellanarum Oscæ personae, non tragicæ, neque Satyricæ erant. Vid. Voss. Instit. Poëtic. II. 35. et, quæ notavit Engel. ad h. v. Haberfeldio *Tragoedia est persona Tragica*, qualis fuit Ulysses in Euripidis Cyclope; Atlas, Sisyphus, Ariadne, in laudatis a Porphyryone fabulis Pomponii; Eurystheus, in Satyrica fabula sui nominis; qualis describitur etiam ab Horatio, v. 227. sqq. citat autem Haberfeld. versum 93. ubi similiter *Comœdia est* pro persona comica. Forsan hoc modo recte constituatur sententia: Poëta cogitare debet, Satyros, si origo spectetur, re vera accessionem esse Tragoediae, nec inductos fuisse, ut gravitatem ejus plane tollerent, sed ut, gravitate incolumi, jocum admiscerent. Caveat igitur, ne, inductis Satyris, nimium Tragoediae derogetur, aut personarum ejus, nuper cum omni pompa spectatarum, prorsus in humiles tabernas sermo migret, tabernarias referat humilitate dictionis ac sententiarum. Imo vero, Satyris inductis, imitetur jam tragoedia (persona tragica) inter Satyros versans, matronam, quæ moveri jussa diebus festis, movetur illa quidem, sed ita, ut pudoris legem servet. Igitur fastum quidem et elatum sermonem, minus illum inter Satyros convenientem (*nubes et inania*) dimittat, leves autem versus, ut se indignos, non admittat. Haec pluribus hic exposuimus, ut ea, quam in Paraphrasi Horatii verbis sententiam tribuimus, confirmaretur. Ad illud autem *moveri* quod attinet, scribit quidem Acron, *matronas in quibusdam sacris v. g. matris Deum, solitas esse saltare*, cui Luifinus assentitur. De Norea festa intelligit privata. Engel. explicat de muliere in publicum prodeunte tantum, non saltante. Sed equidem non video, cur in publicum proderet *pudibunda*. At vero, inquit, *moveri* non semper saltare significat: deinde *matronas* nunquam hoc fecisse, non constat. Putat etiam Haberfeld. hoc difficile esse probatu. Grifolus

folus Lacedaemonias mulieres cogitabat. Hoc certum est *monari* pro saltare Nostrum etiam dixisse II. Epist. 2. 125. de mimo

Nunc Satyrum, nunc agrestem Cyclopa moresur,

et Libro III. Od. VI. 21. de saltatione virginum

Motus doceri gaudet Ionicos

v. 234. *Non ego inornata ac dominantia nomina. est.* Non inornata solum et dominantia nomina sectari in Satyris poeta debet. Quatenus vero haec sint nomina, multum ambigitur. Acron explicat: *quae ornatu carent ac propriam significationem habent, Graeco nupa.* Sic etiam Lucretius: *propria, non translata.* Madiusque citat, qui *communis et vulgaris* interpretatur, eumque non multum a se discrepare dicit. Nam quod forte, inquit, quisquam putaret, rudem atque incompositam prorsus esse debere Satyrorum locutionem, id Horatio non placeat. Sic etiam Grifolus, Parrhasius, Lambinus, Dacier, Gesner. Nec multum ab his diverſi, quippe Madius secuti, Sanadon. et Baxterus. At vero Jafon de Notes *dominantia* exponit *sumida*, quibus domini plerumque utuntur, ut referantur haec ad illa, quae supra dixit *nubes et inania capiet*; *inornata* vero ad *migret in obscuras humili sermone tabernas.* Jafonem sequitur Engel. At Habersfeldius *inornata* fere, ut Acron, accipit, quae non exquisitae sint iuncta, aut tropice posita, verbo non poetica: *dominantia* autem, quae vulgarem usum habeant, dominantur in usu quotidiano. Videtur etiam mihi Noster hoc velle, poetam non inornatum unice et incompositum dicendi modum in Satyris sectari debere, neque tam longe a sermone tragico recedere, ut humili vulgarique semper utatur, siue nobiles Satyros eodem modo loquentes inducat, quo viles utuntur in comoedia personae. cf. Lambinus, qui tamen *dominantia* explicat obscena. Sed de his deinceps agitur in versu 247. cf. Habersfeld. Sunt autem in Satyrica fabula partim Tragicae, siue inductae ex Tragoedia personas, partim vere Satyricae, Silenus, ipsique Satyri siue Fauni. De illis supra Noster egit in versu 225. et sequentibus. Quid vero in ipsorum sermone Satyrorum observandum sit, jam hic docet v. 234. sq. idque porro in v. 236. et sqq. exemplis declarat, ut probet, Satyros non uti debere comico siue plebejo, vulgarique sermone. Deinde v. 244. sqq. docebit, eorum neque politum atque urbanum, neque etiam immundum atque obscenum esse sermonem debere.

v. 240. *Ex noto fictum carmen sequar. est.* Dixerat Horatius, se non inornata solum et dominantia nomina sectaturum in Satyris, neque sic a sermone tragico recesurum, ut plane comicum repraesentaret. Itaque docere ipsum necesse erat, qualem igitur Satyris tributurus sermonem esset. Et hoc jam docere videtur in versu 240. Dicit nimirum; ego, Satyrorum scriptor, omnino noto et vulgari atque dominant sermone utar, sed serie iuncturaque quamvis vulgarium verborum efficiam, ut nova illa et nuper facta videantur, utque de medio sumta vocabula summum apud aequos rerum iudices honorem obtineant, exquisita, ornata, habeantur. Recte autem Heinſius suam ipse reiecit opinionem, qua versus 240. sqq. post versum 130 esse rejiciendos statuerat, ut interservirent declarandis iis

*Rectius Iliacum carmen deducis in actus,
Quam si proferres ignota indictaque primus.*

Etiam primum ea satis declarantur sequentibus

Publica materies privati juris erit, si. cet.

quae, si versibus 240 et sqq. subjiciantur, quomodo inconcinnae repetitionis notam effugiant, equidem non video. cf. Wieland ad h. l. Deinde ibi quidem ubique secunda est persona: *inducis, proferres, moraberis*: hic autem prima in toto hoc loco. *Non ego — amabo: anilar; ex nato fictum carmen sequar.*

v. 253. *Syllaba longa, cet.* Locum hunc, sane difficilem, ita distinxit Bentlejus:

*Syllaba longa brevi subjecta vocatur iāmbus,
Pes citus: unde etiam Trimetris accrescere iussit
Nomen iāmbis, cum senos redderet ictus
Primus ad extremum similis sibi:*

distinctionem igitur post ictus, qua voce plerique absolvi sententiam putarant, omnino sustrulit; minus probante Habersfeldio, qui punctum adeo posuit post ictus: dissentiente etiam Wielandio, qui post *iāmbis* interpunxit, ut *cum senos redderet ictus* novae esset initium sententiae. Attamen erant forte, quibus Bentlejana distinctio vel ideo probabilior videatur, quia sic expositione vulgari, *iāmbi vocati sunt trimetri ob celeritatem* (Vid. Acron, Porphyrius, Lambinus) quod periti rei metricae, cujus et Bentlejus peritissimus fuit, merito in dubium vocent, minus jam indigeamus: cum haec potius poetae mens sit. Pes trium temporum, in quo longa syllaba brevi subjecta est, iāmbus vocatur, qui pes citus est, unde *cum senos redderet ictus primus ad extremum similis sibi*, cum versus esset iāmbicus Senarius purus, nimiae ad tragoediam celeritatis, hanc ut temperare poetae possent, pro senario versu Trimeterum fecerunt, per *quadriduum* metientes. Ita demum ausi sunt inferere spondeos: Non multum ab hac diversa est explicatio Landini. *Ordo est, inquit, pes citus et velox, commodus et patiens, quasi dicat, idcirco patiens admittere spondeum, quia commodiorem faceret versum*, (parum hoc probabiliter) *recepit stabiles spondeos in iura paterna; unde, id est propter hoc, iussit accrescere nomen iāmbis, quia non trimetri, id est ternarii amplius, sed senarii* (Forte voluit: quia non senarii amplius, sed Trimetri) *appellati sunt, ut veniret paullo tardior et gravior ad aures propter admixtos spondeos. Sed pridem non erat, scilicet tardior, quia ipse iāmbus similis sibi reddebat sonos.* Itaque e Bentleji distinctione ratio, cur spondeo in iāmbicis versibus locus sit, posita est in illa dimensione per *quadriduum*, quod nescio an rei metricae peritis viris verum videri possit. Etenim cum primae in versu iāmbico syllabae nulla fere ratio sit habenda; aut certe illa ad proxime sequentem ordinem trochaicum, cujusmodi tres sunt in iāmbico trimetro, pertineat, non tam in iāmbicorum versuum locis imparibus, quod tantum verum est, si per singulos pedes dimetiaris, quam univere in posteriori pede ordinis trochaici ejusque spondeus admittitur. Ratio autem, cur ibi inferere potuerint spondeos, est, quod versus per ordines trochaicos, non per singulos lecti pedes, trimetri quidem tria metra sive tres ordines habebant, quorum singulorum pes posterior spondeus aequae ac trochaicus esse poterat. Ultimum enim temporis in unoquoque ordine spatium breve aut longum esse potest, sive minus exacte definitum est. Et ne forte quis objiciat, hoc tantum verum esse, si nihil amplius in serie sequatur hoc est absolute versu, cum omnes versus series sint ordinum; Musicos respiciamus, qui ipsi, modos cum

faciunt licet maxime metri terminis inclusi, tamen spatium temporis in fine certorum ordinum, licet hos novi statim ordines sint, excepturi, cuique vel producere, vel corripere volenti liberum et indefinitum relinquunt. *Points d'orgue* vocant. Quidni igitur et in versibus tali potestate uti liceat? Est quidem haec magis circumscripta in versibus, si vel a simili, vel dissimili ordine praecedens excipiat, quam si a nullo alio in eadem serie: est tamen aliqua. Scilicet ultimam cujusque versus syllabam ancipitem sive communem nulli non poëtae habuerunt, ultimam vero cujusque ordinis syllabam pro brevi longam facere soli ausi sunt dramatici poëtae. Neque sine ratione illud. vid. Horat. v. 255. Terentian. Maurus ap. Putsch. p. 2433. cf. porro Bentlejus de metris Terentianis: Herman. de metris Lib. I. 8. 10. 12. Sufficiant enim haec ad indicandum, illam, quam, secundum Bentleji lectionem, Horatii verbis tribuas sententiam, rei naturae minime repugnare. Nam ob iambi celeritatem, versus iambicus admisceri postulabat (*jubebat*) spondeos; spondei accedere non poterant nisi pro senario trimeter versus esset factus; ergo quodammodo ob celeritatem iambi, versus Senarii facti sunt et appellati *Trimetri*. Sed cum doctrinam illam de ordinibus in versu iambico trochaicis minus perspectam veteres habuerint, vereor, ne propius ad Horatii mentem Acronis explicatio accedat. *Quaeritur cur Trimetri appellentur, cum senos accipiant pedes. Quoniam tanta est brevis eorum, ut junctura pedes binos accipiant.* Sed certe est *primus ad extremum similis sibi a principio ad finem sibi similis*; non ut Acron voluit: *primus iambus aliquando ad extremum similis erat sibi: nunc autem non.*

v. 260. *In scenam misfos. cet.* Marcilius, Bentlejus, eosque secuti Dacier. ac Sanadon. versu 260. novam sententiam incipere et *misfos* scribendum existimant: verum, mutata distinctione et hoc versu cum praecedenti juncto, rem mihi satis expedivisse videntur Nannius, Heinsius, et qui simili modo explicuit, Lambinus. cf. porro Engel. et Haberfeld. in Antiq. edit. Locheri etiam *misfos* legitur.

v. 270. *At vestri proavi Plautinos. cet.* Hoc judicium de Plauto artisime cum praecedentibus conjunctum esse videtur, ita quidem ut, cum, mentione facta Sarrorum, neminem quidem honestiorem Romanum inurbanos et obscenos jocos ferre, sed tantum paucos immodulatis versibus offendi dixisset; in utroque peccasse Plautum doceat. Hoc igitur Horatii in reprehendendo Plauto propositum fuisse videtur, ut indicaret, hunc ferendum esse, non laudandum, quoniam nondum satis exculi erant ejus versus atque joci. Cicero, ut semper Romanis suis favebat, ita et Plauti jocos laudat I. de Off. 29. quamvis vix convenient cum iis, quae ipse Cicero requirit, ut sit focus liberalis et urbanus. Horatius vero Graecos praefert, utque eos potius, quam nondum expolitos veteres Latinorum poëtas, probent ac sequantur, nominatim quidem hic Pisonibus, simul vero omnibus sui temporis elegantioribus hominibus auctor est. Lambinus autem in versu 294 recte, ut videtur, *praefectum* legit, non *perfectum*. vid. omnino Bentlejus et Haberfeld. cf. etiam A. Gellius XVII. 10.

v. 317. *Respicere exemplar vitae. cet.* Gesner. Jasonem de Nores secutus *exemplar illud vitae morumque* Philosophiam exponit moralem; Lucretius et Grifolus eximiam quamdam vitae morumque ideam, quam Platonicis similem nobis informemus. Fateor equidem, absolute si spectetur, *exemplar vitae* rectius dici talem ideam, atque Philosophiam, ad cujus normam vita instituitur, quam ipsam vitam communem, cujus res et mores fabularum scriptor exprimat, quo sensu diligentior observatio sermonis magis scribi posceret *exemplar vitam moresque*, quemadmodum Horat. Epist. Lib. I. 2. 18.

Utile proposuit nobis exemplar Ulixen.

nec non Cic. in Timaeo 2. *Si is, qui aliquod munus efficere molitur, eam speciem, quae semper est eadem, intuebitur, atque eam sibi proponet exemplar.* Solent igitur accuratius scribentes rem, ad cuius imitationem altera res effingi debeat, per appositionem voci *exemplar* subdere, sequente genitivo ejus rei, quae ad alterius imitationem formetur. Verum et nonnumquam minus proprie *exemplar antiquitatis, vitae, religionis* ipsam dicunt *antiquitatem, vitam, religionem*, quam quis imitando exprimat. Plinius Lib. V. Ep. 15. *Cornuto quid melius, quid sanctius, quid in omni genere ad exemplar antiquitatis expressius.* Apud Horatium vero quominus *exemplar vitae* Philosophiam exponamus, vetat supra jam de illa traditum praeceptum:

Rem tibi Socraticae poterunt ostendere chartae. cet.

ne bis idem dixisse Noster videatur. imo *doctum* imitatore in versu 318. a Philosophis eruditum dicit. cf. Wieland. et Haberf. eum vero respicere jubet *exemplar vitae* et *vivas* inde voces ducere; itaque non respicere jubet Philosophiam, sed communem vitam, quam fabularum scriptor vel imprimis imitari studeat. Schol. Hermogen. p. 38. de Menandro:

ὁ Μένανδρος καὶ βίη

Πότερος ἀπ' ὑμῶν πότερον ἀπεμιμήσατο:

cum autem ex illo exemplari *veras*, vel, ut Bentlejus et Cruquius in omnibus fere scriptis legi testantur, *vivas* voces, *doctum* imitatore ducere poeta jubeat, quomodo vel *verae* vel adeo *vivae* essent voces illae, quas a perfecta quadam vitae formâ sive idea, menti ipsius observata, non ex vera hominum vita duxisset? Nam Aristotelis quidem effatum *μίμησις ἐστὶν ἡ τραγῳδία βελτιόνων*, quo abutitur ad h. l. Grifolus, nihil probat, nisi hoc, poetam ad observationem vitae morumque etiam adjungere philosophiam debere, ut quemadmodum boni pictores *ἀποδίδοντες τὴν αἰκίαν μορφήν, ὁμοίους ποιῶντες καλλίους γράφουσιν*, sic et ipse personas suas, veris quidem similes, aliquantò tamen veris pulciores exhibeat. Hoc ut possit facere, prius ipse philosophiam assumsisse magistrâ debet.

Qui didicit patriae quid debeat. cet.

sed profecto veris similes personas non faciet, qui pro vita communi, potius fictas formas, nescio quas, et ideas Platonicas respexerit. cf. Parthasius et Dacier. ad h. l.

v. 319. *Interdum speciosa locis. cet.* Hic tantum praestantiam rerum et morum in fabulis prae elocutione et ornamentis Hor. indicat. Democriti ille poeta, luxuriante praeditus ingenio, forsitan ex venâ divite verba proferet elatiora, versus numerosos magis et canoros; res autem et mores bene et secundum veritatem exprimere non poterit. At vero sapiens, et philosophorum institutione eruditus poeta, quamvis forte minus elatis atque ornatis verbis, res tamen et sententias proferet egregias, mores eximie repraesentabit. Supra dixerat Horatius

Scribendi recte sapere est et principium et fons.

Hoc jam ut lectori probet: Nonne saepe, inquit, fieri videmus, ut speciosa rebus ac sententiis,

mores etiam scite exprimens fabula, qualis, nisi a sapiente homine scribi non potest, ceterum nullo verborum pondere, nulla numerorum arte commendata, populum valdus oblectat, meliusque detineat, quam fabula, ornatam quidem dictionem habens, cetera autem non habens. Hinc etiam factum esse docet Haberfeld., ut Romani tamdiu fabulis Ennii, Pacuvii, Plauti, aliorumque veterum poetarum, qui res a sapientissimis Graecorum poetis mutuari suo sermone, rudi isto atque incondito, reddiderant, haud exiguum in modum caperentur. Minima autem, quod recte Lambinus observavit, ad doctrinam haec Aristotelis pertinent, qui Cap. VI. 16. *μῦθον καὶ σύγκειν πραγματικόν, τῷ λόγῳ, et ἔλαττον* praestantiora dicit. Comparat Horatius dictionem cum moribus et rebus a Philosophia desumptis, non mores et dictionem cum constitutione fabulae. Recte etiam Lambinus eorum improbat sententiam, qui, ut Jason de Nores et postea Nannius v. 319. pro *locis* legere malint *jocis*, in quos et Grifolum jam inductum video. Docuit etiam Dacier. *jocis* perturbare sententiam, quia sequitur *fabula nullius veneris*, qua certe *jocis speciosa* non careret.

v. 338. *Ficta voluptatis causa. cet.* Scribit quidem Auctor Rhetoricorum ad Herennium Lib. I. 8. *fabulam esse, quae neque veras, neque verosimiles contineat res, ut haec, quae tragoediis traditae sunt.* Verum ita loquitur, quia tragoediarum fabulae plerisque spectatoribus verosimiles videri non possunt, et sapientium iudicio prorsus sunt absurdae et incredibiles, ut ait Vossius Instit. Poët. Lib. I. 2. 13. Qua significatione eum *verosimile* dixisse manifestum est ex sequenti definitione *argumenti*, quod dicit *fictam esse rem, quae tamen fieri potuerit, ut argumenta comoediarum*: nam cum haec res contineant ex communi vita desumptas, nullus umquam spectatorum, quin fieri potuerint, dubitat, cum quotidie similia fieri cernat. Tandem non requirit Horatius, ut haec omnino vera, sed ut proxima sint veris, ut aliquo modo fieri potuerint. Ex Lamiae autem alvo devoratum extrahi puerulum, et nimis absurdum, quam ut fidem inveniret, et praeterea foedum spectaculum erat.

v. 349. *Poscentique gravem. cet.* Haec Engel. intelligit de ipsa chorda non recte tensa; Dacier. etiam de manu non recte arripiente, quae posterior, uti jam olim Jasoni de Nores, ita nobis quoque verior expositio videtur; cum, ut aptior h. l. comparatio fiat, tum ut huic versui versus 356. magis respondeat. Porro *acutum* recte Haberfeld. exponit *severum*, ut respexerit Horatius ad sonos *molles* et *duros*, sicut hodie vocantur, quos cum permutare maximum sit peccatum, facile tamen id admitti potest in cithara similive instrumento musico, vel a cogitante et prudente. Praeclare haec expedit Jason de Nores loco supra citato. Si, inquit, *chordam ultra aut citra, quam deceat, pertingat Citharoedus, minime conficiet eum sonum, quem requireret: nam si superius, quam convenies, chordam tetigerit, graviolem, si inferius, acutiorem sonum remittet.*

v. 357. *Sic mihi, qui multum cessat. cet.* Ut, qui in paucis et incogitans errat, facile veniam invenit poeta: vid Voss. Instit. poeta. Lib. I. cap. 3. §. 3. 4.: sic, qui in multis et saepius propter ignorantiam delinquit, quia bonum a pravo distinguere nescit, non solum venia dignus haud censetur, verum etiam, si forte boni quid praestiterit, risum excitat. *διὰ τὸ ἀποοδύνατον*, ut Horatio Choerilus excitabat. Versu 358. legendum esse *terre* non *terque* docuit Bentlejus. Hoc enim est *saepius*, quod non ita sententiae convenire videtur. *Terre* etiam Acron legerat: reddit enim: *si unum aut duas versus bene dixerit. Horatium in iudicio de Choerilo memoria lapsum putant Vossius de Hist. Graecis. IV. 71.*

et Simfon. in Chronico ad A. M. 3601. Sed Horatium defendit D. Heinſius in ea parte libri de Satyra Horatiana, in qua de Horatii critica agit. p. 167. edit. Oper. Hor. Lugd. Batav. A. 1612, in 8vo. Hic autem duos fuiſſe Choerilos offendit, quorum alter ſub Archelao ſatis ille probabilis poëta, alter ſub Alexandro vixerit, ineptus auctor; cujus mentionem etiam Plutarchus facit in vita Alexandri. cf. porro Haberfeld. ad Epist. Lib. II. 1. 233.

Tandem Horatius picturae (tabulae pictae) exemplo, quod fuſe explicat Hurdius, nequaquam in omnibus operibus eandem perfectionem requiri docet, modo poëta illud efficiat, quod ſibi propoſuit. In Mimo verba ad ſummam caveam ſpectantia, joci turpes et obſceni, parum commode quaeritus exitus (v. Senec. de Tranquill. Animi c. XI. Ovid. Trist. II. 497. Cicero pro Coelio c. 27.) ad Terentii fabularum elegantiam, urbanitatem, ſcitam oeconomiam, exigi non debent. In verſibus ad alicuius hominis vel rei tempus accommodatis profecto ſatis haberi debet, eo ſi tempore placuerint: et ſic porro. cf. Haberfeld. ad h. l.

v. 385. *Tu nihil invita diſces. cet.* Ex Cicerone de Off. I. 31. *invitam Minervam* recentiores intellexerunt *adverſantem et repugnantem naturam*. Verum quod ibi Cicero ſic reddidit, non probat, ſemper *Minervam* pro ingenio et natura ſumi; imo contrarium apparet ex Horat. Lib. II. Sat. 2. 3.

Rusticus, ahnormis ſapiens, crasſaque Minerva.

ipſoque Cicerone de Amicitia 5. *Nagabunt, id, niſi ſapienti, poſſe concedi. Agamus igitur* pingui Minervae, *ut ajunt.* Acron et Badius hoc loco ipſam ſapientiam ſignificari putant. Grifolus nihil, inquit, *de vi naturae, nihil de ingenio nunc agitur, niſi quod ipſum per ſe parum valet et indiget artis auxilio, ſine qua poëta bonus eſſe nemo poſſeſt: quare Minerva hic pro arte et industria poſita eſt.* Harum etiam inventricem et praefidem eſſe deinde probat. et paulo poſt, *cum*, inquit, *ingenium debile ſit, quod non adjuvetur arte et alatur industria, conatur Horatius ad ſtudia et laborem poëtas Romanos incitare.* Sic etiam de Noreſ. Lambinus, poſtquam verba Ciceronis ex Lib. de Off. citaverat; *Sed hujus*, inquit, *haec ſententia eſt. Non dubito equidem, quin tu nihil ſis dicturus aut factururus invita Minerva, id eſt, ego te quidem ſcio omnia apte, decore, venuſte, docte, ſapienter dicturum ac facturum, novi enim judicium tuum, novi mentem et prudentiam tuam. cet.* et certe dixerat Horatius: *Ludere qui neſcit: eſt autem neſcire ignorantiae, non virium defectus: neque indoctum pilae eum vocaverit, qui pilam tollere aut mittere non poterat praependere, ſed qui recte mittere propter artis ignorantiam.*

v. 411. *Altera poſcit opem res. cet.* Naturam cum doctrina conjungendam eſſe praecclare etiam docet Plato in Phaedro edit. Bipont. Tom. X. pag. 369. τὸ μὲν δύνασθαι, ὡ φαίδρε, ὥς τε ἀγωνιστὴν τέλει γενέσθαι, εἰκὸς, ἴσως δὲ καὶ ἀναγκαῖον ἔχειν, ὥς περ τᾶλλα. εἰ μὲντοι ὑπάρχει φύσει ἱστορικῇ εἶναι, ἔσθ' ἢ τῶν ἐλλόγιμος, προσλαβὼν ἐπισημὴν τε καὶ μελέτην. ὅτου δ' ἐν ἑλλείψει τούτων, ταύτην ἀτελὲς ἔσθ'.

v. 416. *Num ſatis eſt dixiſſe. cet.* Num pro nunc in Vet. Cod. inventum a Regelsbergero, ſicut antea Haberfeld. in textum recipiendum etiam nos cenſuimus. Vulgatum quidem nunc haud injuria a Bentlejo improbatum, quod nulla hic temporum, ſed ſtudiorum duntaxat oppoſitio ſit, unde ipſe nec legebat, tuiti ſunt Dacier. et Engel, qui verba illa *nunc ſatis eſt dixiſſe* inepto illi poëtae tribuunt, ut hic Horatio reſpondens dicat, quid ego artem faciendorum verſuum addiſcerem? *Nunc* (hoc tempore, hodie) ſatis eſt dixiſſe. cet. Sed ſic

filum orationis abruptum; cujus prima continetur pars a versu 412—415. quibus probat Horatius in ceteris omnibus artibus opus esse studio ac labore; altera autem pars initium facere debet a versu 416, quo concludat Horatius, igitur etiam ad poësin iis opus esse. At Dacierium et Engeliū si sequaris, haec quidem pars posterior tota desiderabitur. Nexum praeclare vidit Bentlejus: *in nulla*, inquit, *arte sine labore et studio nomen nancisceris: nemo aut cursu aut cantu palmam sibi spondere audet sine legitima exercitatione. NEC in poësi satis est dixisse* cf. Lib. II. Epist. I. v. 114. Sed, ut recte animadvertit Habersfeld. *num* et vehementius stringit, quam *nec*, et magis etiam est poëticum. Facile autem in *nunc* et *non* mutari potuit.

Quae in v. 418. leguntur, Jafon de Nores aliique item homini illi tam stulte loquenti verba tribuunt, quasi diceret: ego faterer, me nescire hanc solam ob causam, quia non didici! Nannius hoc quoque, sicut antecedens, *occupet extremum scabies*, a pueris desumptum putat, cum etiam pueri hac ambitione plerumque laborent, ut, quae ignorant, simulent se scire, ne non videatur ingenium omnibus modis instructum. At sic illud *sane*, (quod equidem cum *fateri* non cum *nescire* jungam) mirifice friget. eleganter autem inservit ironiae, si cum Wielandio et Habersfeldio in versu 418, verba esse dicas ab interpellante Horatio orationi inepti illius poëtae, per figuram Comici, Aristophani inprimis (vid. in Ranis v. 1239 sqq.) familiarem, contra mentem ipsius loquentis subjecta.

v. 434. Wieland. hic credidit respici, ad nobile illud convivium, quo L. Calp. Piso praef. Urbis ab Augusto, uti et postea a Tiberio, vino fuit tentatus. Vid Senec. Ep. 83. At Horatius certe *Regum* nomine Augustum non denotasset. vid. quae notant interpretes ad v. 65. hujus Epist. Itaque vel in universum principes hic dicuntur *Reges*, vel alii quidam quam Augustus indicantur. Sanadon. *Reges* hic cogitabat *Perficos*. Bene fortasse: sed qua tandem auctoritate?

v. 441. *Et male formatos. cet.* Probant hoc Guet. Menage, Coste, Cuningham. Sanadon. Engel. Videntur etiam veteres commentatores et Sidonius Apollinaris ita legisse. cf. Bentlejus ad h. l. p. 704. Vulgatum vero *tornatos*, quamvis jam Lambino minus probatum, retinuerunt Dacier. Baxter. Gesner. Wieland. et Habersfeld. quorum hic plane, ut olim Landinus metaphorice, nulla ratione habita ejus, quod vox proprie significet, sed prorsus ac si *rotundos* vel *politos* Horatius dixisset, accipiendum putat, quod tamen ob illud adjectum *male* et totam loci sententiam minus verum puto. Possunt omnino male politi versus expoliri, sed eos quidem, de quibus hic agitur, *delere* Quinctilius jubebat. malim dicere *tornatos* idem esse ac *formatos*, factos, fabricatos, nec argutandum ex propria vocis significatione, cum Horatius etiam Lib. I. Od. XXVII. v. 19. dixerit:

Quanta laboras in Charybdi:

Digne puer meliore flamma!

Certe potius poëtam ita paullo negligentius scripsisse, quam cum Bentlejo legendum esse *ter natos* putem, quod ne ipsum quidem, ut recte observat Cuningham. in Animadvers. Cap. XII. in f. Quinctiliani praecepto Inst. Orat. VIII. 6. *ut in quo genere coeperis translationis, in eodem definas*, omnibus numeris satisfacit, cum re vera *nati* (ex ingenio versus) non magis reddi incudi possint, quam *tornati*. Sed quidni *formatos* probemus, cum ob causas supra dictas, tum quia minimum difficultatis habet? quod enim *male formatum est*, illud incudi redditur, ut formam penitus amittat, denuo efformetur. cf. Cuningham. et Engel. ad h. l.

CAPUT TERTIUM,

CONJECTURAM ADFERENS DE TEMPORE, QUO; AC DE IIS, AD QUOS
SCRIPTA HAEC EPISTOLA.

Recte Masſonius in vita Q. Horatii Flacci, chronologico ordine digesta, ad A. U. C. 730. *Probabile est*, inquit, *Quinctilium Virgilio defunctum* (vid. Horat. Carm. Lib. I. Od. XXIX) *eundem esse, ac quem noster memorat, de A. P. v. 439.*

*Quinctilio si quid recitares: corrige sodes
Hoc, agebat, et hoc; melius te posse negares,
Bis terque expertum frustra delere jubebat.*

Ubi haud obscure indicat, eum jam mortuum fuisse, cum noster hanc concinnaret artem, quae proinde ad sequentia tempora pertinet, quamquam verus nos fugiat annus. Masſoni conjecturam, Quinctilium Virgilio amicum eundem esse, ac quem noster memorat in eitt. versf. egregie firmat Acron ad h. l. ubi, *Hic*, inquit, *Quinctilius erat Varus, poeta Cremonensis, amicus Virgilii.* Iisdem fere verbis Porphyrio. Quod autem Horatius ait *recitares, agebat, jubebat*, profecto memorari hominem indicat, eo tempore, quo haec scriberet, jam mortuum. Scripta igitur haec Epistola post mortem Quinctilii; neque tamen diu post eam; quod primum ex ipsa Vari mentione colligas. Cur enim ipsum potius mortuum, quam quos Sermon. I. Sat. X. v. 81. sqq. candidos poematum judices, quemque hac Epistola v. 386. laudat, Maecium, vivos cum maxime, d. l. Noster memorasset, nisi recens adhuc excellentium ejus virtutum memoria gratam inprimis mentionem illam ut Horatio, sic lectoribus ejus fecisset? Porro cum Quinctilii mors, teste Hieronymo in Chronico ad Olympiad. CLXXXIX, in annum inciderit U. C. 730. non diu post illum annum scriptum opus de Arte Poetica memoratus ibi in v. 387. Maecius evincit, de quo Porphyrio: *Maecius perdiligens carminum fuit aestimator.* Schol. Cruquii: *Spurius Metius Tarpa iis temporibus criticus summus fuit, doctus et sincerus auditor carminum aestimatorque:* idem igitur, cujus etiam meminit Horatius L. Sat. X. 38.

Quae nec in aede sonent certantia iudice Tarpa.

Ubi idem Cruquii Schol. *Metius Tarpa fuit iudex criticus, auditor assiduus poematum et poetarum in aede Apollinis sive Musarum, quo convenire poetae solebant suaeque poemata recitare, quae nisi a Tarpa, aut alio critico, qui numero erant quinque, probarentur, in scenam non deferbantur.* Non diversus igitur hic Maecius ab eo, quem Cicero memorat Epp. ad Div. VII. 1. *Reliquas vero partes diei tu consumebas his delectationibus, quas tibi ipse ad arbitrium tuum compararas; nobis autem erant ea perpetienda, quae scilicet Sp. Maecius probavisset.* Illum enim carminum iudicem primum Pompejus, ut videtur, constituerat, car-

pente ibi Cicerone ludos Pompeji, Consulis II. A. U. C. 699. vid. Manut. ad Ciceron. et Lambin. ad h. l. Eundem a Cicerone d. l. et Horatio A. P. vs. 987. memorari agnoscit etiam Bentlejus ad d. vers. Addit tamen: *Quod si ita est, oportet, ut Maecius hic non verus et vivus, sed figurate quis alius legitimus et peritus iudex accipiatur. Quippe scripta est Epistola illa Ciceronis quadraginta prius annis, quam Ars haec Poëtica.* Sanè si Maecium, ludos celebrante Pompejo, annos minimum quinque et triginta natum fuisse, neque enim is juniorem facile virum carminum iudicem constituisset, Artem Poëticam vero A. U. C. 739. ab Horatio scriptam statuamus; dicto versu *Maecium* potius figurate quemvis alium legitimum ac peritum carminum iudicem (qua ratione patroni, *Maecenates*; periti navium gubernatores, *Palinuri* appellantur) quam verum vivumque Maecium significari, facile Bentlejo largiamur. Nam anno U. C. 739. si vel maxime superstes adhuc fuerit Maecius, certe tamen senem eum decrepitum fuisse annorum inita ratio declarat. Atqui de tali sene nunquam Horat. dixisset: *Si quid tamen olim* (post longum aliquod temporis intervallum)

Scripseris: in Maeci descendat iudicis aures.

Verum durius certe noster in eadem phrasi *in Maeci iudicis aures* figurate: *et patris et nostras* non figurate dixerit. Deinde orta ex annorum ratione difficultas statim minuitur, si opus hoc de A. P. prius, quam Bentlejus putabat, paulo post mortem Quinctilii, sive A. U. C. 730 scriptum statuamus. Potuit enim senex nondum septuagenarius omnino ut peritus carminum iudex commendari. cf. et laud. supra I. Sat. X. vs. 38.

Denique concinnatum hoc opus haud ita multo post A. U. C. 730., certe aliquot annis ante A. U. C. 739 probat in A. P. versu 55. Virgili ut cum maxime vivi et florentis mentio. Illum enim et Varius, ut praestantissimos sui temporis poëtas antiquioris saeculi scriptoribus Plauto atque Caecilio opponit.

Quid autem

Caecilio Plautoque dabit Romanus ademptum

Virgilio Varioque? Ego cur adquirere pauca. cet.

Atqui mortuus est Virgilius A. U. C. 735. vid. Hieronym. in Chron. ad Olymp. CXC. Sequitur inde scriptum esse opus de Arte Poëtica sicuti post mortem Quinctilii, quae A. U. C. 730. incidit, ita ante A. U. C. 735. vel certe ante mortem Virgilli, quam in ejus anni diem X. Kal. Octobris incidisse auctor est Donatus in vita Virgilii.

Verum quo compositi tempus operis etiam accuratius definiamus, porro inquirendum in eos, quibus illud Horatius inscripsit. Hi in versibus 6. et 235. vocantur *Pisones*, in versu 292. *Pompilius sanguis*, ubi Schol. Cruquii: *ab ipso enim*, inquit, *Numa Pompilio originem trahebant: Calpus enim filius Numae, a quo Calpurnii Pisones*, cf. Acron et Porphyrius. Porro versus 24. et 366. *patrem ac duo filios* indicant, quorum certe major studium jam factitandorum versuum promeret. Quaerendum igitur, quinam eo tempore (ab A. 730—735) ex Calpurnia gente Romae fuerint Pisones, in quos, familiares Horatii, illa etiam quadrent omnia, quae de Pisonibus in hoc opere Noster prodidit.

In censum igitur veniant:

I. CN. CALPURNIUS PISO, Cof. fuffectus Murenæ, collega Augusto XI. A. U. C. 731. vid. Dio Caf. LIII. 30. Est de hoc Pifone claficus locus Taciti Annal. II. c. 43. ubi delatam ejus filio Syriam provinciam narrat. „ Tiberius demoverat Syria Creticum Silanum, „ per adfinitatem connexum Germanico, quia Silani filia Neroni, vetustifimo liberorum „ ejus, pacta erat: praefereratque Cn. Pifonem, ingenio violentum et obfequii ignarum, in- „ futa ferocia a patre *Pifone*, qui, *civili bello, refurgentes in Africa partes acerrimo mi-* „ *nifterio adversus Caefarem juvit*: (vid. Hirt. de bello Afric. 4. 18.) *mox Brutum et* „ *Cafsum fecutus; concesso reditu, petitione honorum abftinuit, donec ultra ambiretur, de-* „ *latum ab Augusto confulatam accipere.*”

II. L. CALPURNIUS PISO L. F. L. N., de quo Tacitus VI. Ann. 10. *Per idem tempus*, inquit (A. U. C. 785.) *L. Pifo Pontifex, rarum in tanta claritudine, fato obiit; nullius fervilis fententiae fponde auctor, et quotiens neceffitas ingrueret, fapienter moderans. Patrem ei Cenforium fuiſſe memoravi*: (fuit is L. Calp. Pifo L. F. Caefaris Dictatoris focer, Cenfor ipſe A. U. C. 704. vid. Lipf. ad Tacit.) *aetas ad octogefimum annum procesſit: decus triumphale in Thracia meruerat*: (vid. Vellej. Patere. II. 98. Seneca Ep. LXXXIII. Florus IV. 12. 17.) *ſed praecipua ex eo gloria, quod Praefectus urbis recens continuam poteſtatem, et inſolentia parendi gravioſam, mire temperavit.* Confuſ fuerat cum Druſo A. U. C. 739. vid. Dio Caf. LV. c. 21. Apud Tacit. I. cit. etiam *Pontifex* appellatur; quod Muretus, Lipſius, Erneſtius, alii, errorem ex notis eſſe credunt, ſcribendumque P. V. *praefectus Urbis*. Verum et *L. Calpurnius Pifo Pontifex*, aequalis Tiberii, memoratur in inſcr. frat. Arval. apud Muratorium, p. 584. et, quod magis me movet, alius fuit, iisdem temporibus, *L. Calpurnius Pifo Augur*, Cof. A. U. C. 753. vid. Gruter. in Corp. inſcript. p. CVII. n. 1. et 2. et p. CLXVI. n. 3. ubi diſerte ſcriptum eſt *Cof. Cornelio Lentulo, L. Piſone Augure Caf.* Duo Q. Q. Scaevolae, claros Cicerone juvene juris civilis ſcientia viros, eodem modo a ſe invicem diſtinctos, cum alter *Pontifex* alter *Augur* diceretur, ſatis omnibus nota res eſt. Similiter cum duo eſſent Auguſti aetate Cnei Lentuli, quorum hic A. U. C. 736. confulatam geſſit, ille A. U. C. 740. alter ex his, diſtinguendi cauſa, *Cn. Lentulus Augur* appellatus eſt. vid. Seneca de Benef. II. c. 26.

III. CN. CALPURNIUS PISO, CNEI ſupra primo loco memorati FILIUS, celebratus ille inimicitia Germanici, quem et veneno ſuſtuliffe creditus ideoque apud ſenatum reus mortem ſibi ipſe conſcivit A. U. C. 773. fenex jam, ut patet ex ipſius codicillis, quos, ad Tiberium Imp. datos, recitat Tacitus III. Annal. c. 16. Horum enim in fine ſcriptum: *Per quinque et quadraginta annorum obſequium, per collegium Confuſatus quondam D. Auguſto, parenti tuo, probatus, et tibi amicus, nec quidquam poſthaec rogaturus, ſalutem infelicis filii rogo.* Patet igitur, obſequium eum praestare Auguſto coepiſſe anno jam U. C. 728. Ipſe Imp. Tiberius apud Tacit. III. 12. eum *patris ſui legatum atque amicum fuiſſe* teſtatur. Legatum Auguſto in Hispania fuiſſe Lipſius collegit ex ſqq. ubi accuſatores illi, inter vetera crimina, *ambitioſe avareque habitam Hispaniam objeciſſe* dicuntur, d. I.; c. 13. Forte Auguſtum ſecutus in Cantabricam expeditionem A. U. C. 729. cujus comes etiam Tiberius fuit (vid.

Dio Casf. LIII. 26) postea notae sibi provinciae praefectus est. Videtur tamen cum Augusto ex Hispania rediisse A. U. C. 730. (vid. Vellej. Paterc. II. 90.) ut in urbe fuerit A. U. C. 731. Cosf. patre ipsius et Augusto XI. cumque illo anno factum esse scribat Dio LIII. 33. ut Aedili cuidam Plebis mortuo sufficeretur jam ante Curuli Aedilitate functus, C. quidam Calpurnius, forte non injuria suspicetur aliquis, hunc ipsum significari Cn. Calpurnium, Cn. filium, Pisonem, quod nullus hoc tempore alias, quam apud Dionem dicto loco, C. Calpurnius memoretur, facile autem errore librariorum Γαίος. in Γαίος mutari potuerit; cujus adeo erroris etiam Libro LV. c. 8. exemplum exstat. certe Cosf. postea Cn. non C. Calpurnius Piso fuit cum Tiberio A. U. C. 747. vid. Dio Cassius l. cit. collato Tacito. Quod vero ex codicillorum verbis: *Per collegium Consulatus, quondam D. Augusto parenti tuo probatus, et tibi amicus*: Lipsius et Ernestius colligunt, etiam Augusti collegam in consulatu Cn. Calp. Pisonem, Cn. filium, fuisse, illud vereor ut ex iis verbis possit effici; imo contrarium verum videtur ex eo, quod Imp. Tiberius apud Tacit. III. 12. ubi Cn. Pisonis dignitatem extollere studet, eum *legatum* quidem atque *amicum* patris sui, non vero *collegam* in consulatu fuisse dicit. Hoc tamen factum A. U. C. 731. Lipsius et Ernestius asserunt. Atqui illo anno Consul hujus Cn. Pisonis pater fuit, ut diserte scribit ipse Lipsius ad Tacit. II. 43. Neque collegam Augusti ipsum fuisse clare satis ipsa haec Taciti verba III. 16. *Per quinque et quadraginta annorum obsequium, per collegium consulatus quondam D. Augusto parenti tuo probatus et tibi amicus*, indicare mihi videntur, quorum hanc potius mentem esse dixerim: ego probatus amicus, uti D. Augusto parenti tuo, sic et tibi, per quinque et quadraginta annorum obsequium: quod scilicet novem et triginta annos Imp. Augustum, te privatum aut heredem imperii designatum; sex vero annos te Imperatorem, quam officiosissime colui: probatus etiam utrique amicus per collegium Consulatus, A. U. C. 747. tecum gesti: quod scilicet Imp. Augustus me potissimum delegit, quem collegam tibi daret; tu vero me prae ceteris gratum acceptumque collegam habuisti. Quod si quis *per quinque et quadraginta annorum obsequium, per collegium consulatus* — rogo obtestantis esse dicat, deinde post *consulatus* comma ponat, eo minus etiam Augusti et Pisonis filii quoddam consulatus collegium, repugnantibus fastis, comminisci necesse erit, cum prius etiam *per quinque et quadraginta annorum obsequium* ad solum referri Tiberium possit, cui obsequium Piso per 45. annos primum privato, deinde imperanti, praestiterat. Ego tamen priorem potius interpretandi viam sequar. Verum quidem est apud Dionem Casf. Libro LV. in praemisso Cosf. indice ad dict. Ann. 747. e quibusdam legi Mss. Γν. Καλπούρνος Γν. υί. Πείσω. τὸ β. Sed, si vel maxime τὸ β. servandum sit, cum illud alii Dionis codices omittant, probantibus Pagio, in apparatu chronol. ad Baron. Annal. §. 129. pag. 31. et Pighio in Annal. ad A. U. C. 746. efficitur quidem ea nota, alterum hunc (ex ejus nimirum, qui qualemcumque istum indicem confecit, opinione) Cn. Pisonis Cn. Filii consulatum fuisse, non autem in priore illum, certe non A. U. C. 731. collegam Augustum habuisse. Porro videndus de hoc Pione Tacitus II. c. 43. sqq:

IV. L. CALPURNIUS PISO CN. FILIUS AUGUR, superioris Cnei frater, ejusque apud senatum rei patronus. vid. Tacit. III. 11. Consul cum Cosfo Cornelio Lentulo fuit A. U. C. 753. vid. index Cosf. ap. Dion. Cassium Lib. LV. et Croterus in Corp. inscr. II. supra

clit. Est hic L. Piso orator, quem Tiberio restitisse narrat Tacitus II. Ann. 34. unde invifus ei tandemque majestatis reus receptus A. U. C. 777. non peractus est ob mortem opportunam. vid. idem Tacit. IV. 21.

V. L. CALPURNIUS PISO Cn. Pisonis confulis A. U. C. 747. et Plancinae filius. vid. Dio Caf. LIX, 20. Habuerat is praenomen patris, sed, damnato illo, M. Cotta Cof. cenfente, praenomen coactus est mutare. vid. Tact. Ann. III. 17. ibique Lipf. et Pighius ad Ann. 779. Confulatum gefit cum M. Licinio Crasfo A. U. C. 780. vid. Tacit. Ann. IV. 62.

VI. M. CALPURNIUS PISO, fuperioris frater, patris in reatu focius. vid. Tacit. III. 16.

VII. L. CALPURNIUS PISO, quem praetorem caefum in Hispania A. U. C. 778. auctor est Tacitus IV. 45. Cujus hic filius fuerit, incertum est. Probabilius tamen, Auguris, quam Pontificis filium fuiffe. Etenim L. Pisonis, Praefecti Urbis, tanta apud Augustum ac deinde Tiberium auctoritas fuit, (vid. Vellej. Patere. II. 98.) ut hujus certe filis, (fi quos habuit: nulli autem diferte memorantur) promptior efle debuerit ad honores aditus. Sunt enim a Pontificis Confulatu ad caefum in Hispania Praetorem L. Pisonem, anni fere quadraginta.

Ex hisce Pisonibus, quos ut familiariter noverit Horatius, partim aequales fuos, partim feniore fe pueros, ratio quidem temporum aliquomodo finit, etfi de tribus, posteriore loco memoratis, minus illud verofimile videatur, Horatii interpretes eum, quem fecundo loco memoravimus, L. Calpurnium Pisonem, Praef. Urbis, eximium hoc ab Horatio poëticum munus accepiffe: illum *patrem* efle A. P. v. 24. compellatum; ejus duo filios (quos tamen historia ignorat) *juvenes patre dignos*, *majorem* et *minorem* ibidem et v. 366. intelligendos efle, minime dubitanter asferunt. Jam antiquitus Porphyrio: *Hunc librum*, inquit, *qui infcribitur de Arte Poëtica, ad Lucium Pisonem, qui poftea urbis custos fuit, mifit: nam ipfe Pifo poëta fuit et ftudiorum liberalium antiftes*. Erat tamen omnino dubitationi locus. Studiorum quidem liberalium antiftitem fuiffe L. Pisonem, non negamus: id enim fati confirmatur Antipatri Thesfalonicenfis ad eum Epigrammate, in Analect. Brunckii Vol. II. p. 112. n. XIV. Fuerit etiam ipfe poëta, ut huc fpectaverit Auctor Panegyrici ad Pison. v. 150.

*Mira fubest gravitas inter fora, mirus, omifsa
Paullisper gravitate, lepos. Si carmina forte
Nectere ludenti juvit fluitantia verfu,
Aonium facilis deducit pagina carmen.*

Verum primo, fi filios L. Pifo Pontifex habuit, cur illi numquam in historia memorantur? Ita ftatuendum eos juvenes decediffie: nam certe ad virilem aetatem fupertifites talis tantique viri liberi, nifi rebus, at honoribus tamen et magistratibus geftis ad aliquam pofterorum notitiam inclaruiffent. Sed ponamus aliquando L. Pifoni filios fuiffe, illud quaeritur, utrum ante A. U. C. 735., quo anno vetuftiorem hanc Epistolam efle fupra docuimus, id aetatis efle potuerint filii L. Pisonis, ut iis quoque opus de Re Poëtica falvo pudore Nofter aufus fit infcribere. L. Pifo, ut ex Tacito liquet, Annal. VI. 10. natus est A. U. C. 708. Fuit igitur annis fedecim Horatio junior, et A. U. C. 735. vix tricesimum annum agebat. An credibile est, jam tum eum filios habuiffe, quos colore aliquo *juvenes* dicere Nofter potuerit? Wielandium

adeo, qui, quamquam Epistolae scriptae tempus haud exacte definiri posse dicit, scriptam tamen paullo ante A. U. C. 739. Pisoni quartum et tricesimum aetatis, existimare videtur, tributa filii ejus appellatio *juvenum* offendit, unde ipse *juvenes* nihil aliud notare dicit, nisi filios, eaque significatione frequentem eam vocem esse etiam apud optimos Latinae linguae Auctores, cujus rei vellem et exempla protulisset. Atqui multo magis eum *juvenum* illud nomen offendisset, si nobiscum scriptam Epistolam ante mortem Virgilio, sive diem X. Kal. Oct. anni U. C. 735. existimasset. Etenim illo anno L. Pisonis filios, si quos habuit, vix adolescentulos fuisse, duodecim ad summum aut tredecim annorum, evidenter ipsa res docet. Quid, si prius etiam scriptam Epistolam censeamus, magis recente adhuc memoria Quinctilii, quem A. U. C. 730. decessisse constat: quam belle coram septem aut octo annorum puerulis de iambicorum versuum fabrica, de Plautinis numeris ac salibus, de probandis aut improbandis carminibus, et omnino de Arte Poëtica disputaverit Horatius! tota Epistolae ratio clamat, veros intelligendos esse juvenes, qui jam patre dignos se probarent, jam judicio et mente valerent, jam donare aliquid bene (aut male!) de se meritis possent. Haec vero omnia in L. Pisonis filios illa aetate non quadrant. Itaque potius est, ut de alio Pifone cogitemus. Glareanus et Nannius mentionem etiam Cnei fecerunt. Ille, *ego malim*, inquit, *de iis, qui sub Augusto vixere, Pisonibus, L. et Cn. viris Consularibus intelligere. de Lucio plane intelligit Porphyrio. filii, ut vocati (fuerint) non legitur.* Addit tamen: *itaque ad patrem L. Pisonem ejusque filios scripsisse satis claret ex sequentibus poetae verbis: Maxima pars vatum pater et juvenes patre digni.* Nannius autem, *hic porro*, ait, *mentio de Cn. et L. Pisonibus, qui sub Augusto vixerunt, de quibus plura dicunt Cornelius Tacitus et Seneca, Ep. 83.* Vides tamen, quam parum exacte de Cn. simul et Lucio Pisonibus mentio fieri apud Horatium dicatur. Nam Cn. quidem et Lucius nihil ad se invicem pertinebant. Fratres certe non erant, cum, Acrone teste, ad fratres scriptam Epistolam quidam dixerint. Etenim Lucii pater, socer idem C. Caesaris dictatoris, L. Calpurnius Piso Caesoninus fuit. Cnei pater item dictus fuit Cneus. (vid. Pighius ad ann. 730.) nescio an idem, cujus mentio exstat apud Valer. Max. VI. c. 2. §. 4. forte non diversi ab eo, quem Cicero memorat in fragm. Orat. in toga Candida ap. Asconium. At in Epistola memorantur pater et duo filii, non ut Acron scribit, pater et filius. Itaque nobis quidem Cn. Calpurnius Piso Cn. Fil. Cn. Nep. qui Cos. suffectus cum Augusto fuit A. U. C. 730. is videtur esse, quem Horatius hac Epistola *patrem* vocat. Hic autem filios habuit Cn. et L. Pifones (vid. supra III. et IV) quorum certe Cneus A. U. C. 728. jam ejus aetatis erat, ut in notitiam ac familiaritatem Augusti veniret, cum in codicillis anno 773. scriptis senem ipse se testetur, ap. Tacit. III. Annal. 16. Cn. autem Piso pater amicitiam cum Horatio contraxit, contrahere certe potuit in castris Bruti et Casii, quos utrumque duces secutum de Pifone quidem ex Taciti Ann. II. 43. de Horatio cum ex vita ejus, tum e scriptis constat. Haec igitur ex tali principio orta necessitudo postea magis etiam fuisse exulta videtur, ut omnibus omnino, qui superstites ex clade Philippensi Romam redierunt, nobilioribus adolescentibus, Messalae, Septimio, Pompejo, cet. gratus semper acceptusque Noster fuit. Vid. omnino R. van Ommeren in disputatione Belgica de Q. Horatio Flacco, sub finem. Et forte a vetere studio partium, quas easdem cum Cn.

Pisone patre secutus ac tuitus fuerat Horatius, profectum, quod in versu 301. *Licinum*, quem ob odium in Pompejanos Caesar e tonsore senatorem fecerat, nulla dignitatis ejus habita ratione, simpliciter *tonsores* appellet. cf. Dio Cass. LIV. 21. Senec. Epist. 119. et sq. Scholiastae ad h. l. Qui jocus ut Cn. Pisoni, Pompejanas partes secuto, lepidus videri debuit, ita minime gratus fuisset L. Calpurnio Pisoni, cujus germana Calpurnia Caesari nupta fuerat. Earundem partium studium etiam aliquo modo cernitur in laudatis Epistolae hujus versu 371. A. Cascellio Mesfalaque, quos ambo priscae libertatis studiosissimos fuisse ex historia notum est. Hic enim A. Cascellius, idem forte quem et Cicero memorat pro Balbo c. 19. *nullius aut gratia aut auctoritate compelli potuit, ut de aliqua earum rerum, quas triumviri dederant, formulam componeret.* — *Idem cum multa de temporibus Caesaris (Augusti) liberius loqueretur, amicique, ne id faceret, monerent, duas res, quae hominibus amarissimae viderentur, magnam sibi libertatem praebere respondit, senectutem et orbitatem.* Verba sunt Valerii Maximi VI. 2. 12. Plura vid. in l. 2. §. 45. D. de orig. Juris et apud Bynkershoek., in praetermiss. ad Pomponium l. cit. De Mesfala vid. Plut. Op. T. I. p. 1009. Cum igitur omnia in Cn. Calpurnium Pisonem ejusque filios Cn. et L. Piones quam aptissime convenire videantur, quidni Horatium ad hos scripsisse statuamus? quo facto scriptae quoque Epistolae tempus accuratius jam indicare possumus. Verosimile igitur est, Horatium A. U. C. 730. vel initio Anni 731. scripsisse. Hoc certe tempus optime congruit cum illis, quae supra de Pisonis filii ex Hispania cum Augusto reditu diximus. Deinde, si anno jam U. C. 773. senex Cn. Piso filius fuit (ponamus quinque et sexaginta annos natum fuisse) certe A. U. C. 730. adhuc is erat, cui diceres

O Major juvenum, quamvis et voce paterna
Fingeris ad rectum. —
—— Si quid tamen olim
Scripseris, in Maeci descendat judicis aures
Et patris et nostras.

Valde fit juvenis oportet, quem hoc modo alloquaris: ut jam nihil addam iis, quae supra dixi de Maecio, cum etiam Cascellius vix ad feriora tempora aetatem producere potuisset videatur. Neque, quod Habersfeld. putavit, senioris hoc Horatii opus fuisse probat hujus Epistolae versus 305.

Munus et officium, nil scribens ipse, docebo.

quae verba de dramaticis tantum et epicis et omnino majoribus carminibus intelligenda sunt. vid. vers. 310 et sqq. et cf. II. Epist. 1. 208.

E duobus autem Cn. Calpurnii Pisonis filiis certe majorem ingenio violentum et obsequii ignarum supra cognovimus e Tacito II. Ann. 43. Quae si jam a parvulo fuit insita ferocia, aspera illa monitoribus, et nullius non rei fiduciam sibi fumens; quidni isto juvenis ingenio versus etiam facere, atque adeo factos in lucem edere, quamvis ignarus artis Poëticae, tentaverit, eam scilicet artem esse non reputans? Quidni inde pater, cum satis ad rectum eum ipse

ingere non posset, poetarum principem atque eundem veterem familiarem suum Horatium quasi in auxilium vocaverit, ut huic certe, vera atque utilia monenti, fidem juvenis haberet, arte etiam ad poesin opus esse, mediocribus esse poetis non licere, cavendum poetae, praesertim diviti, ab assentatoribus, et sic porro? Esse enim ab aliqua gravi causa, majoris juvenum Pisonis propria, allocutionem hancce profectam:

O Major juvenum, quamvis et voce paterna

Ringis ad rectum, et per te sapi; hoc tibi dictum:

Tolle memor cet.

non immerito statuisse Wielandius videtur. Eam vero causam nobis, certe ex parte, jam subindicat historia, arrogans et obsequii ignarum Cn. Calpurnii Pisonis filii ingenium, quod, praepostero captum studio poeseos, ne penitus in furorem verterent alii, aequae mali, fed minus divites poetae ac poetarum iudices, quales in Augusti, Tiberiique comitatu plures fuisse verosimile est (vid. Horat. l. Epist. II. 3. et 8) pater quovis modo providendum sibi duxerit.

CAPUT QUARTUM,

DE FORMA HUIUS OPERIS.

Cum Horatianum hoc opus aliquoties jam Epistolam dixerimus, ad probandum ita recte nos fecisse, primum doceamus necesse est, quale poëma, nobis quidem iudicibus, jure Epistola censeatur: deinde, tale esse Horatii poëma ad Pisones. Poëticam, sive Horatianam Epistolam nescio an probabiliter ita quis definiverit: *De certa re ad certam personam, certasve personas, quam, quasve potissimum illa res tangat, familiarius scriptum poëma.* Etenim primo, cum poëticum opus esse nullum possit, nisi de certa re et ad certum finem scriptum, sequitur etiam in epistola poëtica requiri, ut habeat unam, certam, sibi que constantem materiam, quae ad certum finem conducat; adeoque servandum etiam in hac esse praeceptum Horatii:

Denique sit, quod vis, simplex duntaxat et unum.

Alias epistolam quidem forte scripseris, at non poëticam epistolam. Et hoc etiam voluisse Lambinus videtur, in praef. ad Ep. ad Pisones ita scribens: *suo quaeque epistola constat argumento, neque debent inanes esse epistolae.* cf. Habersfeld. in eximia Disputatione de Epistola Horatianâ. pag. XX. Ceterum ipsa appellatio *poëmatis* satis indicat, tale esse epistolae poëticae argumentum debere, quod aliquomodo poëtice possit tractari, ut adeo cogitationes, quae dicuntur, abstractae, vel etiam metaphysicae disputationes, atque omnes res, quae nisi Mathematicorum démonstrandi subtilitate atque acumine, Logicorum ac Dialecticorum distinguendi solertia, expediri nequeant, sicut in nullo facile poëmate, ita nec in Epistola recte locum inventurae sint: cum in hac ideo quoque locum eae non habeant, quia fere familiaris scripta est. Idcirco epistolae magis conveniunt praecepta de vitae instituendae ratione ac similibus rebus, quae ad ejus, cui scripta est epistola, accommodari tempus queant. vid. Habersf. pag. XIX. Atque hac quidem in re maxime epistola poëtica a ceteris differt epistolis; nam id, quod requisivimus, alterum, ut scripta sit ad certam personam, de eo, quod ipsam potissimum tangat, id magis ei cum ceteris epistolis commune est. Hoc enim, non ex poëmatum, sed ex natura ductum est epistolarum, quae semper uti certis personis, ita de rebus ad eas maxime pertinentibus scribuntur. Igitur nulla etiam veri nominis Epistola esse poëtica potest, ut nec ulla est Horatiana, quae incertum relinquat, cui scripta sit. Verum omnes quidem Horatii Epistolae ex privata necessitudine cum aliqua persona de ejus temporibus, studiis, opinionibus, vel aliis rebus, ipsam maxime tangentibus, scriptae sunt. Vid. Wieland in praef. ad h. l. p. 186. Atque hinc potissimum fit, ut eorum, de quibus alibi nihil legimus, mores, ut Numicii, Bullatii, Fusci, post perlectam Horatii ad eos epistolam, tantum non plene cognoscamus. vid. Habersf. p. XIX.

Porro hoc etiam Epistola poetica ex omnium Epistolarum natura habet, quod ejus fere familiarior, hoc est liberior atque solutior cum ratio, tum oratio esse soleat. Debet quidem epistolae scriptor unitatis ac simplicitatis legem servare, certumque adeo sibi propositum finem habere; sed nihil vetat, quominus per longas demum ambages ad illum perveniat. Sic Epistolam ad Augustum scribenti propositum Horatio fuisse videtur, excusare se principi, quod non longius ac gravius aliquod carmen in ejus honorem scriberet. Eleganter quidem hoc consilium ab initio statim Epistolae poeta exponit, sed deinde multa subjungit, quae, quamvis ad Augustum quoque pertinentia, tamen primo quidem intuitu non nemini aliena a primario argumento videantur, cum sub extremam tamen epistolam in eo desinant. Ita quidem, quae res prima fronte cum ipso argumento conjunctae non videbantur, si modo tandem ad propositum poetae finem conducant, probabiliter ab eo possunt inferri, praesertim si talibus eum, ad quem scribit, magis aut detineri aut moveri posse credat. Neque etiam ab epistolam scribente poeta accuratam illam et ad leges Rhetoricorum aut Dialecticorum severe exactam parvum dispositionem merito quis requirat. Debent quidem cogitationes aliquo nexu inter se conjunctae esse; debent ad unum finem referri; sed nexum illum ubique in Epistola poetica manifestum apparere, certe non est necesse. Potius lector ipse quaedam suppleat, et quae male juncta videbantur, ipse conjungat, ac latentem saepe sententiarum connexionem investiget; atque ita cum auctore veluti cogitet, unde maxima ex tali lecta Epistola voluptas oriatur. Quoniam scilicet familiarior ejus ratio est, scriptor cogitationes suas non anxie cum severitate quadam laboris et curae, sed eeleriter et facile exprimere, magisque ludere, quam seriam rem agere propositum habet. vid. Hurd. et Habersfeld. p. XXVIII. Et hinc factum est, ut fere nulla arte scriptae Horatii Epistolae videantur, quamvis in plurimis maximam artem adhibitam fuisse non negaverim, sed latentem illam, quam investigatis demum diligentius nexu cogitationum et progressu peritus poetarum iudex animadvertat. Praeterea non Scholasticum aliquem ordinem epistolarum scriptor servet. „ Amat enim Epistola familiaritatem quandam; „ at nimis accuratus ordo ad severitatem potius, quam ad familiaritatem propendet; itaque „ non est alienum ab epistolae decoro non imitari rationem illam, quam ceteri servant in explicanda doctrina”. Verba sunt Lambini in praef.

Itaque ratio quidem epistolarum poeticarum familiaris esse debet: idem vero et de oratione dicendum. Semper enim epistolam poeta scribens eum cogitare debet, ad quem scribit, et quasi ad eum viva voce verba faceret, familiariter cogitata exprimere. Atque sic etiam non sublimis illa epistolarum oratio esse debet, verum incitata et vivida, ut constet, poetam revera sentire, quae scribat, eaque amicis persuadere velle; quos et nominatim compellet cum epistolarum initio, tum quoties gravior materia majorem animi attentionem postulare videatur. cf. Habersf. pag. XXII.

Hoc etiam, quod familiarius atque amantius scripta est epistola, eam maxime distinguit a Satyris, cum alias harum orationi simillima sit epistolaris. vid. Cruq. ad Sat. I. 1. et Hurd. in introd. ad h. l. pag. 10. nimirum Satyricus scriptor homines notos magis, quam familiares, plerumque etiam sibi invisos, acriter et acerbe infectabitur, perstringet, mordebit, omnia nudans vitia et peccata, nec horum ulli parcens. At Epistolarum scriptor vitia quidem amicis,

si qua habeant, indicabit: verum hoc ut amanter, ita jucunde faciet. Semper consiliis, nunquam conviciis pugnabit. Plerumque totam rem ipsorum, quibus scribit, aequitati atque arbitrio permittet; in omnibus verum ager amicum, atque familiarem: vid. Habers. p. XXVI. confer. etiam Sat. 10. Lib. I. cum Ep. 8. Lib. I.

Cum igitur, quae natura sit Epistolae Poëticae satis superiora declaraverint, illud porro videndum, an ex hoc etiam genere sit Horatii poemata ad Pisones, et an huic poemati ea insint omnia, quae definitio supra proposita ejusque probationes requirunt. Ut igitur sit epistola, debet hoc poemata ad certam personam certasve personas de certa re, quae ad eam easve proxime pertineat, familiariter scriptum esse. Est autem Horatianum opus ad Pisones scriptum, qui epistolarum more statim in exordio familiariter, ut amici auctoris, compellantur. *At vero, dicat aliquis cum Grifolo, quoniam est opus tam magnum et tam amplum de aliqujus artis institutione, quod tam statim non appellet, ad quem scribitur? Nullam igitur est Ciceronis opus, quod non Epistola possit appellari: quod idem accidit Georgicis praecipitis, quae ad Maecenatem scripta sunt a Virgilio; idem omnibus denique libris de aliqua doctrina a magnis auctoribus conscriptis.* Sed primum in iis operibus fere una tantum est compellatio in prooemio vel dedicatione; neque ut Attici in Tusculanis, aut Varronis in Academicis, aut Maecenatis in Georgicis ulla postea ratio habetur. At Horatius saepe postea Pisones compellat; eos saepe respicit, et cum iis veluti colloquitur. Deinde, etiamsi verum esset in illis libris Ciceronis atque Virgilii, personarum, quibus inscripti sunt, tam frequentem atque hic compellationem obtinere, inde tamen minime sequeretur, aut eos Epistolas esse, aut hunc Horatii librum non esse Epistolam, cum id etiam ex reliquis, quae in definitione posuimus, colligi censerique debeat.

Itaque porro videndum, sitne una atque certa hujus operis materia, quam eorum maxime, quibus est inscriptum opus, habita ratione, auctor tractandam sibi sumserit. Et vero materiam hujus operis unam aliquam atque certam nescio an multi interpretes nullam deprehenderit, qui vel ad nexum praeceptorum inter se invicem minus attenderunt, quemadmodum Acron, Porphyrio, Scholiastes Cruquii et plerique alii antiquiores; vel etiam hoc opus ne absolutum quidem esse docuerunt, ut Dacier. At nobis quidem, in primo capite hujus opusculi, satis hoc constare videbatur, omnino esse omnia inter se nexu conjuncta, ita ut alia ex aliis sponte sua ac facile sequantur, unumque ac totum aliquod opus constituent, cujus idcirco etiam una sit materia necesse est. Sunt ea omnia praecepta ad poësin, ad artem poëticam spectantia, quibus tamen universam poëseos artem sive doctrinam contineri, non facile Pignae, Freigio, Regelsbergeroque largiar. Sunt enim multae res, quibus perfecta artis poëticae institutio non facile careat, in hoc Horatii opere penitus praetermissae: aliae, quae diligentissimam investigationem requirant, leviter breviterque tractatae. Ubi scilicet illa Peripetiae et Agnitionis doctrina, de quibus tam multa Aristoteles? Ubi diversarum chori partium expositio, cum de variis ejus officiis tam copiose disserat poeta? Non igitur omnia persecutus est Horatius, neque perfectam hic Artis doctrinam prodidit. Quod colligere etiam est cum ex modo atque ordine, quibus res tractavit, tum ex multis

etiam praeceptis atque consiliis, quae in eorum unice, ad quos scriptum est poema, non in omnium poetarum atque publicum usum tradita ab auctore videantur. Rectius igitur alii, ut Grifolus, de decoro maxime in poematibus observando; item alii, ut Habersfeld, et olim Lambinus, inscriptionem *de Arte Poëtica* argumenti expositionem esse rati, de Artis in poësi necessitate Nostrum hic agere statuerunt. Sed de his quidem accuratius in sequenti capite videbimus: illud nunc monuisse sufficiat, quodcumque in conscribendo hoc opere poetae consilium fuerit, certe contenta eo monita ac praecepta omnia ad poësin et poëticam artem pertinere; quod si verum est, ut non facile quisquam negaverit, una sane est operis materies, unum ac simplex argumentum. Traduntur praecepta de una, ut cum inscriptione loquar, *arte poëtica*. Illa autem praecepta, quod inprimis hic considerandum venit, eos potissimum, ad quos scribit Horatius, Pisones tangunt, inprimis filiorum natu majorem. Eos, ut initio poematis, sic deinde vers. 24. et 235. expresse Noster compellat. Eos discrete versu 268. jubet exemplaria Graeca.

Nocturna versare manu, versare diurna.

nec minus in versu 293. *Vos, inquit, O*

*Pompilius sanguis! carmen reprehendite, quod non
Multa dies et multa litura coercuit: atque
Praefectum decies non castigavit ad unguem.*

quid illa, versu 366. sqq.

*O major juvenum! quamvis et voce paterna
Fingeris ad rectum, et per te sapis; hoc tibi dictum
Tolle memor: ces.*

et mox versu 385.

Tu nihil invita dices faciesve Minerva;

nonne satis illa probant, quemadmodum ad, ita propter Pisones scriptum poema esse: adeoque de certa re ad certas personas, quas potissimum illa res tangebatur? Itaque restat jam, ut demonstremus etiam scriptum esse familiariter, hoc est, ut ad familiares, cum ratione, tum oratione, liberius, solutius, amantius.

Ad rationem primo quod attinet, carmen hoc de Arte poëtica didacticum opinatus Julius Caesar Scaliger: *Horatius, inquit, Artem quam inscripsit adeo sine ulla docet arte, ut saturae propius totum opus illud esse videatur. Ordinem neglexit Aristoteles, Horatius vitiavit.* Et sane, si didacticum carmen esse statuas, vereor ut Horatii rationem tueri possis: sunt enim, me quidem iudice, Pignae, Freigii, Regelsbergeri ingeniosa magis, quam probabilia commenta. An igitur Horatium veram carminis didactici rationem ignorasse, et cum artem traderet poëti-

cam, quid ipsa ars esset, nescivisse putabimus? Ridicula haec et in Horatium periniqua suspicio. Quid, si non carmen didacticum, sed epistola fuerit? Num ita quoque propius facturae opus nos offendet? Audiamus Jāsonem de Nōres. *In hoc*, inquit, *opere ordinem non ita servatum ab Horatio videmus, ut ab iis, qui de aliqua re documenta litteris tradiderunt. Est ille quidem peracutus et diligens in praecipiendo ratione: ordinem tamen, cum Epistolam scriberet, non ita custodit ac tuetur, ut si librum scriberet.* Scilicet Epistolam ad familiares scribens de re, quam potenter ipse legerat, cujus adeo callentissimus erat, ordinem quidem, quem in libro sive carmine didactico servaturus fuisset, utique nec servavit ille, nec servare voluit. Imo potius, liberum cogitationibus suis cursum relinquens, eas, prout aliae ex aliis nascebantur, cum amicis Pisonibus communicavit, et eatenus vere dictum est a Scaligero, de arte Nostrum tradidisse sine arte, atque adeo ordinem illum vitiavisse: sed aliquem tamen ordinem tuitus est Horatius, eum videlicet, quem sapiens vir, de re quadam majoris momenti, ejus peritissimus ipse sit, aliorum causa meditans ac scribens, facile quivis tueatur; ipse autem omnium optime tueri poterat; cum nulla sit ejus epistola, quin tali sese ordine commendet. Et hoc est, quod supra diximus, omnes Horatii Epistolas, quamvis prima fronte artem non ostendent, maxima tamen arte conscriptas esse, ut omnino tales scribere nemo possit, nisi, qui plurimum ut ingenio sic arte valeat.

Sed est porro etiam oratio hujus scripti familiaris, ne dicam epistolaris, a Satyrico genere tantum hoc diversa, quod minus est mordax. Sunt omnes comparationes a vita communi ductae, festivissimae pleraeque. vid. versus 1. sqq. 14. sqq. 32. sqq. 230. sqq. 348. sqq. 374. sqq. 412. sqq. 419. sqq. 431. sqq. Est etiam dictio pluribus in locis tantum non vulgaris. vid. vers 35. et sqq. 38. sqq. 89. sqq. 325. sq. Sic tamen est ex noto fictum carmen,

ut sibi quivis

*Speret idem, sudet multum, frustra que laborex
Ausus idem. cet.*

in multis etiam, ut in epistola, jocatur, estque interdum dictio ad comicam rationem accommodata. Ex quo genere sunt haec vs. 319.

Parturiunt montes, nascetur ridiculus mus.

vs. 249

*Nec, si quid fricti ciceris probat et nucis emtor,
Aequis accipiunt animis, donantve corona.*

totus etiam locus, quo Democrito auctore infanientes poetas ridet, a versu 295—305. item vs. 382. sqq. 416. sqq. 456. sqq. 470. sqq. Unde quod est in versu 113. *equites peditesque*, nescio, an sollicitari a Bentlejo non debuerit. Ad summam cum amicis veluti colloquitur; et quamvis juvenum majorem absque assentatione moneat, fortasse etiam tecte reprehendat, id tamen adeo modeste facit, ut is ipsi propterea ne subirasci quidem potuerit. Sic versu 366.

*O major juvenum, quamvis et voce paterna
Fingeris ad rectum, et per te sapias, hoc tibi dictum
Tolle memor.*

deinde versu 385.

*Tu nihil invita dices faciesve Minerva:
Id tibi iudicium est, ea mens. Si quid tamen olim
Scripseris, in Maeci descendat iudicis aures,
Et patris, et nostras. tet.*

Profecto familiariter non minus, quam modeste et amanter eum in his locis monet, ut solet in Epistolis. Sic Lib. I. Epist. 17.

*Quamvis, Scaeva, fatis per te tibi consulis, et scis,
Quo tandem pacto deceat maioribus uti:
Disce, docendus adhuc quae censet amicus: ut si
Caecus iter monstrare velit: tamen aspice, si quid
Et nos, quod cures proprium fecisse, loquamur.*

neque etiam longe differunt illa ad Lollium Lib. Ep. I. 18. 67. sq.

*Protinus ut moneam, si quid monitoris eges tu,
Quid de quoque vtro, et cui dicas, saepe videto.*

Cum itaque prorsus tale sit hoc opus, quale poëticam epistolam esse supra docere conati sumus, nos etiam Lambinum sequamur, cui verus et antiquissimus hujus operis titulus habetur *Q. Horatii Flacci Epistola ad Pisones*, verba de *Arte Poëtica* additamentum grammaticorum, quibus et Epistolae argumentum exponerent. et facilius eam a ceteris distinguerent. Quod enim Quintilianus in Ep. ad Tryph. institutionibus suis oratoriis praemisit, Horatium in *Arte Poëtica*, et Instit. Orat. VIII. 3. Horatium in *prima parte libri de Arte Poëtica* citat, Sidonius etiam Apollinaris, Diomedes, Priscianus, et Porphyrio librum de *Arte poëtica*, vel *Artem poëticam* laudant: id magis antiquitatem hujus citationis, quam veritatem ostendere recte monuit Habersfeld. Certe divisio libri in partes non nisi Grammaticis imputari potest, quos inde secutum Quintilianum patet. Vides etiam hunc sibi non constare, cum alio loco *Artem Poëticam*, alio loco *primam partem libri de Arte Poëtica* vocarit: ut hic potius ipsius operis ratio sit habenda, quam incertae consuetudinis. Deinde liber dici etiam epistola, praesertim major potest. vid. Nepos. in Lyf. cap. 4. Quod si quis tertiam esse dicat epistolam libri secundi, quemadmodum Cruquius et Wieland. titulum exhibent, equidem non repugno, modo concedat, hanc tamen diu ante illas ad Augustum et Florum conscriptam fuisse.

CAPUT QUINTUM,

DE AUCTORIS CONSILIO.

De Horatii in conscribenda hac Epistola consilio variae Doctorum Virorum opiniones ad tres potissimum mihi referri posse classes videbantur: ut prima esset eorum, qui Horatium in hoc opere nihil nisi praecepta quaedam ad poësin pertinentia quasi per saturam congerere voluisse existimarunt: altera eorum, qui absolutissimam artem poëticam, certe perfectissimum ejus compendium, ordine quam aptissimo et voluisse Nostrum tradere, et vero etiam tradidisse contenderunt: tertia denique mediam inter priores duas viam secutorum, qui praecepta quidem Horatii connexa inter se unumque ijs ac certum subesse consilium arbitrati sunt, haud tamen artem poëticam ejusve compendium tradendj.

Ad primam quidem classem haud dubie referendus est Porphyrio, qui, *in hunc librum*, inquit, *congescit Horatius praecepta Neoptolemi de Arte Poëtica, non quidem omnia, sed eminentissima.* Neoptolemus significari videtur, ab Athenaeo III. p. 82., X. p. 355., XI. p. 476. et Schol. Villoisoni ad Iliad. Ω. 235. laudatus, ὁ Παριανός, id est Πάριος, ex insula Paro, oriundus, ut recte, Stephanum Byzantium citans in voce Πάρος, Villoisonus docuit in Prolegomenis ad Homeri Scholia p. XXX. Hunc enim περὶ ἐπιγραμμάτων scripsisse, partem forte citati a Porphyrio operis de Arte Poëtica, testis est Athenaeus X. p. 355. Ejusdem in Homerum observationes citant Villoisoni Scholia ad loc. Iliad. citatum; unde probabile est interpretationis ad Theocritum Id. I. 52. auctorem, in Theocriticis, quae versamus, Scholiis laudatum, Neoptolemum eundem τὸν Παριανὸν significari, quamvis dissentiente Wartono in Notitia Scholiorum Theocriti p. 36. et in nota subjecta 6. qui diversum illum a Pario Neoptolemum Medicum fuisse putat, Auctorem μελιτουργῶν, id est libri de ratione conficiendi servandique mellis. Vid. Plinius H. N. indice libri XI. Nec Pario Neoptolemo librum tribuere verear de vocabulis Phrygiis, quem scripsisse Neoptolemum auctor est Achilles Statius in Isagoge ad Aratum; cum diserte τὸν Παριανὸν ἐν γλώσσαις citet Athenaeus XI. p. 476, qui et ejusdem epicum, ut videtur, carmen Διονυσίαδα laudat III. p. 82. unde Neoptolemus Parianus (Parius) recte poëta et Grammaticus dicitur Fabricio, Bibl. Graec. T. XIV. p. 625. non item Epigrammatista Wartono l. supra citato. Nam aliud est epigrammata ipsum conscribere, aliud librum περὶ ἐπιγραμμάτων, quomobrem nescio, an exemtum eundem velim etiam Catalogo poëtarum Epigrammatariorum apud Fabricium, Bibl. Graec. T. II. p. 721. Hujus igitur Neoptolemi fuit etiam, Porphyrio teste, opus de Arte Poëtica, unde, eodem teste, praecepta non quidem omnia, sed eminentissima in suum librum Horatius congesferit. Quo consilio? Hoc non addit Scholiastes. Sed cum statim subjiciat *primum praeceptum est περὶ τῆς ἀκολουθίας*: deinde *sequens praeceptum est cet.* *Tertium praeceptum est, cet.* et sic porro: nullum autem horum praeceptorum inter se nexum indicet, liquido constat, nihil eum in hoc opere vidisse, nisi

praeceptorum de arte poetica congeriem, fatis eam temere factam. Quod ad Neoptolemi librum attinet, eum quidem ab Horatio lectum non negaverim. Sunt tamen plurima in hujus scripto, quae ab Aristotele potius, quam Neoptolemo mutuatum ipsum recte asseveraturus mihi videar; longe plura etiam, quae certissime nulli Graecorum accepta retulit noster, aut referre potuit. Igitur congeriem esse dicamus non tantum eminentissimorum Neoptolemi, sed etiam Aristotelis, forte et aliorum, certe quoque ipsius Horatii praeceptorum: non autem temere factam illam, sed in certum finem, severissimo cum delectu. Neque enim erat is Horatius, qui in Epistolam Poeticam, cujus generis opus hoc censendum esse superiori Capite docuimus, quasdam, ut aliorum, ita suas observationes congerere et coacervare fatis habens, eas inter se connectere et ad unum omnes finem intendere negligeret. Sed connexionem quidem illam et in conscribenda hac Epistola poetae consilium quaerere neglexit ipse Porphyrio, quae si indagare voluisset, primo connexionem, forte non dissimilem ei, quam nos in Capite I. indicavimus, certe aliquam, deinde, accuratius inspecta connexionem etiam universi operis consilium collegisset. Idem Acroni et Scholiastae Cruquii: idem etiam Nannio et Georgio Fabricio (cujus est summarium Artis poeticae in Editione Horatii Torrentiana) ceterisque objicias, qui in hoc opere nihil, nisi separata a se invicem praecepta spectarunt: nemini autem rectius, quam Dacierio, qui, Horatium summatim exponere praecepta Aristotelis, aliorumque de Arte Poetica ratus, *Et comme, inquit, il ne travaillait pas a cela de suite et qu'il ne gardoit d'autre ordre, que celui des matieres que le hasard lui donnoit a lire et a examiner, il est arrive de la, qu'il n'y a aucune methode ni aucune liaison de parties dans ce traite, qui même n'a jamais été achevé, Horace n'ayant pas eu le tems d'y mettre la dernière main, ou, ce qui est plus vraisemblable, n'ayant pas voulu s'en donner la peine.* Quod Dacierii judicium eo magis mirum nobis accidit, quoniam ipse Dacierius et Epistolam esse hoc opus disertè affirmat, et vero etiam pluribus in locis optime praeceptorum nexum atque cogitationum seriem perspexit. Nam epistolam agnoscens certe Philosophicum ordinem requirere non debebat, multo minus, eo non invento, nullum praeceptorum ordinem, nullam connexionem esse pronuntiare. Et quibusdam in locis connexionem ipse perspicuens, etiam in aliis, ubi illam nondum perspiciebat, diligentius investigare potius, quam, ut complorata re, opus imperfectum et ab Auctore suo destitutum asserere debebat. Quid vero de Julio Caesare Scaligero dicemus, qui, *Horatius, inquit, artem, quam inscripsit, adeo sine ulla docet arte, ut saturae propius totum opus illud esse videatur?* An deceptum virum magnum inscriptione operis, quam ab ipso profectam Horatio credebat, Artem hujus, cum Aristotelis Arte collatam, (addit enim: *ordinem neglexit Aristoteles, Horatius vitiauit*) ad severissimam operis didascalici legem exegisse? Ita certe nullo modo ipsi satisfacere opus Horatii poterat, saturae quam arti propius, de quo morosius inde censuit, ordinem in illo non neglectum tantum, sed et vitiatum (h. est quasi de industria vitiatum) esse. Atqui non vitiauit ordinem Horatius, sed omnino certum aliquem secutus est, non quidem illum operis didascalici Scholasticum, sed poetae ad amicos, familiaris ac solutius de re certa, certum in finem scribentis, epistolarem. Quod et ipse Scaliger vidisset, si non prius inscriptionem, quam ipsius formam, id est rationem atque orationem, operis inspiciendam duxisset.

Prudenter G. J. Vosius, de *Artis Poët. Nat. ac Const.* c. 14. in *distribuzione poëtices*, inquit, non ita multum nos adjuvat Horatius libro de *Arte ad Pisones*. Nec enim accurata admodum ejus est *διανομία*. Scio viros eruditos, ut huic vitio medeantur, alto velle ordine disponere: sed loquimur nunc, non quomodo illi (rectè an secus non disputo) collocare maluissent; sed quomodo, constanti omnium codicum consensu, digesserit Horatius: qui epistolam dedit; et quasi per saturam congescit praecepta complura; de ordine autem non ita multum laboravit. Minus recte praeceptiones saltuatim datas censet Desprez, cujus est Horatii editio in usum Delphini.

Ad secundam classem pertinent ii, qui Horatium omnino voluisse *Artem Poëticam*, ejusvè compendium scribere, et vero etiam perfectissime scripsisse contenderunt. Hos fuisse video Freigium, Pignam, Michelsenum, Regelsbergerum: quibus etiam accenseri quodammodo possint D. Heinsius et Bouhierius.

Freigius quidem in praef. ad h. l. quamvis praecepta singula inter se cohaerere non putans, summam tamen libri de *Arte Poëtica* hanc delineavit:

Praecepta Poëseos Horatianae sunt vel

communia cum aliis artibus.	Logica	{ de Methodo.	
		{ de inventione.	
		{ de dispositione.	
	Rhetorica	{ de elocutione	{ de verbis.
			{ de numeris.
		{ de pronuntiatione, seu actione et affectibus.	
	Ethica	{ de decoro.	
		{ de moribus personarum, quae vel	{ Veteres, vel
			{ Novae.
	vel sunt propria poëtarum	{ de generibus poëmatum, eorumque tractatione et inventione.	
{ de causis efficientibus poëtam		{ exercitatione.	
		{ arte.	
		{ natura.	
{ de vitiis poëtae fugiendis, ut sunt		{ adulatio.	
	{ Φιλαυτία.		

Diligentius etiam Pignas hujus constituerat operis analysin, cujus praecipuae divisiones haec sunt:

Poësis est vel

Tota.	{ re	{ inventione, ad versum 14.	
		{ dispositione, ad v. 24.	
	{ verbis	{ inventione, ad v. 28.	
		{ dispositione, ad v. 32.	
	{ compositione	{ quoad poëma, ad v. 38.	
		{ quoad poëtam, ad v. 42.	

vel *Partita* { *In Epopoeam* { tractatione, ad v. 46.
 { *In Tragoediam* { verbis, ad v. 73.
 { *In Comoediam* { carmine, ad v. 89.

In Tragoediam et Comoediam.

Qualitate. { *fabula, de qua in principio.*
 { *dictione* { *stilo, ad v. 99.*
 { *affectibus, ad v. 104.*
 { *actione, ad v. 114.*
 { *moribus: in quibus sequi notius, ad v. 131.*
 { *nos debere verisimile. In notius, ad v. 153. unde de moribus aetatis ad v. 179.*
 { *perturbationibus, ad v. 179.*

Quantitate. { *quoad fabulam* { *discreta, ad v. 191.*
 { *continua* { *exodus, v. 191 et sq.*
 { *episodium, supra v. 24.*
 { *chorus, ad v. 250.*
 { *prologus, v. supra v. 136.*
 { *quoad carmen, ad v. 275.*
 { *quoad originem* { *apud Graecos, ad vers. 285.*
 { *apud Latinos, quos errasse docet, quod poetam solo natu-*
 { *rali ingenio posse excellere existimaverunt, ad v. 295.*

Natura poetas non posse perfici, ad v. 301.

Arte poetas posse perfici { *ob materiam, ad v. 323.*
 { *ob finem, ad v. 391.*
 { *ob effectum, ad v. 408.*

Arte poetas posse perfici non sine Natura, ad v. 412.

Itaque primo Artem et Naturam conjungi debere, ad v. 416.

Secundo evitandam arrogantiam, ad v. 419.

quae inducitur ab adulatoribus, ad v. 438.

non ab amicis, ad v. 453., qui culpant, ne poeta in seria male incideret, ad fin.

Est autem haec summa ejus, ac primaria partitio. Nam omnes minores recensere infimorum esset. Speciminis gratia tamen etiam harum unum notabilius exemplum subiciemus. In *fabula continua* spectari Pignas a poeta partes putat *exodum, episodium, chorum, prologum.* de his ita pergit.

I. Exodus. { *per se. Fabulam divina opa tunc solvendam, cum extrema nos urget ne-*
 { *cessitas, ad v. 191.*
 { *per accidens. Quamquam in solvenda fabula plures occurrant personae,*
 { *non tamen debere esse plures quam quatuor, et quartam*
 { *necessario tantum inducendam, ad v. 192.*

II. Episodium. *De hoc in materiae dispositione, secundo praecepto, ad v. 24.*

III. Chorus. *Qui est simplex, vel mixtus. Mixtum item dividit in mixtum cum sonis et cum saltu: unde mox et musicae et Satyrorum tractationem derivat.*

Verum simplex Chorus, inquit, aut loqui debet, aut canere, et dum loquitur, fungi histrionis, dum vero canit, officio proprio: histrionem gerere defendendo virtutem: suum exercere munus afferendo, quae sint ex re et ad rem,

- | | | |
|---------------------|---|---|
| 1. In vita privata. | { | ob virtutem; bonis re et verbis favere. |
| | | ob continentiam; iratos regere et amare illos, qui peccare timent. |
| 2. In vita publica. | { | ob seculum aureum; laudare dapes brevis mensae. |
| | | ob seculum secundum et tertium; laudare otia libera et justitiam ac leges. |
| | | ob seculum ferreum: tegere commissa, licet miserabilia, et Deos precari, ut digni miseratione bona fortuna utantur: scelesti non exsultent. |

IV. Prologus: de hoc in propositione, vigesimo quarto praecepto, versu 136. sqq.

Et sic fere in minutissimas partes praecepta hujus operis diducit.

Michelsenus, Prof. quondam Berolinensis, cujus est editio hujus operis, *der Horazens Dichtkunst erläutert, übersetzt, und als ein vortreffliches ganzes dargestellt*, Halle 1787. in 8. primum in tria capita dividit hoc opus, ut Primum contineatur versibus 37. prioribus, qui pro exordio sint: Secundum ad vers. 309. pertineat, cujus duplex sit materia, ita ut ad vers. 153. praecepta de omnibus carminum generibus; ab eo inde versu, propria dramati, tradantur: Tertio denique capite, inde a vers. 309. ad finem, de viis ac rationibus, quibus poëtae ad summam perfectionem perveniant, disputetur. Deinde vero tria haec capita item in minutissimas partes dissecat, et, ad summam, Horatii Artem idem poëtis praestare putat, quod Euclidis Elementa mathematicis.

Ingeniosius aliquanto Regelsbergerus, vir cl. in opere, cui titulus, *Horazens Dichtkunst in neu entdeckter ordnung, ein meisterstück der nachahmungskunst und kürze, Lateinisch nach einer achthunderdjährigen Handschrift cet. Wien. 1797.* perfectum huic operi didascalium ordinem asserit, hac ejus summa delineata:

I. Poësis Theoretica.

A. De proprietatibus perfecti poëmatís universe.

1. De inventione, universe, v. 1—32.
2. De dispositione, v. 32—47.
3. De elocutione, v. 47—119.

B. De proprietatibus perfecti poëmatís speciatim: Heroici, Tragici, Comici, Satyrici, Iambici.

1. De inventione speciatim, imprimis de inveniendò Tragoediae argumento, v. 119—136.
2. De dispositione speciatim. { partium Heroici carminis, v. 136—152.
Tragici et Comici, v. 153—220.

3. *De elocutione speciatim* { *in Satyris*, v. 220—251.
 in Iambis, v. 251—255.

Quibus subjecta brevis narratio Historiae dramatum, v. 275—289.

H. Practica Poësis.

Exordium v. 285—306.

A. *Quid poëtae faciendum, antequam ad scribendum se conferat.*

1. *Homines quales esse debeant, ex Philosophia cognoscat*, v. 306—317.
2. *Illam cognitionem poëta excolat, diligenter cum hominibus vivendo eosque observando*, v. 317—323.
3. *Totum se conformet poësi ad imitationem Graecorum*, v. 323—333.

B. *Quid poëta servare inter scribendum debeat.*

1. *Id agat, ut simul et doceat et delectet*, v. 333—347.
2. *Pauca atque parva vitia multis ac magnis occultis virtutibus atque ita perfectum opus producat*, v. 347—366.
3. *Statuat mediocribus esse poëtis non Deos, non homines, non columnas concessisse.*

C. *Quid poëtae scripto jam absoluto servandum.*

1. *Urbanitatis legem servet, nec ubique suum praedicet poëma, nondum illud satis perpolitum ac perfectum: sed*
 - a.) *Exemplis et laude praestantium poëtarum inducatur, ut ipse etiam scripta sedulo castiget atque emendet*, v. 379—408.
 - b.) *Artem non negligat, quia se natura praestare putat, nec poëma nimis cito in lucem edat*, v. 408—419.
 - c.) *Illud doctorum virorum iudicio subiciat*, v. 419—459.
2. *Denique caveat, ne decipiatur ab adulatoribus, captus inani laudum studio*, v. 459—ad finem.

Heinsius autem et Bouhierius cum hujusmodi accuratam partium dispositionem et scholasticae disputationis ordinem invenire in hoc scripto vehementer cuperent, nec invenirent tamen, Heinsius quidem pudenter in uno alterove loco; Bouhierius vero per totam Epistolam ordinem illum restituere transponendis versibus conati sunt. Sic v. g. Heinsius, in versu 220.

Carminē qui tragico vilem certavit ob hircum

Theſpin significari putans, cujus disertā exstat mentio v. 275. sqq. quō concinnior esset ordo, versum 275; et quinque sqq. subijci versui 219. jussit; deinde brevi huic historiae tragici dramatis carminis Satyrici mentionem subijungi: quam mox exciperet veteris comoediae expositio, merito dictae *successisse his* (scilicet Satyris) *non sine multa laude. cer.* Heinsii transpositiones viro elegantissimo Bouhierio, (cujus Disputatio de Arte Poëtica Horatii nuperrime demum lucem vidit in Millinii Viri Cl. Horreo Encyclopaedico, Octob. 1806.) sufficere non videbantur: „Pauca, enim,” inquit, „loca restituit: plurima inordinata et confusa relinquunt: unde, cum parum utilitatis afferant ejus conjecturae, paucis probatas fuisse non

miror. Sed cum omnino transpositionum ope pristinum huic operi decus restitui posse,
 „ instaurato, qui jam nullus est, apte connexarum inter se partium ordine, persuasum mihi ha-
 „ berem, facere id ego conatus sum, quod fecisse Auctorem verosimile est, certe fecisse ipsum
 „ decuit, ut singulis praeceptis suum atque convenientem locum tribuerem, omnia tamen
 „ inter se connexa ad unum certumque propositum referrem. Opus hinc exstitit, apto, nisi
 „ fallor, et concinno ordine sese commendans, quod in triginta dividi sectiones five partes
 „ potest, quae omnem artis poëticae materiam complectuntur.” Ceterum hoc fere modo
 confusionem ordinis extitisse suspicatur Bouhierius. „ Grammatici hanc epistolam in multas
 „ partes diviserant. Testis Quintilianus, qui Instit. Oratt. Lib. VIII. Cap. 3. *primam par-*
 „ *tem libri de A. P.* citat. Ratio, cur ita diviserint, haec forte fuit, ut methodus operis
 „ aliquanto facilius appareret, et ~~magistris~~, qui illud discipulis suis dictare atque in illud com-
 „ munitari vellent, subinde locus daretur, ubi quiescerent. Fieri igitur potuit, ut, cum par-
 „ tes illae variis temporibus dictatae diversisque chartis mandatae essent, illi, quibus deinde
 „ cura eas congerendi fuit, veterem earum ordinem obliti, opus ediderint, quale nunc habe-
 „ mus; penitus illud perturbatum atque confusum.”

Ex Bouhierii itaque dispositione Prima est pars de servanda operis unitate ac simplicitate, v.
 1—13. Altera de natura atque arte pariter ad poësin necessariis, ut versui 13. subjungantur 408.
Natura fieret cet. et tres sqq. his vero v. 295. *ingenium miserâ* et tredecim sqq. Tertia de fine
 poëseos v. 333. *Aut prodesse cet.* et sq. quem excipiant v. 391. *Sylvestres homines cet* — 407.
 Quarta de materia sumenda, v. 38. *Sumite materiam* et tres sequentes. Quinta de versibus cuiusque
 materiae propriis, v. 73. *Res gestae* et quinque sqq. deinde vs. 83 *Musa dedit* et duo sqq.
 iam v. 79. *Archilochum* et tres seqq. Sexta, pars de Tragoediarum argumentis, a v. 119.

Aut famam sequere, aut sibi convenientia finge,
Scriptor honoratus. Si forte reponis Achillem,

(ita legit Bouhierius) ad v. 130. Septima pars, quomodo materies alicujus propria possit fieri,
 v. 131. *Publica materies* et tres sqq. Octava; Homerus ad imitationem propositus, v. 136.
Nec sic incipies ad v. 152. Pars nona, poëtam non esse nimium debere in exornandis partibus
 a vs. 14. *Inceptis gravibus* ad v. 37. Sequuntur propria fabulis praecepta. Pars decima, de
 Tragoediae et Satyrae et Comoediae ortu et progresibus, v. 275. *Ignotum tragicæ* et quinque
 sqq. v. 220. *Carminē qui tragico* et quatuor sqq. v. 281. *Succesit vetus* et tres sqq. Pars
 undecima, de differentia inter tragoediam et Satyricam fabulam, v. 231. *Effutire lēves* et duo
 sqq. Pars duodecima, de Satyrica fabula, v. 225. *Verum ita rīfores* et quinque sqq. v. 244.
Sylvis deducti et sqq. ad v. 250. deinde v. 236. *Non ego inornata* et sqq. ad v. 243. Pars
 decima tertia, de rebus in scena exhibendis aut narrandis, v. 179. *Aut agitur* et sqq. ad v. 185.
 Decima quarta, de rebus voluptatis causa fictis, v. 338. *Ficta voluptatis* et duo sqq. v. 187.
Aut in avēm et sequens. Decima quinta, utile dulci miscendum esse, v. 341. *Centuriae senio-*
rum et quinque sqq. Decima sexta, de ordine, v. 41 *Ordinis haec* et duo sqq. v. 361. *U-*
pictura poësis et quatuor seqq. Decima septima, breviter esse praecepta debere v. 335. *Quid-*
quid praecipies et duo sqq. Decima octava, de dictione et verbis, v. 45. *In verbis etiam ad*

v. 72. Decima nona, de fabularum longitudine, nodo per Deum solvendo, personis loquentibus, vs. 189. *neve minor*. et tres sqq. Vicecima, de choro v. 139. *Actoris partes* et sqq. ad 201. Prima et vicecima, de propriis tragoediae et comoediae coloribus, v. 89. *Versibus exponi* et tres sqq. v. 86. *Descriptas servare vices* et tres sqq. Altera et vicecima, de affectibus v. 93. *Interdum tamen* ad v. 111. Tertia et vicecima, de decoro personarum servando, v. 153. *Tu quid ego* et quatuor sqq. v. 309. *Scribendi recte* et sqq. ad v. 322, cui subjungantur v. 114.

Intererit multum Davusne loquatur herusne

(Sic) et quatuor sqq. Quarta et vicecima, de Romanorum comoedia, v. 285. *Nil intentatum* et tres sqq. deinde v. 202. *Tibia non ut nunc* et sqq. ad v. 211. Tum v. 214. *Sic priscae* et sq. denique v. 289. *Nec virtute foret* et sqq. ad v. 294. Pars sexta et vicecima, de versu fabularum iambico ad Graecorum exemplum conformando, v. 251. *Syllaba longa* et sqq. ad v. 269, tum, ut in v. 268. mentione Graecorum facta, v. 323. et sq. *Grajis ingenium*. Pars septima et vicecima, cur Romani minus in poësi profecerint, v. 270. *At nostri proavi* (sic) et quatuor sq. deinde 212. *Indoctus quid enim* et sq. tum v. 225. *Romani pueri* et sqq. ad 332. Pars octava et vicecima, indoctis et mediocribus esse poëtis non licere, v. 412. *Qui studet* et tres sqq. tum v. 379. *Ludere qui nescit* et sqq. ad v. 394. deinde v. 366. *O major juvenum* et septem sqq. porro v. 416. *Nec satis est* et duo sqq. denique v. 374. *Ut gratas* et quatuor sqq. Pars nona et vicecima, de poëtarum peccatis venia dignis, vel indignis, v. 347. *Sunt delicta tamen* et sqq. ad 360. Pars tricesima, de recitatione poëmatum, coram amicis non assentatoribus instituenda, v. 385. *Tu nihil invita*, et sqq. ad v. 390. deinde v. 419. *Ut praeco* et sqq. ad finem Epistolae, legente Bouhierio in v. 422. *victum ponere* pro *unctum*, et v. 441. *formatos*.

Pignam, Freigium, Michelfenum et Regelsbergerum maximo studio ordinem hujus operis investigasse nemo facile inficias ibit, et tamen ordinem ab iis indicatum Horatianum esse, vereor ut multis probari possit. Primum obest ipsa partitionis subtilitas, quae quo tenuior ac solertior fuerit, eo minus in opere poëtico, praesertim epistola, locum obtinuisse censeatur. Profecto tam severam operis sibi legem scribere poëtae non solent, minime vero omnium in familiari cum amicis confabulatione. Deinde, si quis Pignae Arborem Horatianam (is operi titulus) vel Michelfeni aut Regelsbergeri tabellam cum ipsa Horatii epistola conferre voluerit, nae ille plurimis in locis, quorum singula descriptionis capita referri debeant, quam Horatiani operis partem quaeque divisio spectet, incertus haerebit. Multa adeo, quae apud Horatium non inveniuntur, a se inserta ne dissimulavit quidem Pignas. Dicit in moribus nos debere sequi *verosimile notius* vel *ignotius*: *notius* autem *decenti*, idque *decenti per se*, vel *relatione facta ad aliud quid*. Tum vero addit: *Omisit Horatius hoc decorum per se, quia actiones humanae in poësi simpliciter considerari nequeant, sed ad aliud semper referantur*. Prologi leges secundum Pignae doctrinam praecepto quinto et vicesimo, v. 136. sqq. positae leguntur, locum tamen iis, in Arbore Horatiana post praeceptum demum quintum et quadragesimum sive v. 251. assignavit. de Epifodio secundo praecepto agi dicit, v. 24. At vide, quaeso, ubinam collocaverit in Arbore. Itaque Pignas certe verum Horatiani operis ordinem non exhibuit. At, si alium ex-

hibuit, Horatii inde consilium colligere quomodo possumus? Sunt etiam Freigii, Michelseni, Regelsbergeri magis ingeniosa, quam vera commenta. Quid? Horatione in mentem venerit poësin in theoreticam et practicam dividere; theoreticam poësin in universam et particularem? id si credas, etiam cum Regelsbergero poëtam in versu 112. *Si dicentis erunt* et sqq. praecepta poëseos theoreticae universae, in v. 119. *Aut famam sequere* praecepta poëseos particularis tradere, atque ita versum 118. prioris partis ultimum, versum 119. posterioris primum esse, statuas licet. Omnino de Regelsbergeri conatu nostrum facimus iudicium Eichstadii V. Cl. in epistola, disputationi de Platonis Phaedro subjecta p. 175. „In multis,” inquit, „vir doctissimus cupidius egit, quam verius; ad obtinendam causam plurima con-
„tortè explicuit, planeque immemor rationis Horatianae nimio suae opinionis amore, eo se
„passus est abduci, ut quum nonnulli olim artem sine arte ab Horatio traditam pronuntia-
„rint, nunc poëta artem putida arte scripsisse censendus sit.” cf. et Habersh. in praef. ad h. l. p. 232. sqq. quem minutas etiam Michelseni partitiones Horatio non nisi per vim obtrudi posse statuentem p. 228. vere iudicasse censemus.

Cum igitur hi viri, quamvis, ut Horatiano scripto didascalici poëmatis ordinem assererent, ingeniose omnia moliti, tamen illud facere non potuerint nisi invito et reclamante textu, satis constat, in illo opere, prouti se nunc habet, talem ordinem frustra quaeri. Quid vero, si turbatus ille textus fuerit, ut supra D. Heinsium et magis etiam Bouhierium coniecisse vidimus, transpositis vero quibusdam ita restitui possit, ut egregius inde poëmatis didascalici ordo eluceat? Ita quidem e duobus illis, unde Horatii scriptum *Artem Poëticam* non esse recte colligatur, alterum quidem, quo propius saturae opus esse urgent, totum e medio removeri fateor. At vero alterum argumentum, quod in Horatiano opere plura sunt omissa, quae in *Arte Poëtica* merito quis desideret, certe invictum manet. Etenim quamvis egregia arte dispositus ordo hujus scripti nulla tamen ei, de chori in tragoedia partibus, peripetia et agnitione, carmine Epico, Lyrico, Elegiaco, et quae plura viri docti in eo desiderant, praecepta adjicere aut restituere potest: unde etiam Pignae, Michelseni, ceterorumque vanum laborem arguas. Deinde recte Bouhierio objicias: primo minime necessarias ejus transpositiones esse, cum etiam sine illis ordo in Horatiano opere satis lucidus appareat, non quidem ille didascalici poëmatis severior, sed aliquis tamen: deinde confusionis ejus, qualem ipse statuatur, nullam facile excogitari causam posse: nam, quod de Grammaticis dictantibus ac subinde pausam facientibus scribit, (quod ipsum satis leviter probatur uno isto loco Quinctiliani, ubi citatur Horatius *in prima parte Artis Poëticae*) valeat hoc in quibusdam locis, in plurimis certe valere non potest. Ponamus enim illa a v. 73. *Res gestae* ad vers. 85. Grammaticis separatam partem constituisse, quae praemittenda illi de verbis disputationi a v. 45. *In verbis etiam*, turbato chartarum ordine, eidem postposita fuerit; quid quaeso causae fuit, cur versum 83. *Musa dedit*, et duo sqq. versui 79. et sequentibus postponerent? Cur, si quondam juncta fuerunt,

Vos exemplaria Graeca

Nocturna versate manu, versate diurna-

*Grajis ingenium, Grajis dedit ore rotundo
Musa loqui, praeter laudem nullius avaris.*

posteriores duo versus in alium postea locum migrarunt? Num hoc quoque dictantium Grammaticorum pausa tribuendum est? Sed certe pausam illi non fecerunt nisi post aliquam partem absolutam. Denique Bouhierii transpositiones saepe nexum sententiarum magis obscurant, quam illustrant. Post illa, v. 333.

*Aut prodesse volunt, aut delectare poëtae,
Aut simul et jucunda et idonea dicere vitae.*

in vulgari textu lucidum videmus ordinem. Primum agitur de *praeceptis*, quibus *prodesse* poëtae quaerant, deinde de rebus *voluptatis causa fictis*. Sed haec eadem apud Bouhierium, quam longissime a se invicem divulsa, nullo jam nexu cohaerent. Illud, quod modo citavimus: *Grajis dedit ore rotundo Musa loqui praeter laudem nullius avaris* in vulgari textu egregium parat aditum ad sequens, v. 325.

*Romani pueri longis rationibus assem
Discunt in partes centum diducere.*

quae eadem apud Bouhier. in parte septima et vicesima ita disputationi de Plautinis numeris et salibus subjiciuntur, ut difficillimus indagatu nexus sit. In vulgato textu disputatio de Romanorum inventis v. 285. sqq. apte subjungitur disputationi de Graecorum dramate; sed apud Bouhierium inconcinne prorsus illi de aetatum observatione.

Plura addere possumus: sed haec jam, credo, sufficient. Neque de D. Heinssii transpositionibus multa nos hic dicere necesse est, cum eas admittendas non esse jam olim plures ostenderint viri eruditi. Sane vel in illo exemplo, quod nos supra attulimus, errasse Heinssium facile patebit cogitantibus, historicum ordinem a poëta servandum non fuisse, tum et reputantibus ea, quae supra, Dacierium secuti, monuimus, in Cap. I. pag. 18. not. 6.

Tandem hocce scripto non quidem Artem poëticam ejusve compendium, at connexa tamen inter se praecepta et ad unum omnia finem spectantia, contineri putarunt Badius Ascensius, Janus Grifolus, Jason de Nores, Lambinus, Cruquius, Marcilius, Baxterus, Batteuxius, Sanadonus, Boscawenus, Wielandius, Colmannus, Hurdius, Engeliuss, Habersfeldius. Quorum tamen Ascensius et Grifolus librum esse, sive carmen didascalicum, non epistolam putarunt.

Grifoli locum, quo Epistolam esse negat, supra citavimus. Scribit alibi: *quid Horatius Flaccus in hoc libello scribendum sibi proposuisset, voluit ipsa inscriptione statim, ut mos est, omnibus esse notum, de Arte scilicet Poëtica*. Sed Artem poëticam qua significatione Grifolus acceperit, ipse postea docuit hisce verbis: *Constat hic libellus ex iis praecipue rebus, ex quibus maxime, quid deceat, apparet: et quantum ego existimare possum, quaecunque ad rerum congruentiam et decorum attinent, diligenter est persecutus Horatius*.

Putavit igitur, carmen esse didacticum de decoro a poëta servando. Badius autem Ascensius in prooemio, *Qualitas*, inquit, *carminis ab argumento didascalica, seu doctrinalis. Numerus*

Librorum hic non quaeritur: annus enim, nec sane magnus, sed unionum dignitate aestimandus. Sunt, qui in quinque particulas dividant, in quarum prima, inquam, poetarum vitia extirpat, in secunda verbi decorum instituit, in tertia rerum qualitatem et discrimina, item poematis genera et inventores demonstrat, in quarta actores, formam agendi, et quomodo consummata fuit, et in quinta ad diligentem castigationem cohortatur. Prima est in principio, secunda incipit a v. 38, tertia a v. 73, quarta a v. 202, quinta a v. 285, quas quidem partes licet non omnia impermixte, ex ordine tamen persequitur poeta. Et sic quidem ordinem scripti agnoscit, at Horatio propositum fuisse absolutissimam Artem poeticam tradere, certe non putat Ascensius. Nam quod alibi dicit In illo prooemio, scribentis intentionem esse, Pisones ceterosque Romanos in Artem Poeticam insinuere, id quomodo accipiendum sit, cum ex supra tradita Ascensiana operis Horatii summa, tum magis etiam e sequentibus elucet verbis. Addit enim Horatium id fecisse, ut Romani docte scriberent, et scripta castigarent: doluisse enim potius artem tam divinam et tam paucissimis datam a tot imperitis tam impudenter usurpari; Graecos praeterea propter exactam in castigando diligentiam Romanis praeferre.

Epistolam esse, qua praecepta de poësi dare Noster voluerit, Jafon de Noces putat. Idem fere Cruquio placuit, qui *epistolam tertiam libri secundi ad Pisones de Arte poëtica* inscripsit. cf. ejusdem epistola ad filium pr. Baxterus poëtam in Epistola ad Pisones, doctos homines, ac vulgaribus de poësi praeceptis haud contentos, non nisi exquisitissima quaeque colligere voluisse censet: (*On demandoit à Horace des règles fines et d'un sens profond; des règles de choix, des observations de génie, des jugemens de maître, en un mot, ce que le plus bel esprit du plus beau siècle de Rome devoit enseigner, s'il faisoit tant que de donner des leçons et ce que les plus habiles maîtres, et même les meilleurs livres n'enseignoient pas. Avant propos p. 2.*) ordinem vero, ut in epistola poëtica liberrimum esse. Mire Marcilius Horatium, tamquam unum e iudicibus, qui in templo Apollinis de poetarum (aliorumque) scriptis judicabant, quanam scripta in Bibliothecam Palatinam recipi, quanam rejici deberent, indicare, et hujus judicii normam hanc de Arte Poëtica epistolam relinquere voluisse conjicit. Probabiliter magis Lambinus *epistolam* esse statuit, in qua de *Tragoedia et Comodia utilisissima praecepta dare noster voluerit*: verba autem de *Arte poëtica* omnino posse retineri, modo concedatur etiam licitum esse reliquis Epistolis argumentum inscribi, ut, v. g. epistola ad Numicium vocetur *Epistola de finibus bonorum*, ad Fuscum Aristium, de *comparatione vitae rusticae et tranquillae cum vita urbana et turbulenta*. Sanadonum si audias, aegre ferebat Horatius, nonnullos aequales suos se poëtas dicere, licet ne naturam quidem atque veram indolem poëseos nosset; quamobrem, forte etiam Pisone aliisque amicis rogantibus, diligenter suam hac de re sententiam explanavit. Baxterus, *Satyra*, inquit, *haec est in saeculi sui poëtas, praecipue vero in Romanorum drama*. Baxterum sequitur Hurdus. At Engel. epistolam quidem esse censet; ei vero occasionem dedisse plurima scenae Romanae vitia, quae meliora docendo cum poëtas, tum ineptos poetarum judices, tollere noster voluerit. Boscawen. (*the Satires, Epistles, Art of Poetry of Horace translated into English. 1797. 8°.*) hoc poemate fragmenta contineri colloquiorum putat Horatium inter et Pisones

habitorum, eo fine, ut Pisonum juvenum major ab inconsiderata cupiditate scribendi revocaretur, quod is poeta palam haberi vellet, nec esset: atque ita partim certe, Wielandine dixerim, an Colmanni sequitur opinionem. Nam Wielandius quidem, in Germanice scripta disputatione (titulum operis in praefatione citavimus, editi a. 1783.) „Major,” inquit, „juvenum Pisonum ingenti flagrabat amore poëseos, tanto quidem, ut pater serio tandem sollicitus, ne filius, huic inconsideratae lubidini indulgens, ea ageret, quae neque stirpis mobilitati, neque patris honoribus convenirent, Horatium rogaret, meliora sapere juvenem doceret; eique veram poëseos naturam, ejusque tractandae difficultates, atque pericula indicaret: quod cum ab Horatio impetrasset, hic, quem fortasse etiam ipse juvenis rogaverat, ut sibi Artis poëticae praecepta traderet, optimam occasionem nactus deridendi poëtas sui temporis, hanc epistolam conscripsit, qua, sicut eos ne elementa quidem ejus, quam profiterentur, artis intelligere doceret, ita juvenem sub poëticae institutionis specie, te vera a poësi deterreret.” Colmannus autem in Q. Horatii Flacci Epistola ad Pisones de Arte Poëtica, Anglice conversa et notis illustrata, Londini 1783. in 4°, nescio an inscius eorum, quae in Germania scripserat Wielandius, certe sub idem fere tempus plane similem de consilio Horatii sententiam proposuit, hoc tantum (sane probabiliter!) addito, ob praecipuum in Pifone dramaticae poëseos studium eam prae ceteris partem elaborasse nostrum. Habersfeldio denique definire visum est hoc poema, Didactico-Satyricam infectionem poëtarum Romanorum Horatii aequalium, cui occasionem atque formam dederint Horatii colloquia vel certe necessitudo cum Pisonibus.

Ex his igitur, qui classem nobis tertiam constituerunt, Grifoli quidem ratio propterea minus probanda nobis videbatur, quia nec ubique decori observantiam inculcet Horatius, ut ipsum librum conferentibus satis apparebit; nec ulla excogitari causa possit, cur aut, decorum unice commendare volens, alia plurima admiscuerit, aut illud adeo prae ceteris Artis Poëticae partibus commendare Auctor voluerit. Deinde descriptionem Horatii non librum esse sed Epistolam superiori capite vidimus. Debuit igitur etiam naturam epistolarum sequi, id est Pisonibus inscripta argumentum tractare, quod cum Pisonum studiis, opinionibus, temporibus aliquo modo connexum esset. Hoc nec vidit Grifolus, nec videre potuit, cum librum putaret. Quod si quis, epistolam ratus, ita quoque de decoro argumentum esse statuatur, observet velim, proxime Pisones ipsos spectantia v. 268. sqq. 291. sqq. 366. sqq. quodvis aliud, quam decori observationem inculcare. Nihil etiam in Horatii scripto est, quod Marcilii confirmet opinionem. Nam quod est in versu 292. *Carmen reprehendite cet.* vereor, ut eo trahi possit. Certe sequentia non possunt. Quae Batteuxius de epistolari hujus operis forma scripsit, ea longe verissima putamus. At Horatium hic rogatu Pisonum exquisitissima, nec facile alibi invenienda Artis Poëticae praecepta tradere voluisse, ei nequaquam adsentimus. Sunt enim pleraque poëtae praecepta tantum non vulgaria, plurima, quae ex Aristotele desumpta, supra Cap. II. ni fallor, demonstravimus, magis ea novis illecebris condita, quam nova. Qui simpliciter hic praecepta de poësi et Arte Poëtica tradi putant, ut olim Jason de Nores et Cruquius, ii doceant necesse est, cur Auctor in hac Epistola pauca e multis praecepta et cur haec potissimum selegerit. Sed, sicut id docere Jason et Cruquius praetermiserunt, ita Lambinus, cur de tragedia et comoedia potissimum noster egerit. Fragmenta colloquiorum

Horatii cum Pisonibus hic exhiberi minus honorificum est Boscaweni de hoc opere iudicium. At suntne haec fragmenta? Mihi quidem apte inter se connexa omnia videntur, vel potius unum ac continuum esse sententiarum filum. Baxteri et Hurdii sententia, Satyram hanc esse in Romanorum drama, ideo probabilis mihi non videtur, quia nimis multa in hoc opere cum poësin universam, vel etiam partes ejus a dramatica poësi diversissimas, tum propius Piones ipsos spectant. Est etiam haec non Satyra, sed Epistola. Quod etsi bene viderunt Sanadonius et Engelijs, primarium tamen, ex Epistolarum natura repetendum, Horatii consilium prorsus neglexerunt, quibus nimirum totus iste locus, qui est a versu 366. *O major juvenum* quorsum pertineat, incertum atque indefinitum relinquatur. Is autem et quidem merito Wielandii Colmannique diligentiam vel inprimis advertit. At ne hi quidem, si Habersfeldium audias, totum Horatii consilium mente complexi sunt. „Primum,” inquit, „non est vero, „simile, Horatium propter juvenem 14. aut 15. annorum tantum hoc opus concinnasse: „(verum ut Cap. III. vidimus, haec scribente Horatio jam circiter 22. annos natus erat „Cn. Calp. Piso filius) deinde, quod Wielandius et Colmannus Horatio tribuunt consilium, „tam astutum est, ut facile propter nimiam astutiam (*superfeinheit*) successu caruerit, aliter illa accipiente Pione, qui, si ingenio non acutissimus, ut putatur, fuit, certe nihil „in hoc opere, nisi praecepta sibi tradita scribendi viderit. Et omnino plura praecipit Horatius, plura fufius atque diligentius praecipit, quam ad indicatum a Wielandio consilium „pertinere quisquam dixerit. Si, quod illi putant, Piso fil. minus fuit natura factus ad haec „studia, certe noster eum a scribendo detertere volens, potius naturam commendare, quam „artem debebat. At in Horatii opere perpetua est Artis commendatio.” Sic fere Habersfeld. nec omnino sine veri specie. Certe mihi quoque magis artem quam naturam commendare semper visus est Noster. Tum et ea, quibus poësin extollit v. 391. *Silvestres homines* et sqq. quorumque clausula est,

ne forte pudori

Sit tibi Musa lyrae solers et cantor Apollo.

quomodo scripta censeantur ad aliquem a poësi deterrendum, haud sane capere me fateor.

Quid vero igitur de ipsius Habersfeldii sententia dicemus? Illud statim mihi mirum accidit, eum virum, qui diligentissime universam hanc materiam perscrutatus esset, et inprimis Horatii epistolarum naturam omnium accuratissime investigasset, eum igitur Horatio in hac Epistola scribendi consilium istiusmodi tribuisse, quod recte Satyram quam Epistolam scribente poëta dignius habeatur. Etenim Satyrica infectatio poëtarum Romanorum, quamvis ob colloquia vel omnino necessitudinem poëtae cum Pisonibus ab eo scripta, quamvis Pisonum etiam nomen in fronte praeferens, jure epistola dici non potest. Alias enim etiam Horatii sermonum Libro Primo Satyras 1. et 6. jure epistolas ad Maecenatem, Juvenalis Satyram 8. epistolam ad Ponticum dixeris. Nam et hisce Satyricis certorum hominum infectionibus occasionem dare potuerunt Flaccii cum Maecenate, Juvenalis cum Pontico colloquia. Nimirum epistolarum scriptor non magis alios, quam eum, ad quem scribit, respicere debet; neque etiam verum est, Horatium in hac Pisonibus inscripta epistola praecipue malos sui temporis poëtas infectari. Multis

quidem in locis obiter stultitiam eorum ridet, sed est tota epistola magis praeipientis et amice monentis, quam infectantis. cf. dicta Cap. IV. Quem vero spectet monitis, satis, ut mihi videtur, indicat majoris illa juvenum Pisonum a versu 366. ad finem epistolae percentum et quod excurrit versus continuata allocutio.

Omnino ut naturae epistolarum, ita ratione habita cum Pisonum, quales eos supra Cap. III. cognovimus, tum et ipsius Horatii, item temporum, quibus Pisonēs et Horatius vivebant, verosimile nobis videtur, Horatium ad eos, familiares suos, epistolam hancce scripsisse aliquamdiu postquam, Piso filius obsequium praestare principibus coeperat; scribendi vero causam ei hanc fuisse, quod Pisonem istum societate poetarum, qui cum Augusto Tiberioque plurimi versabantur, in eadem tractum studia poeseos, nisi per se ipse, certe ex ejus parente cognovisset, ideoque eum nonnullis ad rem poeticam pertinentibus monitis a se instrui, minime supervacuum duceret; ne forte, communi deceptus eorum temporum errore, plus ingenio, vel cuidam, ut hodie vocant, entusiasmo poetico, quam arti disciplinaeque dandum putans, totum se assentatoribus praeberet; rudia et inculta poemata, ut praeclaros felicissimi ingenii foetus, statim in lucem emitteret; et omnino ridiculus poeta existeret.

Etenim familiaritatis Horatii cum Pisonibus, supra Cap. III. verosimilem certe causam atque originem indicavimus, Horatii cum Cn. Pione patre in castris Bruti et Cassii commilitium. Profecto, nisi illa familiaritas fuisset, Cn. Piso filius, homo nobilis ac dives et jam principum gratia florens, Horatium, quamvis egregium poetam, certe libertini filium, tanta libertate se monentem vix tulisset, ipse natura ferox et superbus.

Vidimus eodem Cap. III., Cn. Calp. Pisonem filium obsequium praestare Augusto Tiberioque coepisse biennio fere ante scriptam hanc epistolam.

Porro sicut universe temporibus Horatii magnus fuit pravorum poetarum numerus, quod certe aliter fieri vix poterat, tot hominibus poesin exercentibus, teste Horatio II. Epist. I. 108. sqq.

*Mutavit mentem populus levis, et calet uno
Scribendi studio: puerique patresque severi
Fronde comas vincti coenant, et carmina dictant.*

cum et pretium nomenque poetae facile quivis paullo ditior consequeretur

Impensis coenarum et tritae munere vestis.

ut e nostro discas, I. Ep. XIX. 38. ita praecipue multos hujus generis poetas in Augusti Tiberique comitatu fuisse cum per se probabile est (litterarum enim fautor et erat Augustus et magis etiam haberi volebat, Tiberius vero ipse non optimus poeta erat) tum magis etiam ex Epp. Horatii Lib. I. 3. et 8.

Pisonis igitur, qui in eam aulam et juvenis, et rerum humanarum rudis, et nihil sibi non arrogans venerat, ista quin traxerit contagio, dubitare vix possumus. Omnes condere poemata videbat. Quidni igitur idem etiam Cn. Piso faceret, *Liber et ingenuus, praesertim census equestrem summam nummorum*: addamus licet, praesertim Cn. Piso? Quantam vero, poesi

incumbens, continuo inopum ac famelicorum hominum turbam adolescens concitaverit, qui, ut poëta ait, *Dives agris, dives possitis in fœnore nummis*, multa donare, lauto excipere convivio, levi pro paupere spondere; atris litibus implicatum iisdem eripere poterat, utique facile est ad divinandum. Assiduebat omnis grex assentatorum et Cn. Pisonem Cn. fil. Cn. nep. optima olim poemata conscripturum vel et jam conscribere pronuntiabat; eam esse felicitis vim ingenii; quo qui tantopere valeret, eum jam artis praeceptis nihil indigere: solo enim ingenio poëtas censeret vel ipsius Democriti iudicio. Quod cum illi partim etiam ex animo dicerent, ipsi videlicet artem limamque posthabentes, utque in effundendis versibus suo solum ingenio, nec ei valde sano, obtemperantes, ita factos statim in lucem emittentes, haud difficulter juveni ita sese rem habere persuaserunt. At vero Horatius, Romam redcem adolescentem talibus imbutum sentiens erroribus, vel ipse sua sponte, vel forte patris Cnei rogatu, hanc Pisonibus scripsit epistolam, qua praecipue quidem istum juvenem, deinde vero etiam alios sui temporis homines doceret, poëtae omnino opus esse arte, doctrina, labore atque indefesso studio, quibus ad perfectionem anniteretur, cum mediocri esse poëtae non sit licitum. Sunt enim nimis multa in hac epistola, quae id auctori consilium fuisse demonstrant. Statim a principio poëtam carpit, uni ingenio vel potius ejus deliriis omnia permittentem, et hinc nihil nisi monstra procreantem, eundem vero tam arte rudem, atque destitutum, ut fere fugiendo vitio in oppositum labatur, et interdum quidem inceptis gravibus unum alterumve pulcrum pannum assuere, totum vero ponere non possit. Itaque suas quemque antea spectare vires jubet, se ipsum noscere, atque ita convenientem viribus materiam eligere; eam deinde rite ac diligenter tractare, etiam circa verba curiosum: descriptas servare vices operumque colores, alia etiam, quae recenset, discere: denique scribentem carmina limae labore non offendi. Tum et, aliis ingenium, vel potius, nescio quam, insaniam jactantibus, ipse futuro poëtae artem atque disciplinam commendat: ei ad recte scribendum primum opus esse praeceptrice docens Philosophia, maxime Socratica illa, deinde continua vitae communis observatione: ita liberaliter institutum ad perfectionem amitti posse, et vero etiam debere. Id enim maxime urget Horatius perfectum esse poëtam oportere; nobilitatem, divitias, reliqua Pisonem prae aliis ornantia ipsum immunem ab hoc officio non facere. Esse vero etiam dignam poësin, cui tantum laboris homo, quamvis dives, quamvis nobilis et Pison impenderet. Deinde iterum Horatius quaestionem aggreditur, naturane poëta egregius an arte fiat, et quamvis etiam vena divite ad poësin opus esse ultro fateatur, artem tamen atque disciplinam, ut ad alia exercitia, sic ad poësin necessarias esse, magis dedita opera confirmat. Denique Pisonem, juvenem divitem, cavere sibi jubet ab assentatoribus, qui, lucri spe, quodvis ejus, etiam minime excultum, carmen statim, ut egregium, laudaturi essent; at contra fidos amicos consulere, iisque de vitio monentibus et correctionem praecipientibus docilem aurem praebere.

Nimirum obsequii ignarum ac violentum Cn. Calp. Pisonis Cn. filii ingenium supra Cap. III. cognovimus e Tacito. Qua vero occasione magis etiam ab assentatoribus depravatum illud fuerit, certe depravari potuerit, modo indicare conati sumus. Eo passim in hac Epistola nostrum respicere, superest, ut doceamus. Certe v. 163. et 165. juvenis describitur

*Cereus in vitium flecti, manitoribus asper,
Sublimis ———*

Dicas eadem apud Aristotelem legi. Concedo: sed cur his potissimum usus sit Horatius, indicari velim. Tali juvenis ingenio certe disciplinam aspernabatur, nihil se non posse confidebat, ignorantiam fateri turpe ducebat, reprehensores tantum non oderat. Quid? eumne tangere videntur ista v. 85.

Cur nescire pudens prave, quam discere malo?

v. 381.

*Qui nescit versus, tamen audet fingere. Quidni?
Liber et ingenuus, praesertim census equestrem
Summam nummorum, visioque remotus ab omni.*

v. 386.

Si quid tamen olim (h. e. post longum aliquod tempus scripseris, nam adhuc quidem non convenit. quid enim hac aetate juvenis produceres?)

*in Maeci descendat judicis aures,
Et patris et nostras, nonumque prematur in annum.*

v. 416.

*Num satis est dixisse; ego mira poemata pango.
Occupet extremum scabies, mihi turpe relinqui est:
Et quod non didici, sane nescire fateri.*

v. 438.

Quinctilio. cet. ad versum 453. quibus docet verum amicum omnino carminum vitia reprehendere debere, ne poetam in errorem inducendo gravissimis malis obiciat. Forte ipsius Horatii reprehensionem non optime laturus Piso videbatur, ne scripta quidem sua, ut Flaccus volebat v. 388. cum eo communicaturus, errare quam corrigi malens. Itaque tristem ejus erroris exitum ei ridiculis maxime coloribus delineatum poeta ob oculos ponit, ut qui ridiculum acri fortius et melius magnas plerumque res secare unus omnium optime nosset.

Ast, obiciat forte quispiam, si propter unum Cn. Pisonem filium scripta est epistola, cur in hujus v. 6. multitudinis numero *Pisones*, in v. 24. *pater et juvenes patre digni* compellantur? Ei primo respondeamus, nihil quidem magis Horatio cordi fuisse, quam ut juvenem istum ab assentatoribus corruptum et pravo errore delirantem saniori menti restitueret; eum tamen hoc consilium suum non aperte prae se tulisse; nam omnino postulasse ferox illud ac violentum juvenis ingenium, ut ad sanandum eum tecte procederet: quod alioquin ab ea manu jam ipsi suspecta forte medicinam ne admoveri quidem sibi passus fuisset. Epistolam igitur Horatium inscripsisse Pisonibus: eum vero, quem maxime peteret, juvenum majorem, non nisi in fine demum epistolae compellandum sibi censuisse. Cf. Colmann. ad h. l. At erat tamen, quod in illa epistola patrem etiam ac minorem filium haud leviter tangeret, patrem quidem ob precipuam ei liberorum, praesertim majoris filii curam, minorem autem filium ob communem ei cum fratre poeseos amorem. Illud porro tenendum est, Horatium in Epistolis suis eos quidem,

ad quos scribat, maxime, sed tamen ut poëtam etiam alios, universum adeo eruditorum hominum vulgus respicere: quod, ut de omnibus, ita de hac praecipue verum est epistola. Vulgaris, ut jam diximus, hominum Horatii temporibus error erat (et multorum etiam est nostris temporibus) ad poësin arte non opus esse, artem prae ingenio miseram esse, poëtam solo posse perfici ingenio. Sublatum hunc errorem non ex Pisonis modo, sed etiam ex aliorum animis voluit Horatius. *Scribentis, inquit Badius, intentio est Pisones, ceterosque Romanos in artem poëticam instituere, ut docte scribant et scripta castigent. doluit enim poëtae artem tam divinam et tam paucissimis datam a tot imperitis impudenter usurpari. Graecos praeterea propter exactam in castigando diligentiam Romanis praeferrere.* Itaque lubenter ea, quam ipsi Piso tribuebat, occasione usus est Horatius ad probandum, esse omnino poësin artem, sive ad poësin etiam artem requiri. Quare neque tam veteri inscriptione operis *de Arte poëtica* offendar, modo primum tenere cum Lambino liceat, illam argumenti epistolae expositionem esse, deinde cum Habersfeldio in praef. ad h. l. p. 425. ea nihil significari, nisi hoc, praeter ingenium etiam artem poëticam requiri, sive, quod modo diximus, poësin Artem esse.

Est igitur haec, nobis iudicibus, Q. Horatii Flacci Epistola ad Cn. Calp. Pisonem ejusque duo filios Cn. et L. scripta, anno circiter V. C. 731. qua maxime quidem Cn. Pisoni filio, poësin cupidius, quam accuratius tractanti, sed et aliis ostenditur, arte ad poësin opus esse.

T A N T U M

T H E S E S.

I.

Recentissimae Philosophorum observationes circa lanam, quae dicitur, aliasque res naturales tametsi terrarum hujus orbis originem longe docent antiquiorem esse, quam illam hominum et animalium creationem, cujus meminit Moses Genes. I. nequaquam ideo traditionem Mosaicam infirmant, imo potius divinam traditionis ejus auctoritatem quam maxime probant atque confirmant.

II.

Quam Pericli causam belli Peloponnesii suscipiendi fuisse jactarunt ejus inimici et Comici, „ eum scilicet, cum pecuniam publicam minus bene administrasset, ejusque administrationis rationem reddere vereretur, aliis rebus populum implicare studuisse;” eam plane abhorrere ab animo tanti viri defendimus, auctorem secuti D. WYTTENBACH. Virum Cl. Bibl. Crit. Vol. III. P. III. p. 80.

III.

Perfido minimeque Regem decente consilio Philippus Macedo Phocensibus pacem, simul vero Boeotiae ac Thesaliae auxilium contra Phocenses pollicitus est. vid. Justin. Lib. VIII. Cap. 4.

IV.

Qui primus in urbe Roma divortium fecit, ei plus damni intulit, quam aut Hannibal aut Spartacus.

V.

Minus verum est, quod de nobilissimo Carthaginiensium duce Hannibale judicium tulit Historicorum Romanorum princeps T. Livius Lib. XXI. Cap. 4. in

*fine. „ Magnas viri virtutes ingentia vitia aequabant, inhumana crudelitas,
„ perfidia plus quam Punica, nihil veri, nihil sancti, nullus Deorum metus,
„ nullum jusjurandum.” Rectius de eo judicavit Polybius in excerptis Lib. IX.
Hist.*

VI.

*Qui consilium Ciceronis in evehendo Octaviano Caesare reprehendunt, illi ve-
reor, ne ex eventu magis, quam perpenso judicio rem aestiment.*

VII.

*Non sunt plura hujus vitae mala, quam bona; sed haud raro mala sponte
appetimus, bonis autem frui nescimus, ut non sine causa de hominibus dixerit
Jupiter Homericus:*

ἥσσον ἀτασθαλίῃσιν ἢ πᾶσι μοῖραι ἄλγε' ἔχουσιν.

ADDENDA ET CORRIGENDA.

- P. 2. Not. 3. Im. a. ~~naufragium~~ lege *naufragium*.
P. 8. in margine — 4. *hi* — *Hi*.
P. 32. — 18. *λέξη* — *λέξει*.
P. 60. linea ult. *Croterus*. — *Gruterus*.
P. 64. — I. Epist. II. 3. — I. Epist. 3.
P. 68. — 30. *Scaliger*; add. in *Praef. Libb. de Re Poëtica*.

Auctoribus, quorum in praefatione mentionem fecimus, addantur Bouhierius ac reliqui, in Cap. IV. et V. citati, quos cum illa typis describebatur, ignorabamus.

